


PHILOTHEI
MEDICI PRAESTAN-
TISSIMI COMMENTARIA
IN APHORISMOS HIPPOCRATIS.

NUNC PRIMUM E GRAECO IN LA-
tinum sermonem conuersa.

LVDOVICO CORADO MANTVA-
no Interprete.



S. P I R A E
Apud Bernhardum Albinum,
M. D. LXXXI.







REVERENDISSIMO PRIN-
CIP I AC DOMINO DOMINO
MARQVARDO Episcopo Spirensi, Pra-
posito VVeissenburgensi: Sacrae Caesaræ Ma-
iestatis Consiliario, & Iudicij Imperialis
Camerae Prasidi. Domino suo
Clementiss. S.



NON omninò REVEREN-
DISSIME Princeps absur-
dum quid facturum esse visus
sum: Si CELSITVDINI Tuæ
quātumuis Ecclesiasticarum
administrationum eminentia præfulgen-
ti & Ciuiliū quoq; occupationum gra-
uitate multiplici distractæ exiguas hæc
in speciem commentatiunculas medicas
prælo meo impressas, hoc tempore offer-
rem. Cū enim valetudini curandæ CELS.
tua proximis ab hinc mensibus totam se
tradiderit, nec infelici quantum apparet
successu in id incubuerit, non prorsus in-

P R A E F A T I O.

decorum, vel inconueniens Diuino illo
C E L S I T. tuæ genio ad intermissas pa-
rumper Reipublicæ curas reuertēti, futu-
rum quis dixerit, si sub initiū ingredien-
tis iam anni (quem C E L S I T V D I N I tuæ
faustum, foelicem atq; adeo omni diuina-
rum largitionum copia affluentem, ex
animo præcor) principia hæc artis medi-
cæ, quos A P H O R I S M O S vocant summi
illius Medicorum principis Hippocratis
grauitatis ac maiestatis plenos, Philothei
breuissimis singul & accuratissimis com-
mētarijs illustratos S T R E N A E loco admit-
teret. Quos versare obiter cum delecta-
tione excellentis ingenij C E L S I T V D O
tua poterit in tantum, quantum vacare
medicis confirmandæ valetudinis causa
animum alioquin induxerit. Vale
Princeps Reuerendissime: meq; vel infi-
morum clientum suorum numero
adscribat, C E L S. tua.

Bernhardus Albinus
Typographus

INDEX EORVM QVAE IN Commentarijs continentur.

A phorismus quid sit & unde dicatur. 1.a	
Acutus morbus qui dicatur & peracutus. 6.a	
Accessio est grauior pars periodi 9.a	
Accessionum indicationes 9.b	
Alui mutationes ad lubricum & ad stipticum quibus de causis fiant 23.a	
Acutorum morborum materia qualis 24.b	
Acutus simpliciter & ex decidentia 25.a	
Apoplexia quomodo fiat 31.a	
Apoplexia duplex, curabilis & incurabilis 31.b	
Aëris qualitatum variatio facit morbos 36.b	
Austri cur calidi sint humidi 38.a	
Annus constans qui dicatur 39.b	
Autumnus quibus de causis morbosus 40.a	
Autumni aegritudines propriae 49.a	
Aphthæ ulcera oris puerorum 50.a	
Ascarides sunt lumbrici tenues 51.a	
Angina cur letalis 66.a	
Angina & proxima angina 81.a	
Aqua optima conditiones 92.b	
Acetabula in utero quæ dicantur 96.b	
Ambidexter quæ de causa fiant 131.b	

<i>Attonitus morbus quæ</i>	121.a
<i>Boreas quos morbos excitet</i>	38.a
<i>Boree commoda & incommoda</i>	45.b
<i>Bilis atra in principio morbi cur letalis</i>	62.b
<i>Bilis atra ex quibus humoribus fiat</i>	63.a
<i>Bilis atra malignitas</i>	63.a
<i>Biliosa excretio sanat surditatem & è contra- rio</i>	64.b
<i>Balbuties quare fiat</i>	115.a
<i>Balbi profluuium alui obnoxij</i>	115.b
<i>Bulle in urina quid portendat</i>	129.b
<i>Cibus cur in acceſſione morbi prohibeatur</i>	9.a
<i>Crescentia plurimum caloris habent</i>	11.a
<i>Concoctio opera ſolidarum partium</i>	18.b
<i>Cibus humidus facilius alteratur diſtribuitur quam ſiccus</i>	20.a
<i>Comitialis morbus in pubertate ſoluitur</i>	84.a
<i>Conuulſio quid ſit & quotuplex</i>	25.b
<i>Cur aliqui ſine cauſa manifeſta exoluantur</i>	31.a
<i>Cræſſi cur citius gracilibus moriantur</i>	32.b
<i>Cur moderata natura congruant</i>	34.b
<i>Conſtitutionis temporis & mutationis diſſe- rentia</i>	44.a
<i>Conſiſtentium morbi quales</i>	53.b
<i>Canis & ante canē purgare cur prohibeāt</i>	56.b
<i>Colli peruerſio triplex</i>	66.b.
<i>Colores</i>	

<i>Colores qualitatem corporis significant</i>	68.a
<i>Calidus sudor</i>	68.b
<i>Convulsionum species tres</i>	73.b
<i>Crapule solutio quando fiat</i>	83.b
<i>Calidorum nimis usus nocumenta.</i>	87.a
<i>Caloris utilitas</i>	90.a
<i>Convulsio quid sit</i>	92.a
<i>Cancer quid & eius causa</i>	116.b
<i>Chirironia ulcera</i>	119.a
<i>Cerebri praecisi signa</i>	120.b
<i>Coxendicum curatio</i>	123.a
<i>Dies indices q. dicatur, quiq. cōtemplabiles</i>	25.a
<i>Distilatio quid importet</i>	42.b
<i>Dierum indicantium enumeratio quo pacto facienda sit</i>	52.b
<i>Distributio in atram bilem & sanguinē</i>	62.b
<i>Dies sextus male iudicat</i>	64.b
<i>Difficultas spurandi quotuplex & quid portendat</i>	71.b
<i>Dentes sentiunt, aliā ossa non</i>	88.a
<i>Dolor capitis sanatur phlebotomia</i>	105.a
<i>Difficultas intestinorum</i>	108.a
<i>Desipientia multiplex</i>	121.a
<i>Dolor ventris magnus unde</i>	128.a
<i>Dolores articulorum unde fiant</i>	45.a
<i>Evacuatio quid à purgatione differat</i>	3.b

<i>Euacuationis indicationes</i>	4.a
<i>Euacuatio qua parte facienda</i>	14.b
<i>Euacuatio usq; ad syncopem quando & in quibus morbis facienda</i>	15.a
<i>Epilepsia quot modis solvatur</i>	33.a
<i>Estatis proprij & alieni morbi</i>	48.a
<i>Etatis mutatio corpus immutat</i>	52.b
<i>Euacuatio spontinā duplex</i>	61.b
<i>Excreationum iudicia</i>	70.a
<i>Fames duobus modis accipitur</i>	21.b
<i>Fames canina duabus de causis fit</i>	24.a
<i>Febres acutæ cur in estate fiant</i>	41.a
<i>Febris eadem hora inuadens. Longa</i>	64.b
<i>Febris discessus quando tutus</i>	66.a
<i>Fride vsus noxius</i>	87.b
<i>Frigoris nocumenta</i>	88.a
<i>Frigoris utilitates</i>	89.b
<i>Fluxus alui ab ortum facit</i>	94.a
<i>Fœtus masculi signa</i>	96.b
<i>Fluxus muliebris accidentia</i>	97.a
<i>Flatuosi qui sint</i>	106.b
<i>Frigus extremarum partium cur malum</i>	123.b
<i>Furor proprie qui dicatur</i>	124.b
<i>Grauidis quandoque menstrua fluunt</i>	102.a
<i>Gibbi cur pubescentes moriantur</i>	119.a
<i>Graciles facile vomunt</i>	57.a

<i>Helleborus duplex</i>	60.a
<i>Helleboro qui sint purgandi</i>	59.a
<i>Habitus bonus quis & quando periculosus</i>	5.a
<i>Hypochondria quæ dicantur</i>	29.a
<i>Hiemis egritudines proprie</i>	49.b
<i>Humida temperatura insalubres</i>	107.b
<i>Hepatis durities cur fiat</i>	118.a
<i>Inedia est extremum remedium in victu</i>	7.b
<i>Inedia distributio per etates</i>	10.b
<i>Inedia in difficultate intestinorum</i>	108.a
<i>Iudicatio quo modo perfecta fuisse dignoscatur</i>	21.b
<i>Iuuenes cur sæpe agrotent</i>	30.a
<i>Iudicatio tribus modis accipitur</i>	13.b
<i>Iuuenum morbi quinam sint</i>	53.a
<i>Insania duplex</i>	112.b
<i>Ileos est vomitus stercoreis</i>	125.b
<i>Labor quod modis accipiat</i>	16.b
<i>Lassitudo triplex</i>	18.a
<i>Lippitudo sicca unde proueniat</i>	45.a
<i>Lientaria duplex</i>	58.b
<i>Lassitudo duplex</i>	65.a
<i>Lacrime quibus de causis proueniant</i>	72.a
<i>Lentores circa dentes morbi longitudinem significant</i>	72.a
<i>Lactis partes & natura</i>	103.a

<i>Lac quibus conueniat</i>	103.b
<i>Leuitas intestinorum</i>	107.b
<i>Lipitudo quibus de causis</i>	114.b
<i>Lienosi quando ad hydropem transeunt</i>	118.a
<i>Lethargus & eius causa</i>	126.b
<i>Lingua subita resolutio unde</i>	131.a
<i>Medicina diuisio</i>	2.a
<i>Medicus qualis esse debeat</i>	3.a
<i>Monte & appetitu cōstare quid significet</i>	28.a
<i>Morbi congruentes qui dicantur</i>	28.b
<i>Membra quæ exersentur labores facilius susti-</i> <i>nent</i>	34.a
<i>Magnitudo tripliciter accipitur</i>	35.b
<i>Morbi temporibus cognati & alieni</i>	33.a
<i>Malus corporis habitus quomodo fiat</i>	54.b
<i>Melancholici per inferius sunt purgandi</i>	57.b
<i>Motus purgationem adiunat</i>	59.b
<i>Morbi comitiales</i>	94.a
<i>Menses decolores qui sint appellandi</i>	95.a
<i>Mamma sanguinem in lac mutant</i>	95.b
<i>Mucor quid significet</i>	96.b
<i>Mulier an sui causa sit sterilis</i>	101.a
<i>Mulier cur sterilis fiat</i>	102.a
<i>Morbum attonitu</i>	122.a
<i>Melancholiae detrimenta</i>	113.a
<i>Membra corporis principalia</i>	113.b
	Nox

Nox precedens iudicationē cur molesta sit	20.b
Nutritum triplex	22.a
Nivis nocumenta	91.b
Nephretici qui dicantur	130.a
Omentum ex adiposa & fibrosa substātia	132.b
Peracutus morbus qui dicatur	7.b
Pharmatia quid significet	14.a
Purgationis nocumenta	29.b
Puerorum morbi	50.a
Phyma pustule sunt cito nascentes	51.b
Pregnantes quando purganda	55.a
Purgare astate periculosum	56.b
Purgatio excedens inducit convulsionem	83.a
Pus in ulceribus sanitatis certa indicium est	89.b
Periodus in morbis quid sit	9.a
Pregnanti sanguis non est mittendus	93.b
Pregnans quo pacto dignoscatur	96.a
Pica cur fiat	102.a
Pili cur in anteriori parte plus enascantur	105.a
Pustularum distinctio	109.b
Podagra eunuchi, mulieres, & puberi non laborant	114.a
Phagedena ulcera	119.a
Podagra solutio quadragesimo die fit	120.a
Podagra quo tempore magis infestet	121.b
Quomodo praeparetur corpus purgationi	19.b

<i>Quartana cur astate brevis</i>	25.b
<i>Quomodo sit à consuetis recedendum</i>	35.a
<i>Quando vomitu aut purgatione utendū</i>	57.a
<i>Quando superius purgandum</i>	60.a
<i>Quando per inferius purgandum</i>	61.b
<i>Quies & somnus purgationem minuit</i>	59.b
<i>Rigor quid sit & qua de causa fiat</i>	64.b
<i>Rigoris significationes</i>	70.a
<i>Rigor qua de causa fiat</i>	73.b
<i>Regius morbus quibus de causis fiat</i>	75.a
<i>Respiratio prohibita quibus de causis fiat</i>	76.b
<i>Signorum apparentia tria genera</i>	10.a
<i>Sputum & spuitio quo differant</i>	10.a
<i>Somnus qua de causa fiat</i>	12.a
<i>Somnus laboriosus quo in tempore mortem significet</i>	16.b
<i>Somni longi à comate differentia</i>	17.b
<i>Senes cur rarè egrotent</i>	30.a
<i>Spuma quomodo fiat in strangulatis</i>	32.a
<i>Siccitas acutos & pestilentes morbos facit</i>	39.a
<i>Senum egritudines quales</i>	54.a
<i>Sitis cur fiat in purgatis</i>	61.a
<i>Sudoris indicia</i>	67.a
<i>Sudoris frigidi significationes</i>	67.a
<i>Sudores multi unde fiant</i>	68.b
<i>Synocha febris cur periculosa</i>	69.b

<i>Signa letalia in febris</i>	71.a
<i>Surditas in febris unde</i>	71.b
<i>Sanguis spumofus ex pulmone fertur</i>	85.a
<i>Situs quibus de causis fiat & quomodo sedetur</i>	92.b
<i>Suffitus quare menstrua educat</i>	94.a
<i>Suffocationem uteri qua faciant</i>	94.b
<i>Superuenientia quae dicantur</i>	107.a
<i>Singultus causa & remedia</i>	110.b
<i>Suppurati qui dicantur</i>	113.b
<i>Spumosa excrementa cur fiant</i>	128.b
<i>Sedimen pingue est urina</i>	129.b
<i>Suppurati qui dicantur</i>	130.b
<i>Sphacelismus quid significet</i>	132.b
<i>Sternutatio puid sit</i>	133.a
<i>Temperatura ad aequalitatem reducuntur ab anni temporibus</i>	37.b
<i>Tabidi qui dicantur</i>	40.b
<i>Tabidi fiunt, habentes collum longum pectus gracils</i>	43.a
<i>Tempatura in similibus tēporibus gaudēt</i>	46.b
<i>Tonsille sunt inflammationes astmi</i>	51.a
<i>Tabidi non sunt vomitu euacuandi</i>	77.a
<i>Turgere quid significet</i>	58.a
<i>Tympania quando fiat</i>	58.a
<i>Timores in somnis unde fiant</i>	73.a
<i>Tertiana exquisita signa</i>	74.a

<i>Tabes unde nascitur</i>	84.b
<i>Tenasmus quid sit</i>	98.a
<i>Tumoris in ulceribus nocumenta</i>	104.a
<i>Tussis in hydropicis malum signum</i>	116.a
<i>Telephia ulcera</i>	119.a
<i>Vita quinq; modis accipitur</i>	1.b
<i>Viētus tenuis triplex & copiosus similiter</i>	7.a
<i>Viētus tenuissimus quibus conueniat</i>	7.b
<i>Viētus per comparationē ad tēpora morbi</i>	9.b
<i>Viētus tenuis in omni statu conuenit</i>	9.a
<i>Ventres qui dicantur à medicis</i>	12.a
<i>Viētus humidus quibus & quando cōpetat</i>	12.b
<i>Viētus quomodo partiendus sit</i>	13.a
<i>Vertigo quid sit & unde fiat</i>	46.a
<i>Veris egritudines proprie & aliene</i>	47.a
<i>Vrina tenuis quotuplex</i>	77.a
<i>Vrina obuersa quibus de causis</i>	77.b
<i>Ulcera quo pacto à frigore ledantur</i>	89.a
<i>Vteri ligamenta</i>	97.b
<i>Vrina suppressio per consensum</i>	110.a
<i>Viri quando generare non possint</i>	102.b
<i>Ulcer a renum & vesica cur difficilia</i>	109.a
<i>Vomitus & singultus materia</i>	124.a
<i>Vrina furfures quid significant</i>	129.a

MARTINVS ROTA AD
LECTOREM.

Philothæus, qui à nonnullis Theophilus dictus est, medicus fuit per quam eruditus, & quantū coniectura assequi licet Aristotelicis disciplinis haud leuiter imbutus. Nam & eius de vrinis liber, qui pridem latinus factus est peripateticam methodum sapit: & hæc nunc primum in latinum sermonem translata eius commentaria, tanta sunt diligentia & arte conscripta, vt neminem fore existimem, qui non etiam postquam Galenum legerit, magno-perè ista percurrisse gaudeat. Siquid est enim obscurius ab Hippocrate prolatum, id ipse quā-primum exponit, deinde quibus in temperaturis, æstatibus, temporibus & morbis sententia eius contineatur apertè declarat: postremò causam omnium qua dicantur optimam adducit, & siquid dubitabile superest, postmodum accurare diluit: tāta breuitate & facilitate, vt nullū in eius dictione, aut sensum impertinēs repē-rias, nihilq; tā obscurū sit, q̃ nō à quouis medio-criter erudito statim assequi possit. Quāobrem nō est lector q̃ dubites, quin ex huiusce libri paruitate, magnā doctrinā frugum reportaturus sis, vale.

PHILO-

[The text in this image is extremely faint and illegible, appearing as a series of horizontal lines.]

1

PHILOTHEI. COMMEN-
TARIA IN PRIMVM APHORISMO-
rum Hippocratis, interprete Lv-
DOVICO Conrado Man-
tuano.



QUID est Aphorismus? Aphorif-
mus est oratio brevis perfectâ sen-
tentiam neque pluribus neque pau-
cioribus, quâ opus sit, verbis indi-
cans, vel est oratio, quod ad verba
quidem attinet obscura breuibus autem sentē-
tiis referta. Qua de causa dictus est Aphorif-
mus? quoniam in eo circumscribatur sentētia,
neque ullū habeat cōuertium cū iis, quæ ipsam
vel antecedere, vel subsequi possent. Animad-
uertēdum autem est, opus hoc duplici proæmio
constare, primum enim Hip. sententiam suam
enunciat, qua quidem in re videtur potius de-
hortari & deterrere studiosos, quàm eos accen-
dere ad hanc artem capeffendam, vt cū dicit
(vita brevis, ars vero longa.) Deinde suadet
quid sit faciendum, vt cum enuntiat (non solū
seipsum oportet præbere idoneum, & quæ se-
quuntur.

VITA brevis, Ars vero longa, occasio

autem præceptis, experimentum vero periculosum.

I.

Vita nomen multiplex est. Vita enim locus dicitur, cuius rei gratia vocamus ea animalia, quæ & in terra & in aqua viuere possunt, utrâque vitam viuentia, ut vituli marini, & crocodili, & reliqua id genus. Vita etiam pro studio usurpatur. Ideo solemus proferre, hominem hunc medici vitam exercere, illum autem Philosophi. Appellatur etiam vita Viri & uxoris in matrimonio coniunctio, hinc oritur ille modus loquendi, hominẽ hunc cũ hac vel illa muliere vitam agere. Præterea vita idem est, quod animæ vel virtus vel vitium, ut cũ pronuntiamus, hunc temperatẽ esse vita, & ornatũ, illum autem contra indemperatẽ. Vita etiam sumitur pro eo tempore, quo spiritum ducimus. Hac enim de causa eum, qui diẽ suum obiit, vita priuatum esse dicimus. Hoc igitur loco, vita apud Hip. in hoc quinto & extremo significato sumitur, quæ quidẽ vita brevis est (ut dicebã) si ad artem referatur, cum multe sint propria ipsius partes, quas nunq̃ perfecte assequi possumus. Quot sunt præcipuæ partes medicina? duæ, spectatiua, & actiua. Vtræque harum in cõplures partes subdiuiditur: spectatiua quidem
alia

alia de natura, alia de signis; alia de causis tractat. Quæ ad naturam attinet pars, subdividitur in elementa, temperaturas, mēbra, actiones, hæc autem alia ratione in plures secantur partes. Quæ autē de causis tractat, ea præcipuè tres causas considerat, quarum prima primitiva, altera abdita, tertia continens appellatur. Restat tertia pars, quæ signa complectitur. Hæc autem signa sunt eiusmodi, ut ex iis vel præsentia cognoscamus, vel futura prædicamus, vel superiora nobis ipsis in memoriam redigamus. Pars verò actiua medicinae complectitur id, quod integra fruitur valetudine, & id quod curatione indiget, quod autem curatione indiget, triplici ratione curatur, vel ratione victus, vel pharmaco, vel chirurgia. Ex his ea pars, quæ ad rationem victus attinet, vel senibus inseruit, vel ægrotantibus, vel iis, qui ex morbo convaluerunt, vel iis quibus cauere, volumus, ne cum bene valentes sint, in morbum incidant. Ut autem in uniuersum dicam, multa super iis inuestiganda sunt. Longa igitur est ars inuentionis disciplinæ, ac perfectionis partium gratia: non enim fieri potest, ut homo unus omnia inueniat, & discat, & perficiat. Quin ipse Hip. testis est medicam artem longiorem esse, quam ut homo etiam si quā diu-

APHORISMO RV M

*tissime uiuat, eam perfectè assequi possit (oc-
 casio quidem princeps) hoc est remediorum & mor-
 borum, cū præcurrat, & sensum nostrum subter
 fugiat. Ideo difficilimum est ipsam cognoscere,
 ut non sine ratione admoneantur pharmaca. Se-
 penumero enim accedēs medicus ad visendum
 agrotū cognouit huic merito adhiberi posse hoc,
 vel illud pharmacum. Cū autem duabus horis
 post denuo ad eundem venisset, coactus est mu-
 tare sententiam, cū aliud tempus superuenerit.
 Hoc igitur una cū materia fluxu facit, ut præ-
 ceptum sit occasio. Nō enim potest in eodem homi-
 ne bis eadem ratione occurrere. Nam sæpe solet
 usu venire, ut cū nutrimento indigeat agrotus,
 & iam cibā dū sit, inuadat eum accessio febris,
 vel aliquod aliud symptoma qđ impediāt, quo
 minus cibari possit (experimentum uero peri-
 culosum) hæc est in experientia eorum, quæ con-
 ducant, ob dignitatem subiecti, id est corporis,
 non enim lapides, & lutum, & coria, (quemad-
 modum in aliis artibus) subiacent medicæ arti,
 in iis enim possumus varie quidem sed impune
 periculum facere. si quis enim ues ligno, vel co-
 riis, in opere faciundo abutatur, nullum ex eo
 periculū procreatur, cū autem imperitus artis
 medicæ in humano corpore curando periculum
 sui*

sui faciat, periculosum est: nam praua experientia in perniciem animalis redundat. Rursus autem iudicium est difficile (hæc autem est ratio) cū agre percipi possit, adhuc enim dubitant philosophi de cælo utrū corpus sit, an incorporeū, & si corpus, utrum finitum, an infinitum: eodē modo & medicæ artis ratio, ut patet ex pluribus & variis opinionibus in arte medica.

Oportet autem nō modo seipsum exhibere promptum ad ea, quæ decent, facienda, verum & ægrotantem, & eos qui adsunt, & exteriora.

Hic Aphorismus cōsiliū Hip. explicat. Oportet (inquit) medicum non solū seipsum præbere idoneum ad ea facienda, quæ decent, hoc est moratum esse, placidum, & facilem ad ægrotantē modestē accedentem, & ea quæ ad eius officium spectant, non sine ratione facientem, verū etiam ægrotantem eo esse ingenio, ut ei medicus facile persuadere possit, & ministros idoneos esse, & ad interrogandum, & ad respondendum, ne quid molesti nuntient ægrotanti, & exteriora cōspirantia. Exteriora autem nominat cōtinētis nos aeris naturam, & domesticas perturbationes, necesse enim est hæc omnia cōcurrere, quæ ad comparandam sanitatem expectant.

APHORIS MORVM

In perturbationibus ventris & vomitibus spontinis si talia purgētur, qualia purgari oportet, confert, & leuiter ferunt, sin minus contra.

Cum sit Hip. propositum pertractare de euacuatione naturali & artificiosa coactus est consequenti quodam orationis ordine ventris mentionem facere. Præterea à ventre nunc incipit, (hoc est à ventriculo, in quem ingeritur cibus) quoniam concoctio primum in hac parte fiat, differt autem utique purgatio ab euacuatione, quoniam hæc, quæ nos liberat ab eo quod qualitate noceat, purgatio vocatur. Euacuatio autē quæ ab eo, quod quantitate. Hoc igitur loco sermo Hip. est de naturali euacuatione secundum qualitatem. Hoc enim (qualia) qualitatem significat. Præterea purgari dictum est de euacuatione secundum qualitatem nō tamen artificiosa; (in perturbationibus ventris, & excretionibus ex iis prouenientibus, & spontiuis vomitibus, si qualia oportet purgari, purgētur. hoc est, quæ qualitate offendunt, conducit: agrotantes enim bene ferunt liberati à cacochymia. Si autē aliorum quorundam humorum purgatio fiat, & non eorum, qui offendant, contrarium efficitur, neque conducit, verū & difficilius ferunt agrotan-

agrotantes ad illos autem qui rogant, quid sit, cur Hip. prius de naturali, quàm de artificiosa euacuatione verba fecerit, dicimus artem imitari naturam, non naturam artem.

Sic & vasorum inanitio, si talis fiat, qualis fieri debet, confert & bene tollerant, sin minus, contra.

Cum prius de naturali euacuatione pertrahasset, nunc accedit ad artificiosam, & dicit, (sic & vasorum inanitio) hoc est eodem modo etiam artificiosa euacuatio, quo & naturalis, vasorum autem inanitio est euacuatio vasorum continentium humores, ut sunt vena & arteria. rursus igitur de artificiosa euacuatione, quæ admodum & de naturali dictum est (si qualia oportet fieri, fiant) hoc est qualia oportet euacuari, conducit omnibus corporis partibus, agrotantes enim bene ferunt Si autem secus fiat, contrarium efficitur, ut si biliosa materia redundans subiaceat.

Inspicere itaque oportet & tempus, & regionem, & ætatem, in quibus conueniat, aut non.

Si enim quis hæc omnia animaduertet, tutius ad lædenti humoris euacuationem perueniet, verbi causa in corpore flaua bile repleto

APHORISMORVM

has omnes notas inspicere oportebit, si tempus sit aestiuum, & agrotans in etate consistenti, & locus sit calidus. Sic etiam in pituita si hyems sit, si agrotans senex, & locus frigidus sit. praeterea & morbi forma, ut tertiana febris à flaua bile predominante generatur, quartana ab atra bile, quotidiana autem à pituita. Si igitur quis hac ut deceat considerauerit, exquisitè ad euacuationem accedet. hoc autem (in quibus cōueniat, aut non) idem est ac si dicaret, in quibus conueniat, vel non conueniat talem humorem euacuare. Sciendum autem est Hip. veteri consuetudine morbi nomine intelligere causas, accidentia, & morbos.

Habitus exercitatorum qui ad summū bonitatis attingunt, periculosi, si in extremis constiterint: neq; enim possunt in eodem permanere, neque quiescere, cū vero non quiescat, neque possunt proficere in melius. reliquum est igitur ut decendant in deterius. his de causis bonum habitum statim soluere expedit, ut corpus rursus nutriri incipiat.

Exercitatos, vocat athletas, bonum autem habitum, multam carnositatem, summum autem ultimum, in exercitatis igitur ipse in sum

mo bonus habitus piculosus est, propterea q̄ facultates naturales non quiescant (ut ipse dicit Hip.) ipsarū enim quies mors est. Cū igitur nō quiescant, necessario fit chyli generatio, sanguificatio, distributio: ubi autem facienda sit appositio, non relinquitur locus, æque autem ubi nō potest fieri appositio neque agglutinatio: ubi autem agglutinatio fieri non potest, neque assimilatio, Quid igitur restat? ut in deteriore par-tem cedant superfluitates corporis lasæ. Hac igitur de causa bonum habitū solvere oportet per sanguinis missionem, ut denuo refici corpus incipiat, hoc autem oportet quāprimum fieri, ne facultates dissoluantur, vel ne sanguinis redundantiam consequantur affectus consequi soliti, videlicet morbus lateralis, angina, & aliquid eiusmodi, in exercitatis autem nocet multa carnis copia. periculum enim est ne in ipsis suffocentur virtutes.

Neque compressiones ad extremum ducendæ, periculosum enim, sed qualis fuerit natura eius, qui debet perferre, ad hoc ducere conuenit.

Hoc loco differit Hip. de ratione euacuandi, q̄ ad quantitatem attinet, non enim (inquit) ad extremum ducenda est eiusmodi euacuatio,

APHORISMORVM

nam ut bonus habitus immoderatus solet dissoluere virtutem, grauians & suffocans ipsam, sic & immoderata euacuatio. cum resoluat, & difflet, & corrumpat, ipsa autem in quantitate euacuatio metienda est ex viribus egrotantis, quin & ex reliquis principiis, ut ex anni tempore, & regione, & aetate, & ex reliquis. A vasorum autem concidentia, ostendit euacuationem. etenim vacuatis his, quæ continentur in vasis, & ipsis tanquam mole quadam leuatis concidentia affectus sequitur.

Sic & euacuationes, quæ ad extremum deducunt periculosæ, & rursus refectiones, cum extremæ fuerint, periculosæ.

Huius Aphorismi interpretatio omissa est à nonnullis sapientibus, qui existimauerunt Hipp. hoc loco nugari. verum non ita est. nam posteaquâ Hipp. de quantitate materiae differens usus est exemplo boni habitus, & eius curandi rationem ostendit, nunc una cum exemplo sermonem in vniuersum transferens inquit se non in solo bono habitu hoc dicere, sed quodcunque sit in quo euacuare oporteat, euacuationem ipsam non esse ducendam ad extremum, neque etiam refectionem, cum nihil quod modum excedat, sic laudandum.

Victus

Viſtus tenuis atq; exquisitus in mor-
bis quidem longis ſemper, in acutis autē,
in quibus non conuenit, periculofus. 4

*Præſens Aphoriſmus ad rationem viſtus at-
tinet, & ordine prolatus eſt. Cū enim laboraſ-
ſet Hip. vt liberaret à redundantia & ſecundū
qualitatem, & ſecundum quantitatem corpus
inaquale, & à pernicio, quæ ex illa inferitur, ad
rationem viſtus præſcribendam transfert ſer-
monem: cū corpora impura, quāto vberius nu-
trias, tanto magis lædas, nocet (inquit) exquiſi-
ta & tenuis diæta, videlicet inedia in diutur-
nis affectibus. nam non ſolum à morbo non libe-
rantur egroti, verū etiam eorum virtutes de-
bilitantur. Quinetiam in morbis acutis, qui id
nō admittunt, periculofum eſt nihil dare. Acu-
ti autē morbi, vel acuti æquiuoce dicuntur, qui
uſq; ad quartumdecimum diem extenduntur,
vel ſimpliciter acuti, qui uſq; ad ſeptimum vel
nonum diem. vel peracuti, qui uſq; ad quartū.
In his igitur qui æquiuoce ſunt acuti, & in ſim-
pliciter acutis periculofæ ſunt exquiſita & te-
nues diæta, hoc eſt inedia: cū fieri non poſſit, vt
ægrotans ſine cibo poſſit tādīu ſuſtinere. In per-
acutis autem non eſt inedia periculofa propter
paucitatem dierum. hoc autem (qui id non ad-*

APHORISMORVM

mittunt) idem est, ac si diceret, in quibus conueniat, & in quibus non conueniat. Sciendum est autem sapenumero melicratum, & modicū succum ptisanæ sumi pro absoluta inedia, cum parum ab ea distent.

Et rursus qui ad extremum deuenit tenuitatis, grauis est, nā & repletiones, quæ ad extremum deueniunt graues sunt.

Hoc loco etiam reprehendit victū illum qui est in summo tenuis, hoc est in ediam, & immodicam repletionem, hoc est copiosum victum. Vterq; enim, cū sit immodicus, nouitate naturam perturbat. Sciendum est autem, duas esse in ratione victus generalis differentias, quarū una consistit in tenui, alia in copioso. Tenuis autem victus triplex est, hic enim est in extremo tenuissimus, vt est absoluta inedia, alter tenuissimus, vt est melicratum, tertius tenuis, vt ptisanæ succus. Copiosus autē, vel est vt tota ptisanæ, vel copiosior, vt pisces & oua, vel copiosissimus, vt caro. est autem medius horum, vt panis lotus, vel placenta.

In tenui victu ægri delinquant, quo fit vt magis lædantur, quicunq; enim error committitur, maior in hoc fit q̄ in paulo pleniori victu, propterea etiam sanis periculo-

iculofus exiftit valde tenuis cōftitutus & exquisitus viētus, quoniā errores grauius ferunt. ob hoc igitur tenuis viētus atque admodū exquisitus eo, qui fit paulo plenior, magis periculofus.

In tenui viētū peccant egrotantes paruifacientes in ediam, & non animaduertentes quāti referat abftinere fe vel à pane vel à carnis, & hac de caufa magis ledūtur. Si qua enim fiat offenfio, grauior eēt in tenui viētū, quā in paulo vberiori: cū natura nouitate cibi offendatur. Hac igitur de caufa tenuis in summo viētus periculofus eēt. Hoc ita eēse sanorum exemplo cōprobatur, si enim in illis (vt dicit Hip.) periculofus eēt, q̄ errata grauius ferāt, quanto magis in illis, in quibus virtutes sunt imbecillae. Hac igitur de caufa omnino tenuis in summo viētus periculofus eēt. Adieētum eēt autē, (vberior vt plurimum) in quibusdam enim oportet ipsum adhibere, vt in peracutis morbis. si nihil prohibeat, hoc eēt si virtus non fit imbecilla, vel os ventriculi facile bilem contrahat.

Extremis morbis extrema exquisite remedia optima sunt.

Quales sunt morbi peracuti: in quibus intelligi nō potest acutior in morbo motus. Extrema

APHORISMORVM

igitur remedia sunt adhibenda, ex quibus vnū est inedia, q̄ ad rationem victus attinet. Hæc enim maximum habet momētum in peracutis morbis, sed (exquisite) addidit, nam si morbus hanc exigit, aliquid autem aliud prohibet, spectandū est ad id, quod magis vrget, & hoc modo vel nihil prorsus dare, vel nutrire oportet.

Vbi morbus peracutus est statim extremos habet labores, & extremè tenuissimo victu vtendum est. vbi vero non, sed pleniorē victum contingit adhibere, tantum cibi indulgendum est, quantū morbus extremus est mollior.

Peracutum morbū vocat eum, qui quatuor diebus circūscribitur. Extremos autem labores appellat seuiſſima accidentia, vt vigilias, syncopas. Hoc autē (statim) principium temporis indicat, tribus aut quatuor diebus cōsideratum. In his igitur, qui peracuto morbo laborāt, extremi labores fiunt, & ex his patci fiunt. Oportet igitur in his necessario vti victu in summo tenuissimo. quatuor enim diebus à morbo liberantur. & inter ea possunt absolutam incediam tolerare, vel quod ipsum totum tempus statū est: In quibus autem non est peracutus morbus, sed contingit vberius cibare, tandiu (inquit) oportet,

oportet supersedere tenui victu, quandiu morbus abest ab extremis, hoc est, vel à statu, vel ab acutis.

Quando morbus in suo vigore constiterit, tunc tenuissimo victu vtendum est. Coniectari autem oportet, an æger cum victu sufficiat perdurare, donec morbus consistat, & nūquid prius ille deficiat, nec possit cum victu perdurare, vel morbus antea deficiat, atque hebetescat. 98.

Hoc loco differit Hip. de morborum tēporibus. Sunt autem morborum tempora quatuor, principium, accessio, status, decessio. In principio igitur & in accessione iubet vberiores victum adhiberi, in statu autem tenuissimū, non vberimum. Quoniam autem natura comparatum est, vt cibi ipsi à virtute concoquantur, si in statu, quum natura aduersus morbum pugnat, adhibeatur vberior victus, & natura cōtemnat morbum, conuertat autem se ad cibi concoctionem, grauiter affligitur à morbo egrotans: q̃ si contra, natura nutrimentum contemnat, certet autem cum morbo: cibus crudus vna cum morbo contra naturam operatur. Hoc autem (coniectari oportet) & reliqua, hoc modo intelligendum est. Perpendere oportet vir-

APHORISMORVM

tutem agrotantis, & si quidem inuenias ipsam ex morbi forma posse per seipsam resistere, potes tenuem victum adhibere: si autem contra morbum quidem grauem, virtutem autem imbecillam, potes vberius cibare, vt virtus possit morbo resistere.

Quibus igitur statim morbus consistit, ijs statim tenuis victus adhibendus est, quibus verò posterius debet consistere, ijs & in ipso consistendi tempore, & parū ante illud cibus subtrahendus est, prius vero vberius agendum, vt æger possit perdurare.

Adhuc de tēpore differit. Oportet (inquit) cōsiderare, in quibus quidem morbis statim sit status, & tenuem victum adhibere, cū natura magnopere laboret. In quibus autem nō statim, sed posterius, in ipso statu, & paulo ante ipsum, hoc est biduo aut triduo ante abstinere à nutriendo, verum ante statum (pinguius) hoc est vberius cibandus est. Solutio autem ex Hip. sententia sumitur, ex viribus agrotantis. Est igitur vniuersalis sermo platus de omnibus morbis, non solum enim in peracutis morbis, vel acutis in statu oportet tenuem victum adhibere, & erum etiam in chronicis & in reliquis.

In accessionibus abstinere oportet, nā cibum dare nocuum est, & quibus per circuitum fiunt accessiones in ipsa accessione abstinere oportet. ii

Cū docuisset Hip. quando oporteat nutrire, nūc docet quando non oporteat. hoc est in accessionibus. Cū autem dicat in accessionibus, ostendit: neq; in continuis febribus nutriendos non esse egrotantes, neq; in intermittētib; simpliciter, sed in accessionibus tantū, q̄ autem nunc infertur, videtur idem esse cū superioribus, vere autē aliud est. Cū enim pronuntiasset oportere in accessionibus abstinere; ne cui videretur solum in febribus hoc intelligendum, adicit, in vniuersum oportet in omni accessiōe abstinere, vel sit accessio doloris colici, vel doloris renum, vel sit quelibet alia occasio. Verū nō ignorare debemus nutriendos esse eos, qui semper eodē modo febricitant, in intermittētib; autē cibādos egrotantes in decessione febris, non autem in accessione, ne cibi euomantur, & vehementius perturbetur natura. Præterea sciendum est accessiōem esse grauiorem partem totius periodi: periodus autem est reditus ab eodē in idē.

Accessiones autem & constitutiones morbi indicabūt, & anni tempora, & cir-

APHORISMORVM

cuitum successiua incrementa, siue quotidie, siue alternis diebus, siue per maiora interualla fiant.

In superiori Aphorismo cū docuisset in accessibus non esse cibandos agrotos, potuisset aliquis dubitare, quæ ratione cognosci possint futurae accessiones, ideo infert (accessiones autem & constitutiones ostendunt morbi & tempora anni & periodorū successiua incrementa) morbi autem hoc pacto, ut si sit tertiana, cito indicatur, & tertio quoq³ die sit accessio. Si autē quotidiana, sero, & unoquoq³ die sit accessio. Si autem quartana, serius, & biduo post accessio. Sic & in aliis morbis manifestantur & accessiones, & constitutiones. (& anni tempora) hoc modo, si contingat fieri quartanam in æstate, brevis erit, quæ autē in hyeme diuturna erit, & in unoquoq³ alio morborum genere celeritatem quidē æstas. Tarditatem autem hyems addit. (Sed & accessiones) alternis quidē in æstate, biduo post in autumno, singulis autem diebus & noctibus in hyeme. (Periodorū autē incrementa) hoc modo, quoniam si vehementior, morbus inuadat, patet non longe abesse statum, & accessiones breui tempore ad nihilum recasuras, si autem remissior, longius abesse statum, & accessiones diu-
durnio-

turniores fore. Incrementa autem sunt inuasion-
es morbi.

Sed ex iis, quæ mox apparent indicia su-
muntur, quemadmodum in morbo late-
rali, si circa initia statim sputū appareat,
morbū breuiat: si verò postea appareat, p-
ducit & vrinæ & alui excrementa: & sudo-
res, quæcunq; apparuerint, vel bonam mor-
borū iudicationem, vel malā: vel breues,
aut lōgos fore membros, ostendunt. 12

Nunc autem ex apparentibus tradit ratio-
nem cognoscendi acceffiones, & constitutiones
ipsorum morborum. Apparentia autem tripli-
cia sunt, vel enim salutem aut perniciem indi-
cant, vel iudicationem, aut nullam iudicatio-
nem, vel concoctionem, aut cruditatē. Hoc igitur
in loco concoctionis & cruditatis signa per-
tractat. Hac autem in iis quæ iudicantur consi-
derantur. Quæ autē iudicantur, considerantur
in sputis in excrementis, & in vrinis. In morbo
igitur laterali si statim sputum expuatur, hoc
est tertio die, prædicere possumus statum esse pro-
ximum, & morbum breuiorem fore. Si autem
hoc eueniat circa quartumdecimum diem, sig-
num est diuturnitatis ipsius morbi. Sputum au-
tem & sputio hac ratione differunt, quod spu-

APHORISMORVM

tum est id q̄ concoctum est. Sputio autem cruda. Ex apparentibus autē in morbo laterali accepit rationem cognoscēdi. Praterca ex urinis, & excrementis & sudoribus cōiecturam facit. (Et urina, & excrementa) & reliqua. si. n. tertio aut quarto die cōcoctio in ipsis appareat, manifestum est proximum esse statum, bene iudicatum iri morbum, Si autem hoc non fiat, longius abesse, & egre iudicatum iri morbum.

Senes facillimē ieiunium ferunt, secundo loco qui ætatem habent consistētem, minus adolēscētes, omnium minimē pueri, præsertim, qui inter ipsos sunt viui diores.

13

Consequenter nunc in ætates transfert orationem, vt etiam ex ipsis ostendat, qua ratione in vnaquaque earum quisq̄ sit cibandus. Senes igitur facillimē ieiunant, secundo loco consistentes, & reliqua. Senes autem vocat non senio cōfectos, verum ad summum sexagesimum agentes annū. Consistentes autem vocat eos in quibus calor innatus decedit & remittitur. Vtriq̄ igitur in ediam facillē ferunt, Verum senes quidem facilius, q̄ facultas naturalis in ipsis ferē sit extincta, & ideo frigidiores sint. Consistētes autem, id est qui parum absunt à statu, & ipsi
quidem

quidem ferunt inedia, difficilius autem quā senes ex eisdem causis. Adolescētes autem minime, hoc est parum, quod in ipsis ferueat innatus calor, pueri autem nullo modo, cū corpus habeant diffilabile, nec lōge absint ab insito calore, sed ex pueris quicunq; viuidiore sunt adhuc difficilius ferunt inedia. Nā cū mobiliore sint, vehementius calefiunt, quanto autem vehementior est calor & intensior, tanto agrius sustinetur inedia.

Qui crescunt plurimum habent calidi innati, plurimo igitur indigent alimento, alioqui corpus absumitur. Senibus vero parum inest calidi innati, paucis propterea fomitibus egent, quia à multis extinguuntur. Hanc etiam ob causam febres senibus non similiter acutæ sunt, frigidū enim est eorum corpus.

14

Hic Aphorismus precedentis Aphorismi causas assignat, propterea enim pueri nullo pacto ferunt inedia, quod ea quæ crescunt plurimū habeant calidi innati. Vbi autem calidum innatum sit plurimum, plurimo indiget nutrimento, quo si careat, colliquatur corpus. Cū calidū innatum semper sit occupatum in agendo, & non suppeditato alimento ipsam corporis substan-

APHORISMORVM

tiam depascatur. Rursus senes exiguum habentes calidum paucis alimentis indigent, imo potius à multis extinguuntur, ut elychnij flamma, cū subito multum ei oleum infundatur. Volens autem ostendere Hip. in his quæ crescunt calidū innatū multū esse in senibus autē exigū: hac de causa (inquit) & febres in senibus non ita sunt acutæ, consistentes enim acutæ fabricitant, ut calidiores. Senes autem non ita, cū frigidum sit eorum corpus.

Vētres hyeme & uere calidissimi sunt, & somni lōgissimi. quare per ea tempora alimenta copiosiora sunt exhibenda Etenim tunc calor innatus plurimus est: unde & pluribus egent alimentis. indicio sunt ætates & athletæ. 15

Nunc Hip. transfert suam ipsis doctrinam in tempora, & docet, quæ eorum calidiores faciant ventres: & quæ frigidiores, præterea quomodo oporteat in ipsa intuentes cibare. Ventres igitur hyeme & vere calidiores natura. Ventrē appellant non solū eum, in quem ingeruntur cibi, verum etiam omnem cauitatem in profundo iacentem, ut cerebri, cordis, & epatis, & reliquorum, igitur ventres hyeme sunt natura seipsis calidiores. Nam propter frigiditatem
conti-

continentis cōprimuntur & condensantur meatus. Innatus igitur calor contēdit, vt transpiraret, cū autem non inueniat exitum condensato corpore, retrocedit ad interiores ptes, rursusq; ad exteriores redit, ex quo vario motu magno-pere accensus ingrauescit, & calidior seipso fit. In ætate autem non ita calidi sunt ventres. cū contrarium eueniat ei, qd hyeme solet accidere. Rursus ineunte ac medio vere calidi ventres sunt, ineunte quidem, qd frigidum dominetur, medio autem propter temperiem. Somni autem longissimi sunt. Nam ex copioso nutrimento ingesto optimi vapores generantur (cum ratione fiant concoctiones) qui petentes cerebrū humefaciunt ipsum, & somnum afferunt. In his igitur temporibus etiam plura adiumenta exhibenda sunt, hoc est copiosiora nutrimenta propter copiam caloris innati (indiciū ætatis & athletæ) hoc vt exemplum intulit, in his. n. est multum calidi innati.

Victus humidus febricitantibus omnibus confert maxime vero pueris & alijs, qui tali victu uti cōsueuerunt. Et quibus semel, aut bis, & quibus plura, vel pauciora pticulatim affere oporteat. cōsiderandū: cōdonandū autem aliqd tēpori & regio-

hi & consuetudini, & ætati. 16. 17.

In superiori Aphorismo præscribebat Hip. rationem cibandi sanos, hic autem consequenter de victu agrotantium sermonem habet, (victus humidus febricitantibus omnibus cōfert) & merito, nam omnis curatio per contrarium fit. Verum quidam dubitant asserentes febrem non solum esse siccam, verum etiam calidam. Oportebat igitur Hip. febrem curantem non solum humido, verum etiam frigido victu uti. Ad hoc dicendū Hip. ut breuitatis studiosum, cū meminisset vnius oppositionis, quæ est ex humido & sicco pugnantis, reliquisse intelligendum alteram oppositionē calidi & frigidi. Maxime autem pueris confert, quoniam & nutrit ipsos, & feberi resistit. Est enim lex medicorum, quæ secundum naturam se habent, ea conservari à similibus, quæ autem præter naturā, ea contrariis curari: eodem autem modo & his: qui tali victu uti consueverunt, quoniam consuetudo naturam imitans similium indiget. Deinde docet: in quibus debeamus semel qualibet die cibare. In quibus autem bis, vel sæpius, vel rarius quàm bis (quibus semel, aut bis, vel plura vel pauciora, & particulatim, & est hic modus exhibendi. Dirigitur autem ad duo quadam intuentibus

bus nobis, ad virtutem & ad corpus. Ad virtutem quidem, si robusta sit, plures cibos & crebro exhibebimus, ad corpus autem, si indiget. Si autē virtus & corpus contrario modo se habeant, parui cibi & raro sunt exhibendi. Contrariam enim hanc coniugationem ostēdit, cū dixit (& particulatim: hoc autem) condonandum autem est aliquid tempori & regioni) additum est gratia decernendi, quacūq; hoc in negotio sunt animaduertenda, cū non solum oporteat habere respectum ad virtutē & ad corpus, sed aliquid oportet etiam suppeditari à tempore, quoniam si sit aestas, quamuis corpus indigeat copioso nutrimento, tamen non adhibemus nutrimentū copiosum, sed modicum: crebrius autem propter imbecillitatē virtutis. Si autem sit hyems, quāvis corpus multis non indigeat, tamen vberius cibamus, ob copiam caloris innati, raro autem. Quod autem dictum est de tēporibus, idem intelligēdum est de etatibus, & temperaturis, & reliquis. Sciendum autem est Hip. de simplicibus febribus habere sermonem: in morbis enim complexis instandum est ei q̄ magis urget.

Aestate & autumno cibos difficillimē ferunt, hyeme facillime, secūdum locum ver habet.

APHORISMORVM

Nōnulli dixerunt etiā hoc loco nugari Hip. Superius enim dixit, vētres hyeme & vere calidissimi natura, nō est autē nugatio, illic enim de sanis erat sermo, hic autem de agrotantibus. Aestate igitur & autūno cibos difficillime ferūt. In autūno qdē ratione inaequalitatis, in aestate ppter exteriorē difflationē caloris innati, q in nobis est. Hyeme autē rursus facillime, hoc est cōmodē, cū interius est inclusus calor innatus, secundo autem loco in vere ratione temporis.

His qui per circuitum accessiones habent nihil dare oportet, neq; cogere, sed subtrahere adiectioni ante iudicationes.

Iudicationem hoc loco vocat Hip. accessiōē abutens vocabulo. Est enim iudicatio & subita in morbo mutatio, & certamen natura cū causa faciente morbum, & perturbatio hoc antecedens. Iis igitur qui per circuitus accessiones habent, neque cibum exhibeas, neque coges, sed subtrahes, adiectionibus ante iudicationes, hoc est cibus ante iudicationes. Si enim exhibueris cibum cogens agrotantes sumere: maximē nocabis, vel ad vomitum irritabis agrotantes ob nutrimenti molestiam, & cū sis autor adiiciendi aliquid causa facienti morbum, ipsum morbum augebis.

Quæ iudicātur, & quæ iudicata sunt integre, neque mouere, neque nouare aliquid, siue medicamentis, siue aliter irritando, sed sinere. 20

Cū Hip. varis rationibus docuisset modum cibandi, nunc ostendit, quando opus sit in iudicationibus morborū adiuuare naturā, & quādo non opus sit. Considera (inquit) iudicationē, vel quæ facta sit, vel quæ fiat. Et si inuenias ipsam sine ullo defectu, & integre occurrisse. Hoc enim est illud (artius) nihil mouebis, neq. quid noui institues, hoc est nihil tentabis, sed sines, q. eo tempore natura non indiget auxilio, cū ex se ipsa possit morbo resistere. Præterea quoniam quies est melior operatione. φαρμακία autem hoc loco vocat purgationem, vel clysteriū, vel vomitū, vel per pharmacū, vel per quodlibet aliud aptū ad excitādū corpus. ad excretionē.

Quæ ducere oportet, quo maxime natura vergit, per loca conferentia eo ducere conuenit. 21.

Cū in superiori Aphorismo præcepisset Hip. ne moueamus ea quæ iudicantur, & integrè iudicata sunt. Nunc consequenter docet, si imperfecta fiat iudicatio necessariam esse euacuationē, quo natura vergit, & p. cōferētia loca, ut si

APHORISMORVM

fit pituitosus humor vel melancholicus, & ad inferiora vergens, natura autem cōtendat, vt eum per intestina expellat. Oportet modicum adiuuare naturam irritando vel clysterio, vel adiectione aliqua. Si autem bilis redundet ad superiora vrgens & natura laboret, vt per os eiiciat, oportet medicum pręparare medicamē tum, quo vomitus excitetur, & hoc est (quo maxime natura vergit) si enim secus feceris, magnam perturbationem naturę, laborem virtuti, periculum agrotanti procreabis.

Concocta medicari, atque mouere nō cruda, neq; in principijs, modo non turgent, plurima verò non turgent. 22

Superior Aphorismus docuit nos rationem euacuandi humorem relictum in iudicatione, & per quę loca: sed nequis simpliciter &, vt cōtingit, euacuet ipsum hic Aphorismus docet (cōcta medicari & mouere,) hoc est quę concocta sunt: medicus enim debet naturam imitari, & vt natura non prius excitatur ad euacuationē, q̃ concoxerit materiam, ita medicus non crudam, sed concoctam materiam euacuare debet. Si enim materia est cruda, non cedit medicamento purganti, & graua fiunt accidentia, hac enim de causa dixit (in principiis:) cruda enim materia

materia ut plurimum est, in principiis morborum. Hoc autem (nisi turgeat) dixit propter ea quæ turgent in principio, hoc est maximè urgent. Hi autem sunt peracuti morbi, reliqui autem non turgent.

Deiectiones non multitudine sunt æstimandæ, sed si talia deiciantur, qualia conueniunt, & ægri facilè tolerant. Atq; vbi, vsque ad animi defectum expedit ducere faciendum, si æger possit tolerare. 23

In superioribus Aphorismis de purgatione disseruit, in hoc autem assignat facilitatem tolerantia qua iudicemus excretionem. Deiectiones (inquit) non sunt æstimandæ multitudine, hoc est, ea quæ excernuntur, non oportet crebritate excernendi, & copia eorum quæ excernuntur iudicari: sed qua ratione hæc purgentur considerare: hoc est bene, vel male. Patet enim excretioni humoris noxi successuram esse facilitatem tolerantia ipsius ægrotantis, si autem hoc non fiat, cōtrariū sequitur. Deinde infert (atq; vbi vsq; ad animi defectū expedit ducere) nūc transit a purgatione ad euacuationē, id est sanguinis missionem: In quibus autem vsq; ad animi defectum ducamus, manifestum est eos esse,

APHORISMORVM

qui ardentibus febribus laborent: verum neq^z hos omnes, sed eos, in quibus virtus est robusta. Cur autem neq^z ad animi defectum in his euacuationem ducimus? Quoniam ardentes febres ex humoribus putrefactis acceduntur. Duo autem quadam putredo habet, materiam putrefactam, & qualitatis malitiam, vtrum vsque ad animi defectum missus sanguis & quantitatem materiae diminuit, & extinguit qualitatem acutam & inflammantem. Defectu autem animi refrigeratur corpus.

In acutis passionibus raro, & in principiis, medicinis purgantibus vti, & hoc cum præmedicatione faciendum. 24

Acutos morbos Hip. nunc vocat breues, qui breui mouentur, ardentes, & feruentem habentes materiam, & calefactionem. Passionem autem vocat morbum, licet improprie pharmaccian autem purgationē. In his igitur passionibus raro oportet vti purgatione, cum maximè laborent corpora ob facilem motum causa facientis morbum, & materia sit cruda: sed & hoc dicit faciendum, cum prius rectè iudicauerimus. Si enim virtus est robusta, & fluida
sint

*sint corpora, oportet purgare. Si autem opposi-
to modo res se habeat, imo etiam humor crudus
supernatet in ventriculo, vel sæpenumero sur-
sum attollantur humores, non oportet uti pur-
gatione.*

Si qualia oportet purgari, purgentur,
confert, & facile ferunt. si contra, difficul-
ter.

25.

*Superius etiam hic Aphorismus pronun-
tiatus est, sed non eodem modo. Illic enim de na-
turali euacuatione habitus est sermo, hic autem
de artificiosa. In illo igitur Aphorismo,
qui de naturali euacuatione tra-
ctat, exposuimus mentem
Hip. quamobrem illud
satis sit.*

¶

PHILOTHEI COMMENTARIA IN SECVNDVM APHORISMORVM Hippocratis, LVDOVICO CORADO interprete.

In quo morbo somnus laborem facit, mortale. Si vero iuuat, non mortale. I

IN presenti Aphorismo secunda sectionis docet indicationem sursum à somno, ex qua licet intelligere vtrum salubris an insalubris sit morbus. In quo morbo igitur somnus laborem facit, & reliqua. Labor vel lesionem significat vt hoc loco, vel gymnasiũ, vt labores cibos precedant, vel dolorem, vt si duo dolores simul fiant. Rursus tempora morborum quatuor, principium, accessio, status, decessio, vel igitur in principio somnus laborem, id est lesionem facit, de quo ab Hip. non habetur sermo, non enim mortem indicat: quin potius fieri potest, vt soluatur morbus, cũ nõdum secuta sit extrema calefactio in partibus, quæ calefaciendæ sunt, & concussio ex motu humorũ qui peccant. Restat vt vel in accessione vel in statu, vel in decessione hoc sit, cũ omnino allevatio sequatur.

quatur somnos in principio: sed manifestissima est utilitas in decessionibus. Si igitur in his temporibus, & maximè in statu somnus lasionem faciet mortale, qua nempe in re unumquodque maximè conducit, si praterquā quod nihil conducit, etiam offendat, mortem meritò manifestabit. Hoc autem proficiscitur ex imbecillitate innati caloris, qui non potest superare causam morbum facientem. Postea sequitur, si autem somnus iuuabit, non mortale, & merito, ostenditur enim ex hoc bene concoctas esse materias.

Vbi somnus delirium sedat, bonum. 2

In vniversum habens sermonē dicebat Hip. vbi somnus lasionem leuat, non mortale, & q̄ illic asserebat, nunc confirmatur exemplo (vbi somnus delirium sedat, bonum) & hic quidem ut breuitatis studiosus grauissimi morbi, hoc est delirij mentionem faciens manifestauit & reliquos morbos hanc eandem subire conditionem, hoc est inflammationem, febrem, dolorem. Si igitur somnus sedet, bonum.

Somnus & vigila, vtraq; si modum excessierint, malum.

3.

Ambo mala tanquam immoderata, verū somnus quidem & ut signum, & ut causa. Ut signum quidem, quoniam indicat multitudinē

APHORISMORVM

materia, & imbecillitatem virtutis. Vt causa autem, quoniam auget multitudinem, non permittentes ipsam diffolari. Difflationes enim in vigilia fiunt. Rursus vigilia & vt signum, & vt causa mala. Vt signum, quoniam indicat siccitatem: vt causa autem, quoniam auget ipsam difflationem. Dubitant autem quidam quare ratione motus Hip. somnum longum appellauit. Somnus enim longus, non sommus sed coma dicitur. Verum aliud est coma, & aliud sommus longus, coma enim non ex diuturnitate formā sumit, sed ex difficili expergefactione. Somnus autem longus non ex difficili expergefactione, sed ex diuturnitate.

Non satietas, non fames, neq; aliud quicquā, q̃ modum excesserit, bonum 4.

Cur satietatis & famis hoc loco meminit Hip. & non alterius oppositionis? vt calefactionis & refrigerationis. Vt redderet causam superioris Aphorismi, somnus enim generatur ex ciborum satietate. Vigilia autē ex nimia fame, ab his autem in vniuersalius transferens sermonem inquit, neq; aliud quicquā bonū, quodcunq; natura modum excedat, nihil enim bonū est, quod modum excedat.

Spontaneæ lassitudines morbos præ-
nun-

nuntiant.

5.

Spontaneas lassitudines vocat eas, quæ sine causa manifesta sunt. Ex his docet indicationē. Verū lassitudo triplex est, tentionis, vlcerosæ, & osseæ, prima est, in qua totum corpus videtur tendi. Prouenit autem ex spiritibus flatuosis, & quasi tentione quadam afficientibus corpus. Altera sensum infert vlceris. Generatur autem ex acuta & mordaci materia. Tertia est ea, in qua videntur ossa cōteri, & hæc ab humore crasso & terestri proficiscitur. Hæ igitur lassitudines morbos prænuntiant, hoc est iudicāt, & admonent nos proximum esse morbum, interim enim quiescit humor, qui est autor lassitudinis. Posterius autem obstructus putrescit, & hinc graues morbi generantur.

Quicumque dolentes parte aliqua corporis omnino dolorem non sentiunt, ijs mens ægrotat.

6.

Continuus est hic Aphorismus superiori, in illo enim de læsione, quæ manifestè sentiatur, differuit, hic autem de in se sili si quis ægrotet nō sine dolore in quacunque parte corporis dolore non sentiat, malum. Ostenditur enim affectum esse cerebrū, verbi causa, ægrotus laborat erysipellate vcl inflammatione in femore accedens

APHORISMORVM

medicus aggreditur ex arte curationem, cum autem postridie vel ab egroto, vel ab alijs accepisset eum in nocte nullum omnino dolorem sensisse, cum prius vehementius affligeretur, ut vix ferre posset, secum cogitat nunquid diffleta sit eiusmodi inflamatio, vel in alium locum translata, & ideo meritò fuerit doloris expers. Cum autem, nihil esse horum intelligat, suspicatur vel delirare hominem, uel deliraturum: hoc autem saepe, id est fere semper solet euenire.

Quæ longo tempore extenuantur corpora, lentè reficere oportet. Quæ vero breui, breuiter.

Hoc loco admonet medicum, ut consideret in his, qui cōualuerunt, morbum qui praeceßit, utrum fuerit diuturnus, an breuis. Hoc autem patet ex eo (in longo tempore & breui.) Si enim longo tempore extenuatum fuerit corpus, lente nutriendum est, hoc est longiori tempore. Nā cum ex morbi diuturnitate contabuerint carnes, consecuta est imbecillitas solidarum partium, quarum opera sit absoluta concoctio, & distributio, & sanguinis generatio in animalibus, ut non possint tantum alimentum conficere, quanto corpus indiget. (Si autem breui, breuiter,) hoc est breui tempore copiosum nu-

trimentum exhibemus. In his enim, cū humida solum partes, exhaustæ sint, solida, robusta sunt. Hoc modo igitur oportet confidere in robore solidarum partium.

Si quis à morbo cibum assumens non corroboratur pluri alimento corpus vti significatur. Quod si non assumenti cibū hoc accadat, scire oportet, quod indiget euacuatione. 9

Et hic Aphorismus superiori continuatus est, & ad eos pertinet, qui conualuerunt, quod autem docet eiusmodi, est, quicumq; appetentes, & crassum alimentum assumentes, ad pristinā sanitatem redire non possunt, plus cibi, quam opus sit, ingerunt, & ideo imbecilli sunt, potius enim grauantur, quam nutriantur, cū naturales facultates corporis sint imbecillæ, neq; chyli generatio ratione fiat, neque sanguificatio, neq; nutritio. Quicumq; autem cum non possint tantum cibi assumere, quantum satis est: imbecilli sunt, vitiosos habent humores, quos nisi euacuent, fieri non potest vt integra fruatur valetudine. Corpora enim impura quanto magis nutries, tanto magis lades. Si quis autem dubitet, qua ratione non nutriantur, si appetunt, asserimus eos, appetere quidem: quia virtus ap-

APHORISMORVM

petendi sit robusta, non concoquere autem propter imbecillitatē virtutis alterantis, qua impedit quo minus nutriantur.

Corpora cum quispiam purgare voluerit, oportet fluida facere. 10

Cōtinuus etiam est hic Aphorismus superiori, in illo enim dicebat, si non assumente cibum hoc accadat, euacuatione hominem indigere, sed ne quis temere euacuet, & ladat agrotantē, hoc loco monet Hip. oportere medicum, qui purgare voluerit, curare, ut facilis fluxus sit in corpore, hoc autem sit duobus modis, vel attenuando materiam, vel dilatando loca. Oportet igitur, & ea qua sunt angusta, relaxare, rare facere, meatus extendere, vasorum os dilatare, humores crassos & lentos, qui continentur in corpore, incidere & attenuare. Quibus rebus confectis & adhibito medicamento, humores trāferuntur & trahuntur ab eo, & optima sit purgatio, neque illi, qui purgantur, capiuntur vel torminibus, vel vertigine, vel inflammatione, vel exolutione, qui affectus solent iis accidere, qui non ratione purgantur.

Non pura corpora quanto magis nutries, tanto magis lædes.

Quoniam ingestus cibus una corrumpitur
propter

propter præ existentem cacochymiam in corpore, quemadmodum enim pura aqua in cæno, ita fædatur, cibus ut augeatur quidem secundum quantitatem, & hinc sumitur scopus nutriendi.

Facilius est impleri potu, quam cibo. II.

Omne enim nutrimentum siccum ut crassius agre alteratur, & agre distribuitur. Humidum autem nutrimentum ut acteratu facile, prompte etiam distribuitur, verum potus non est intelligendus pro quolibet humido, quod per os assumitur, verum (ut in libro de nutrimento dictum est) pro vino, quod est vehiculum siccæ nutrimenti. Nullum enim nutrimentum est inter omnia, quod facilius distribuatur, & quod vehementius possit colligere & confirmare virtutem dissipatam. Non solum autem vinum facile distribuitur, verum etiam facile apponitur, & hac de causa maxime nutrit & maxime vinum Flavum & amarum. Hoc enim omnino optimum est. Sciendum autem est Hip. quoniam prius sermonem habuit de iis qui conualuerunt, idcirco duplicis materiæ ex qua reficiendi sunt mentionem fecisse.

Quæ relinquuntur in morbis recidivas facere consueverunt.

12.

Quæ relinquuntur vocavit reliquas ritioso.

APHORISMORVM

rum humorum, quibus quidem putrefactis necesse est febres accendi. Connectitur autem praesens Aphorismus illi, cuius initium. (Si verò non assumēte cibum hoc accidat, scire oportet q̃ indiget euacuatione.) Causam autem euacuationis assignat. Nam quae relinquuntur in morbis recedinas facere consueverunt.

Quibuscunque crisis, id est, iudicatio fit, ijs nox grauis ante accessionem, quae subsequitur magna ex pte leuior existit. 13

De futura iudicatione differit. Iudicatio autem est certamen naturae & morbi, vel subita in morbo mutatio. Hanc iudicationem antecedens nox difficilis est. Vt enim athleta uel miles impendente certamine perturbatur, & prius rectè accingitur, cū secum cogitauerit, quara tione inuadendi, vel declinandi sint hostes, ita natura prius turbatur, & excitat suas ipsius vires ad expellendum & alterandum materiā facientem morbum, & hac de causa laboratur, verū in nocte, nam eo tempore non sine molestia somnus abrumpitur à turbatione. Nox autem quae subsequitur plerunq; facilior est, cū plures iudicationes faciliter absoluantur, neque natura defatigetur in expellēdis superfluitatibus.

In profluuiis alui mutationes excrementorum iuuant, nisi ad mala mutatio fiat.

14.

Hoc loco Hip. tradit rationem cognoscendi, ut firmitus discas, utrum perfecta fuerit iudicatio, necne, Consideranda (inquit) est immutatio excrementorum ventris, nunquid cum diu flaua vel liuida excreta sint, nunc in meliorem partem mutari cæperint. Et si quidem in meliorem partem mutationem inuenias, iudicabis nullum malum esse in corpore, quãuis fortasse eo tempore non subsequatur facilitas tolerantia. Si autem excrementa maneat eadem, vel in deterius mutantur, tunc malum est, etiã si fortasse non sequatur difficultas tolerantia. Sciendum autem est hunc sermonem etiam vniuersalem esse posse, non solum enim conuenit in ventris profluuiis, verum & in omni euacuatione.

Vbi fauces ægrotant, aut tubercula nascuntur in corpore, excretiones inspicere oportet. Si enim biliosc fuerint, corpus vna ægrotat, si verò similes sanis, tutum est corpus nutrire.

15

Iudicatio duplex, vel enim fit per excretionem, vel per abscessum. De iudicatione autem,

APHORISMORVM

qua fit per excretionem. Superius differuit, cū diceret in quibusdam ventris profluuijs mutationes excrementorum conducunt. Nunc autē sermo est ei de ea iudicatione, qua fit p abscessū. ubi (inquit) fames agrotāt, aut tubercula nascuntur in corpore, considerata sunt excretionēs:) nam ex his poteris cognoscere, utrū per distributionē delata sit materia, an per trāslationem. Si enim factō abscessu ferūtur excretionēs biliosæ, patet per distributionē delatam esse materiam, & non esse absolutum corpus, hoc est nobiliores partes à cacochymia, verū adhuc agrotare: quamobrem non est tutum nutrire. Si autem excretionēs ferantur similes his, quæ secundum naturam, tunc intelligendum est omnem materiam per translationem derivatam esse à nobilioribus partibus ad ignobiliores, tunc autem possumus tuto corpus nutrire.

Vbi fames, laborandum non est. 16.

Aphorismus hic ad sanos attinet, nō oportet enim exerceri & moueri illos, qui fame laborant, ne intendatur siccitas ratione gymnasiolorum, & ne eiusmodi motu vehemētius resoluātur virtutes. Si quis autem roget, quam utilitatē afferat hic Aphorismus, in quo Hip. sanorū meminit: respondemus Hip. non solū laborare,

ut morbum tollat, verum etiam ut existentem sanitatem cōseruet. Præterea scire debemus, duplicem esse famem, est enim vel penuria cibi, cuius meminit Hip. in epidemijs his verbis, (in oppido æno, qui ob famem leguminibus vescabantur, crura debilitata sunt) priuatio igitur necessarij, hoc est cibi, fames dicitur. Est etiam fames inedia, cuius & hoc loco meminit. Animaduertendum est autem hunc Aphorismum etiam de egrotantibus interpretari posset.

Vbi cibus præter naturam ingestus est hic morbum facit, ostendit autem sanatio.

17.

Nutrimētum triplex, futurum nutrimentum, ut cibi, quasi nutrimentum, ut succus qui est in vētriculo, q̃ iam nutrit, quod quidem & propriè nutrimentum appellatur, cuius causa neruo apposita in naturā nerui transmutatur, & musculo in musculi substantiam, & venæ in venæ natura. Hoc igitur loco sententia Hip. intelligenda est de omni genere nutrimentī, ut cibus (inquit) vel qualitate vel quātitate naturæ modum excedit, morbi, qui ex hoc fit, per cōtrarium curatio firmorum nobis & tutiorem ladentis causæ cognitionem tradit.

Eorum quæ vniuersim & velociter

nutriunt, veloces quoque fiunt excretiones.

28

Superius monebat Hip. facilius esse impleri cibo quam potu. nūc vt diluat ea, in quibus dubitari posset, ostendit quæ sunt ea, quæ facile, & quæ non facile impleant, cito enim (inquit) implent ea, quorum superfluitates citò excernuntur, quorum autem sero, ea sero: verbi causa oportet inquirere, vtrum vna hora post exhibitum nutrimentum excernuntur excrementa, an pluribus, & si vna hora post, sciendū nutrimentum illud facile alterari. Si autem pluribus post, non facile alterari vniuersim quidē & velociter nutrit humidum nutrimentum, vt vinum, & si quid eiusmodi vniuersim nutrit, hoc est breui tempore. Et velociter, hoc est breui tempore, postquam exhibitum est alteratum.

Quacunque igitur vniuersim & velociter nutriunt, horum & veloces fiunt excretiones, quæ autem serò, contrario modo se habent, ventriculus enim primus fruitur cibis, ex ipsis trahēs succum. Deinde postquā expletus est, ad excretionem superfluitatum excitatur.

Acutorum morborum non omnino sunt certæ pronuntiationes salutis aut mortis.

19

Acutos

Acutos morbos vocat, & qui breui tempore ingrauescant, & qui feruentem & ardentem habent caliditatem, & qui habent accidentia graua, & (vt simpliciter dicam) qui ex bile generantur: sed hi vel aequè in omnibus partibus animalis generantur, vt ardentes febres, vel in aliquo loco affecto, vt pulmonia, & angina. In his igitur acutis morbis non sunt omnino certa prænuntiationes vel salutis, vel mortis, cum mutatio sit in ipsis momentanea, & diffundatur in natura perniciem humor horum auctor morborum, vel humor ledens quandoque transferatur ex aliis in alia, hoc est à nobilioribus partibus in ignobiliores, & ab ignobilioribus in nobiliores.

Quibus iuuenibus adhuc aluus humecta est, ijs senescentibus exiccatur. Quibus verò iuuenibus adhuc aluus sicca est, ijs senescentibus humectatur. 20

In iis qui etate sunt consistenti humida sit aluus, vel ob refrigerationem existentē in ventriculo, vel ob robur excreticis facultatis, vel ob bilem confluentem in uentriculum, & in intestina. Quibus autem iuuenibus humida sunt ob refrigerationem uentriculi, ijs senescentibus sicca sunt ob incrementum frigoris. Quibus

APHORISMORVM

verò iuuenibus humida sunt ob robur excretoris facultatis, ijs senescentibus, sicce fiunt ob imbecillitatem eiusdem virtutis. Verū quibus iuuenibus humida sunt ob affluētē bilem, ijs senescentibus sicca sunt, cū nō amplius in ipsis generetur bilis. Rursus in ijs, qui sunt in atate cōsistenti sicca fit aluus, & ob caliditatem existentem in ventriculo, vel q̄ non confluat bilis in ventriculum & in intestina, vel q̄ distributio rectē ac ratione fiat. Quibus autem iuuenibus alui sicca sunt ob caliditatem, his senescentibus humida sunt ob frigiditatem: quibus uerò iuuenibus alui sicca sunt ob inopiam bilis, ijs senescentibus humida sunt, non simpliciter autem, cum in ipsis bilis non generetur: sed quoniam à multitudine grauentur, quibus etiā iuuenibus humida sunt, cū ob iecinoris imbecillitatem distributio non rectē fiat. Sciendum est autem humidum & siccum ventriculum dici non ratione substantia, sed excrementorum. Præterea sciendum est hunc sermonē esse de eo, quod vt in pluribus contingit.

Famem thorexis, idest vini potio soluit.

21.

Famem hoc loco appellat Hip. vehementissimam, & qua nunq̄ deficiat ciborum appetitiā, quam

quam nonnulli caninam vocant, hac autem duplicem habet causam: vel immodicā excretionē vel frigidum humorem incumbētcm ori ipsius ventriculi, qui frigiditatis, quidem ratione appetentiam excitat. Dissoluit autem & obtundit concoctionem, & hac de causa copiosum nutrimentum assumunt, non concoquunt autem, & fame conficitur totum corpus. Eam igitur thorēxis, id est vini potio soluit. Tali enim victus ratione statim sedatur fames. Diu autem nobis id facientibus tandem desinit: quoniam euaporetur materia famem faciens calefactione vini. Vinum autem non accipiendum est pro omni vino simpliciter.

Quicumque morbi ex repletionē fiunt curat euacuatio, & quicūq; ex euacuatione, repletio: & aliorum contrarietas. 22.

In proximo Aphorismo Hip. particularem famis curationem prescribat, in hoc autem vniuersalem habet sermonem. In vniuersum (inquit) omnis repletio euacuatione curatur, & econuerso, contraria enim contrarijs curantur. Ad hac autem refertur & medicina definitio, quæ est eiusmodi, medicina est adiectio & ablatio, adiectio quidem eorum, quæ deficiunt, ablatio autem redundantium.

Acuti morbi in quatuordecim diebus iudicantur. Septenorum quartus est index, alterius septimanæ octauus principium. Est autem & vndecimus contemplabilis, ipse enim quartus est secundæ septimanæ. Rursus verò & decimus septimus cōtemplabilis, ipse siquidem quartus est à quatuordecimo. Septimus verò ab vndecimo.

23.24

Hoc loco vltimum terminum acutorū morborum Hip. quartumdecimum diem assignat. Acuti enim morbi ex tenui & acuta materia generantur, quæ materia ratione quidem substantia habet, vt facile diffletur, ratione autem acrimonia habet, vt facile excreetur. Mor dens enim & molestia afficiens naturam, excitat ipsam ad expellendum contraria, quæ sunt in corpore, & ad sustinendam iudicationem. Subijcit septenorum quartus est index, quæ ratione? Quoniam decretorius est, si igitur quarto non fiat perfecta indicatio, septimo fiet, cū in summo virtus sit imbecilla, & nō possit cito expellere causas morbum facientes. Si autem septimo non fiat perfecta, iudicatio in vndecimo perficietur. Si autem & in vndecimo imperfecta, quartodecimo absoluetur. Hi igitur dies indices

indices sunt & contemplabiles. Indices quidem, quoniam indicant in morbo nondum futuram iudicationem contemplabiles autem, quoniam ex superioribus ipsos intuentes prædicimus. Sunt igitur hi quaternarij periodi, & quibus alij per continuationem nominantur, alij autem per intervallū, in quo quidem non est idem finis quaternarij cum eiusdem principio, quartus autē quaternarius rursus per cōtinuationem. Undecimus enim dies & principium, & finis nominatur. Si quis autem ostendat acutos morbos quandoque, & decimotertio, & vigesimo iudicari, sciat hoc esse numerādum inter ea, quæ raro fiunt. Rursus si quis asserat Hip. in pronosticis docere quadraiesimum diem esse ultimum terminum acutorum, respōdemus Hip. in eo loco sermonem habere non de morbis simpliciter acutis, sed de acutis ex decidentia, quorum ultimus terminus est dies quadraiesimus.

Æstivæ quartanæ magna ex parte breves autumnales autem longæ, & maximæ, quæ hyemem attingunt.

25

In proximo Aphorismo tradebat Hip. rationem cognocendi morbos acutos, in hoc autem continuādo chronicos (æstivæ igitur quartanæ) hoc est, quæ in æstate generantur, breves sunt,

E

APHORISMORVM

hoc est breui tempore magna ex parte durant, quoniam continentis caliditas attenuat materiam, rarefacit meatus, & diffolat ipsam. Autumnales autem, hoc est, quæ in autumno affligunt, longè, & maxime quæ hyemem attingunt ob refrigerationem, & quoniam condensantur meatus à frigiditate, vel quoniam crassior est materia. Si quis autem dubitaret quæ ratione fieri possit, ut in æstate generetur quartana, ubi est calefactio & diffolactio, respondemus, quantum ad tempus attinet non oportere generari, verum in causa esse rationem victus, caliditas enim agens in crassum & terrestrem cibum, ut cramben, carnem bouillam, & alia id genus, generat humorem melancholicum, ex quo generatur quartana.

Febrem conuulsioni superuenire, quæ feбри conuulsionem, melius est. 26.

Conuulsio motus est inuoluntarius, qui sit in instrumentis, quæ ad electionem pertinet fit autem vel ex multitudine, quæ repleto cerebro & nervis ipsi nervi intenduntur, vel ex siccitate cuius gratia nervi simul augentur adinuicem, cum autem uel exsiccentur uel intendantur motum inuoluntarium faciunt. Melius est igitur (inquit Hip. conuulsioni superuenire febrem quam e converso, nam febris

febris interiores partes penetrans magna ex parte calefacit, & atenuat, & diffilat humores conuulsionem generantes. Si autem feberi superueniat conuulsio (hæc autem est ex siccitate) malum, opus enim est curare siccitatem, non expectat autem tempus grauitas morbi, sed quam primum resoluit virtutem & celerem mortem infert.

His, qui nō ex ratione leuius se habent non oportet confidere, neq; multum timere mala quę præter rationem eueniāt, plurima enim talia stabilia non sunt, neq; multum durare & permanere consueuerunt.

27.

Hoc loco præcipit Hip. ne qualibet de causa vel confidat vel timeat his qui præter rationem alleuati sunt non oportet confidere verbi causa, quem vehemens morbus inuasit, postea statim remisit euacuato corpore, vel per vomitum, vel per sudorem, vel per excrementa, vel per urinas, vel per sanguinis eruptionem, sed neq; quamuis signa concoctionis, appereant, fidem existimare oportet eiusmodi alleuationem. quæ enim hac ratione eueniunt recidivas facere consueuerunt (ut in alijs dictum est). Deinde addi. (neque timere oportet, si quæ præter rationem

praua eueniant) verbi causa, quum quis difficilem habuerit respirationem sine ratione, vel delirauerit, vel magno rigore correptus sit, neque hoc stabile existimandū est, non enim oportet timere ea, quae videntur quidem pernitiōsa, vere autem non sunt, sed prater rationem eueniunt, interim enim nihil difficile significant.

Febricitantium non omnino leuiter, permanere corpus, & nihil, minui, vel etiam plusquam ratio postulat contabescere, malum, illud enim morbi longitudinem, hoc vero imbecillitatem significat.

28.

Nunc autem ex habitu corporis tradit rationem cognoscendi (febricitantium non omnino leuiter, sed mediocriter, permanere & nihil minuit corpus, malū) ostendit enim cōdensationē corporis, & crassitiem humoris, & propterea longitudinem morbi. (Contabescere plusquam ratio postulat, malum, hoc enim indicat tenuitatem humoris, & raritatem cutis, quod quidē pernitiōsum est, nam ex hoc ostenditur virtutis imbecillitas. Sciendum est autem, illud plus quā ratio postulat ad utrunque referendum esse, & ad non minui corpus, & ad contabescere.

Cum morbi inchoant, siquid videtur

mo-

mouendum moue, cum vero consistunt,
ac vigent, melius est quiescere. 39.

Hic Aphorismus ad acutos morbos attinet, & hac est autem eius sententia, considerandum est an materia turgeat, & tunc euacuatione utendum est, & illud est (siquid videtur) si autem non turget, non euacuabis. Euacuationem autem hoc loco intelligit & sanguinis missionem, & purgationem, verum (si videtur) in principio moueas, ut, natura inueniens modicam materiam, eam facile concoquat, & remoueat, in statu autem quiescere melius est, tunc enim natura in certamine superauit materiam, & facta est cōcoctio, nec opus est auxilio medici. Alia autem ratione possumus asserere, in his morbis tenuem humorem subiacere, & qui facile turgeat, & facile moueatur, ideo quam primum expellendum esse a corpore, ne inordinato motu ad nobiles partes fluat, & graue ad malum efficiat. In statu autem oportet quiescere, quoniam in cōcoquenda materia occupata sit virtus & vitalis & naturalis, utraque enim harum est robusta, cum virtus animalis, valde laborauerit, ut in principiis, econuerso.

Circa initia & finis omnia imbecilliora cum vero consistunt, fortiora. 30.

Eius qui ex ægritudine bene cibatur,
nihil proficere corpus, malum. 31

Hic Aphorismus ad eos attinet quæ ex morbo conualuerunt, hoc, autem patet ex eo quo dicit (ex ægritudines) si quis igitur copias sit usus nutrimento, & nihil profecerit eius corpus pernitiosum, quamobrem? Quoniam virtus appetendi non est naturalis acutus enim subiacet humor in ventricula, qui excitat quidem ipsam virtutem, verum ob infrigidationem non concoquetur nutrimentum, & tunc corpus non nutritur.

Omnes ferè qui male habent circa initia bene cibati nec quicquam proficiētes, circa finem rursus cibum non appetunt. Qui verò circa initia non valde cibum appetunt, postea bene appetentes ij melius euadunt. 32

Hic etiam Aphorismus ad conualescentes attinet. Duo autem nobis hoc loco ostendit, quorum illud repellit, hoc vero laudat, quicumque (inquit) male habent, hoc est vitiosos, humores in corpore relictos habent, circa initia bene cibati, posterius cibum non appetunt, deterius euadunt. Hi autem contrario modo se habentes melius euadunt, quoniam illi, qui circa initia bene

bene cibati sunt, robore appetentium partium bene cibantur, sed postea cum multitudine nutrimenti auctus sit vitiosus humor, qui est in corpore, leditur virtus appetendi, & hac de causa non appetunt, quæ propter & deterius euadunt. ij autem qui circa initia nullo modo appetunt, hoc est, omnino pauca assumunt, & nō appetentes non concoquunt redundāte natura vitiosi humoris illo tempore quo egre cibantur, hoc autem concocto necessario circa finem bene cibantur.

In quouis morbo bene mente constare, & bene se habere ad illa, quæ offeruntur, bonum contra vero, malum. 33.

Hic Aphorismus tradit nobis prædicendi rationem sumptam à nobilioribus, partibus, hoc est à cerebro, & à ventriculo. In omni morbo (inquit) mente bene constare, & bene se habere ad ea quæ offeruntur .i. ad cibos, bonum. Hoc quidem mente bene constare bonum, quoniam & membrana, & spinalis medulla, & septum transversum, & omnes nervosæ partes, & maxime quæcunque cerebro propinquæ sunt, omnino, recte se habere significantur. Hæc autem bene se habere ad ea, quæ offeruntur, etiam bonum, cum & ventriculum, & iecur, & ipsum

cor eodem modo recte se habere cognoscantur.

In morbis minus periclitantur, quorū naturæ, aut ætati, aut habitui, aut tempori magis congruit morbus, quam quibus secundum nihil istorum congruit. 34.

His etiam Aphorismus ad prædictionem attinget, hæc est autem eius sententia, quicumque morbi congrunt propriis, principiis minus habet periculi, quicumq; uero, non congruunt, sunt maxime periculosi. Vt exempli causa, si tertiana febris generetur in ætate declinante & in senectute, maius est periculum, ostenditur enim in his, hoc est, qui non congruunt vehementem esse causam, ut possit superare oppositionem, quæ est ex tempore, nam ex his, qui non congruunt, non possumus affirmare magnam esse causam, sed tantum demonstrata est ad simile conuersio, quæ facile fit, etiam si causa non sit vehemens, quæ conuersionem faciat. Eodem modo intelligendum est de natura & temperatura corporis, & de reliquis.

In quouis morbo partes ad umbilicum & inum ventrem attinentes crassitudinē habere melius est: multum vero extenuari & cōtabescere, prauū, sed & hoc quoq; ad inferiores purgationes periculosum. 35

Hic Aphorismus ad signa pertinet. Considera (inquit) in morbis ea, quæ sunt circa umbilicum & imum ventrem, & siquidem hæc crassitudinem habeant, bonum, si vero extenuata sint, & contabuerint, malum. Sciendum autem est totam illam partem, quæ est à mucronata cartilagine ad pubis ossa, tres habere particulas, ex his quæ superius sunt, vocatur hypochondria quæ autem medium locum obtinent uocantur partes circa umbilicum, quæ iacent in ultima parte, imus venter. In omnibus igitur morbis partes, quæ sunt circa umbilicum & imum ventrem, crassitudinem habere melius est, afferunt enim utilitatem inferioribus partibus, quæ crassitudine sua calefaciunt, & cum hoc modo recte, se habeant, recte fit concoctio, cum autem sint robustæ, melius seruiunt purgationibus. Extenuata autem esse & contabescere, malum, oppositis de causis. si quis autem roget, cur Hip. tacuerit superiores purgationes tutas esse his, qui hoc modo sunt affecti, dicimus hoc tanquam manifestum esse prætermisum.

Qui salubritatem corporis habent per medicamēta euacuati exoluuntur, & qui prauo vtuntur cibo.

36.

Hoc loco suadet Hip. ne corpus sanum pur-

APHORISMORVM

gantibus medicamentis purgemus, exoluuntur enim, quoniam in sanis corpus est aequale, medicamentum autem adhibitum non inueniēs superfluitatem, quam euacuet, euertit corporis habitum. Afficit autem primo spiritus, deinde humiditas partes, postremò solidas, & hos quidē dissipat, illas aut diffolat. Solidas autē colliquat, cum autē hac fiant, necessario sequitur defectus animi, & syncope. Præterea illi qui prauo utuntur cibo purgatione (inquit) exoluuntur, quoniam medicamentum accipitur à cacochymia, quæ acuta est ex prauo nutrimento, & incipit ipsam purgare. Ipsa igitur dum purgatur, & transit per nobiles partes & sensibus cum sit acuta, & modax, molestia & morsu infert exolutionem. Prauum autem nutrimentum vel est sanguis ipse, vel exterior cibus.

Qui bene se habent corpore, difficulter ferunt medicationes.

In eadem sententia est hic Aphorismus, sumere autem pharmacum idem est, quod purgari, benè autem quod moderatè. Difficile igitur est exhibere pharmacum ijs qui bene se habent corpore, quamobrem? Quoniam est superfluitatū purgatio, si autem fiat in sanis corporibus, cum non inueniat propriam materiam, quam trahat,

bat, colligat partes.

Parum deterior cibus, aut potus suauior autem, melioribus quidem, sed minus suauibus, est præferendus. 37.

Hic Aphorismus ad rationem victus attinet, hoc autem modo cōnectendus est. Paulo deterior & potus & cibus suauior autem egrotanti, melioribus quidē, id est, qui facile concoquātur. In suauibus autem egrotanti est præferendus. Nam non solum gratificamur egrotanti in ijs, in quibus grauē damnum non subsequatur, vt iubemur in epidemijs, verum etiam ipse cibus vel potus maximè conducet, quod enim suauē est illis, quibus offertur, hoc amplecti & concoquere ventriculus consuevit, ab ijs autē, quæ insuauia sunt, nauseare & reliqua mala generari consueuerunt.

Seniores inuenibus plurimum minus ægrotant. Qui verò longi morbi ipsis accidunt, maxima ex parte comitantur ad mortem. 39.

Hic Aphorismus duas ad inuicem atates comparat, consistentem & senilem: (senes inq̃t inuenibus magna ex parte rarius ægrotant:) nam senes, cū prudentes sint, in cibo & potu temperantes, sunt, neque implentur ijs, ex qui-

APHORISMORVM

bus multa superfluitates generetur, ideò rarius agrotant. Iuniores autem vt imprudētes multo cibo implentur, & ideò in cruditates ratione plenitudinis incidentes facile & citò agrotant. Postea subiicit, quicumq; autem morbi ipsis, hoc est senibus accidunt longi, magna ex parte moriuntur ob imbecillitatem virtutis, quae non facile potest morbos concoquere.

Raucedines & grauedines in valde senibus coctionem non admittunt. 40

Superioris Aphorismi tradit exemplum, nam raucedines & grauedines in valde senibus coctionem non admittunt ob inopiam caloris & imbecillitatem facultatum.

Qui frequenter ac fortiter absque manifesta causa exoluuntur de repente moriuntur. 41

Hoc loco ostendit rationem cognoscēdi mortem impendentem. Si quis inquit frequenter & fortiter sine occasione manifesta exoluatur, hic de repente moritur. Nam si manifesta de causa exoluantur non moriuntur. Mulier enim quaedam (vt Galenus affirmat) in quodam balneo continenter exoluebatur, quoniam vitiosa ligna accendebantur in balneo. Quam obrem etiā defectum animi patiebatur, cum autem causa esset

esset in promptu, quæ defectum hunc animi pariebat, exolutio illa non erat perniciofa. Si igitur sine manifesta causa exoluantur quidam, vel defectum animi patiantur, & frequenter, & fortiter, statim moriuntur, quoniam, & in his vitale robur valdè imbecillum est. Ideò facile quibuslibet de causis exoluuntur, & propterea de repente moriuntur. Impedit enim cordis actionem moles quædam sparsa, id est humidum, vel siccum ipsi cordi incumbens. Cum aut quaereretur causa (ut testatur Galenus) in dissectione corporis inuenta est tunica quædam superiacens ipsi cordi plena humiditate quædam fædi odoris, quæ quidem humiditas vitiosa illa qualitate corrumpebat semper & destruebat robur vitale, & hinc oriebatur affectus exolutionis.

Solucere morbum, quem apoplexiam vocant, fortem, impossibile est, debilem verò non facilè.

Apoplexia est immobilitas & insensibilitas totius corporis cum lesione principalium actionum. Causa autem ipsius est humiditas pituitosa implens ventriculos cerebri, & impediens quominus corpus mouentur, ut nebula præcurrēs impedit quo minus sol possit illustrare terram, ita hæc humiditas tanquam nebula

APHORISMORVM

obducens cerebrum prohibet ipsum ne commu-
 nicet suam ipsius facultatem toti corpori, q̄ hac
 de causa manet sine sensu & motu. Est igitur
 Apoplexia duplex magna & parua, vtrang,
 autem metimur mensura respirationis, quicu-
 que enim maxima violentia respirāt, & inter-
 mittentem habent respirationem, hi forti labo-
 rant Apoplexia, quam Hip. inquit nullo modo
 curari posse, cū magnopere laedat respiratio-
 nem. Quicunq; autem ordinem quadam seruāt
 in respiratione, his debilis est Apoplexia, quā
 & non facilem dixit, hoc est leuiter curari non
 posse. Si quis autem roget, quamobrem, cū om-
 nes alij muscoli in Apoplexia immobiles sint,
 qui thoracem attollunt, illi frequenter moueā-
 tur. Respondemus ipsos musculos ob necessitatē
 respirationis excitare ad opus facultatem, qua
 praediti sunt nervi. ij autem qui dubitant, cum
 apoplexia sit immobilitas & insensibilitas totius
 corporis. ha autem priuationes sint, qua ratione
 contingit in priuatione assumere magis & mi-
 nus, vt nobis liceat affirmare hanc quidem esse
 fortio rem apoplexiam, illam autem mitiorem,
 monendi sunt non esse omnino insensibilitatem
 & immobilitatem in his qui laborant Apople-
 xia. muscoli enim mouentes thoracem cum om-
 nino

nino moueantur perfectam immobilitatem nō faciunt.

Strangulati ac dissoluti nondum mortui non referuntur, quibus spuma circa os fuerit.

43

Signum assignat Hip. eorum qui strangulati sunt, & dissoluti, hoc est qui strangulatione corripuntur, & exoluuntur, vel potius qui moriuntur, nondum autem mortui sunt. (Non referuntur illi, quibus spuma circa os fuerit:) nam cum strangulati sint, comprimuntur nerui ipsius colli, & replentur vasa, quibus repletis manifestum est meatus obstrui, quibus obstructus, non excernuntur fuliginosa excrementa, & aer non introducitur, qui quum non ingrediatur, non euentatur calor innatus, verum cum variè mouetur, nec possit erumpere ob eiusmodi obstructionem eodem tempore se ipse calidior factus spumam generat, cum spiritus in eiusmodi motu colligunt, & ampullent eam humiditatem, quæ illuc incidit. Hoc modo cum calor innatus cum non euentetur ob ingressum exterioris aeris, neque excernantur fuliginosa excrementa, periculum est ne extinguatur.

Qui natura admodum crassi sunt, citius intereunt, quam qui graciles,

44

Vide

Vide quomodo Hip. probet omnino citius interire eos, qui à primo ortu admodū crassī sunt, quam graciles, vel quoniam imbecillus est in eiusmodi corporibus calor innatus, vel quoniā plenitudo subiacet pinguedini, & excrementitia humiditas, & condensatio superficiei, qua condensata non diffatur superfluitates, qua nō diffat & colliguntur in profundo, illinc autem decedentes implent arterias & venas, quibus compressis, extinguitur calor innatus, & subsequitur mors. Graciles autem & ipsi moriūtur, rarius autem quam illi, cū nō sint in ipsis tot superfluitates, vt calor innatus obruatur. Alio autem modo diffatur etiam in ipsis innatus calor, & ob gracilitatē, & quod corpus facile afficitur. Relinquitur igitur benè carnosos, hoc est temperatos, ad bonam & longam senectutē peruenire ratione mediocritatis.

Quicunque iuuenes morbo comitiali laborant, mutatione maximè ætatis, & temporis, & locorum, & victuum quoq; liberantur.

45

Epilepsia est cōuulsio totius corporis cum lēsiōne principalium partium. Pituitosus autem humor occupat cerebri ventriculos, & generat ipsum Quoniā igitur magna ex parte à pituita generatur

generatur, rectè Hipp. dixit quibus iuuenibus remotionem morbi afferant mutationes maximè ætatis, & temporum & locorum, & victuū. Cum enim transmutentur iuuenum ætates, hoc est puerorum, in calidiorem, & sicciorem temperaturam: maximè confert epilepticis affectibus. Eodem autem modo & temporum, & locorum, quando agrotantes transferuntur in calidiorem, & sicciorem regionem. Præterea & mutationes victuum, quicunq; videlicet calidiorem, & sicciorem efficiunt corporis habitū. Victus autem hoc loco idem est, q̃ ratio victus.

Duobus doloribus simul eundem locum infestantibus, vehementior alterum obscurat. 46.

Locus hic pro parte corporis intelligendus est, (si idē locus duobus doloribus excrucietur.) Verū hic si contingat in manu, ille autem in crure, vehementior alterum obscurat, quoniā sentiendi facultas tota abducatur, & abstraatur ad id, quod vehementius est, si autem in vna parte resideant duo dolores, certatim augēt molestiam, cū neuter eorum lateat agrotantem. Obscurat autem hoc loco accipiendum est pro eo, quod est, adumbrat.

In omni corporis motu, vbi quis labo-

rare cœperit quies statim lassitudinem aufert. 47.

Motum hoc loco dicit Gymnasium siue Palestra siue equitationis, siue cursus. In omnibus igitur eiusmodi motibus, quum quis incipit laborare, hoc est dolere, & defatigare partes, ut non possint amplius exerceri, his quies statim lassitudinem aufert. Quiescentes enim ab exercitationibus, lassitudinem non sentiunt, cum facultates in quiete recreentur.

Dum pus conficitur dolores ac febres accidunt magis quam confecto. 48.

Dolores quidem, quoniam locus continens extendatur à materia ob ipsius effusionem, & ob spirituum resolutionem, ut ipsa non possit contineri, nisi ampliori & patentiori loco. Febres autem quoniam putrefactio, quæ est in membro faciente pus distributa per adiecentes arterias ad cor perveniat. Hæc quidem contingunt, dum pus conficitur. Confecto autem non amplius dolor neq; febris, iam enim attenuata est materia, & euaporavit multitudo spirituum concocta putredine.

Qui consueti solitos labores ferè, & si fuerint imbecilli, & senes non consuetis, foribus atq; iuuenibus facilius ferunt. 49.

Hic Aphorismus ad sanos attinet, hac est autem eius sententia. Sunt duo, hic quidem senex, ille autem in consistenti etate, ambo incipiunt fodere, & huic quidem seni contingit rectè fodere, ille autem, qui est in consistenti etate non rectè, seni quidem ob consuetudinem rectè, quāuis sit imbecillus, iuuenis autem non rectè, cū non assuetus sit. In vniuersum enim oportet cognoscere, fortiores alijs fieri partes, quæ exercentur, & hac de causa solitos labores facilius sustineri. Ex hoc autem particulari exemplo licet nobis & de omnibus ratiocinari.

Quæ ex longo tempore consueta sunt & deteriora sunt insuetis minus molestare solent, oportet igitur ad insueta permutari.

50.

Hac sententia vniuersalior est superiori, illic. n. de Gymnasijs solum agebatur, hic autem de paucitate cibi, & de repletione, & de calefactione & de refrigeratione. Quæ igitur longo tempore consueta sunt, quāuis deteriora sint, insuetis minus molestare solent. Cū enim quodque ipsorum factum sit peculiare, minus ledit, quāuis ex sua natura molestum sit, si nondum in consuetudinem venerit. Verbi causa, solitus est aliquis manna comedere, hic si ad bonum cibum

APHORISMORVM

sumendum conuertitur, leditur, cū assuetus non sit. Assuetus est aliquis aqua potioni, si præter cōsuetudinem bibat uinum offenditur, quoniam consuetudine contemnitur. Oportet igitur ad insuetæ permutari, ut si necesse sit ea, quæ offeruntur ferre possimus, utentem enim copioso nutrimento, oportet etiam parū cibi quādoque assumere, ut si contingat, ferat etiam illius vsum.

Plurimum atq; repente euacuare, vel replere, calefacere vel refrigerare siue quouis alio modo corpus mouere periculosum, Quoniam omne nimium naturæ est inimicum. Sed quod paulatim fit, tutum est tum alias, tum cū ab altero ad alterum transitus fit.

51.

Quoniam in superiori Aphorismo docebat nos oportere & ad insuetæ permutari, ne quis subitam mutationem intelligat, subiicit (multum repente vel euacuare vel replere periculosum, cū omne multum natura sit inimicum.) Natura enim in commoderatione consistit, & ea gaudet, fugit autem ea quæ modum excedūt. Quod si cōtingat ipsam transferri ad id, quod immodicum est, tutius est paulatim trasferri quā plurimum: nihil enim mirum est paulatim

&

& longiori tempore vti vel calefacientibus, vel refrigerantibus, vel repletionem, vel euacuationem, & non ladi hominem. Illud autem (tum aliàs tum cum ab altero ad alterum transitus fit,) idem est, ac si diceret, & maxime si à contrarijs in contraria trāsferatur. Si enim in his quæ sunt eiusdem generis id, quod est subitum, nocet, quanto magis nocebit in contrarijs.

Omnia secundum rationem facienti, si non succedat secundum rationem, nō est transeūdum ad aliud, stante eo, quod à principio visum est.

52.

Hic est sensus Hip. qui omnia ratione adinuenit, & ex ijs non profecit, nō oportet omittere id quod à principio visum est, quamuis nulla manifesta utilitas appareat, vt enim gutta percutientem lapidem sensibilis tempore fit lapidis affectio, ita in affectibus, qui agrè concoquuntur, solet vsuuenire.

Quicunque aluos humiditas habent, si quidem iuuenes, melius commutant ijs, qui fccas habent. Ad senectam vero deterius commutant, nam senescentes magna ex parte exiccantur.

53

Hic Aphorismus in superioribus rectè interpretatus est, verum vt omninò vera sit sen-

APHORISMORVM

tentia. Ideò apposuit magna ex parte.

Magnitudo corporis iuuentæ neq; indecens, neq; illiberalis est, senectæ verò inutilis, & deterior paruitate. 54.

Magnitudo triplici ratione dicta. Est enim magnitudo propriè, quæ secundum longitudinē & profunditatem & latitudinem in amplius spatium aucta est: secundò loco magnitudo est q̃ in sola longitudine maius spatium occupauit: tertio loco magnitudo est, quæ solum in latitudine & profunditate modum excessit. Cùm igitur magnitudo tria complectatur, de magnitudine secundo modo accepta sermo habetur hoc loco ab Hip. hoc est de dimensione secundum longitudinem, hæc enim in iuuenta non est indecens, in senectæ autē est inutilis & deterior paruitate, in iuuenta enim florente motrice facultate musculi spinales continent spinam interius & exterius & extendunt. In senectæ autem defatigantur musculi & faciunt curuitatem in interiora solum, non enim in posteriora propter spinam. Quamobrem in iuuenta quidem non est indecens propter rectitudinem. In senectæ autem inutilis & deformis ob curuitatem.

PHILOTHEI COMMEN-
TARIA IN TERTIVM APHORISMO-
rum Hippocratis, L V D O V I C O
C O R A D O interprete.

Mutationes Temporum potissimum
pariunt morbos, & in quibusdam tem-
poribus magnæ mutationes aut frigoris,
aut caloris, & alia pro ratione eodem mo-
do.

I.

Propositum in presenti sectione est
Hipp. de temperatura temporum,
& de morbis, qui in ipsis grassan-
tur differere, postremò de etati-
bus. Primum igitur quod attinet
ad tempora. Mutationes (inquit) temporum
pariunt morbos, mutationes appellat eas, quæ
in temperatura fiunt, alterationes temporum,
ut quum hyems mutet propriam naturam ca-
lidior facta, & rursus æstas non maneat calida,
sed frigidior fiat. Sciendum est autem mutatio-
nem hanc nunc in omnibus temporibus contin-
gere, nunc in pluribus, nunc in vno tantum, quod
& parit morbos si magnam mutationem con-
tineat, si enim parua sit mutatio, nullo pacto

APHORISMORVM

gignentur morbi. Mutationes temporum pariunt morbos, hæc est vniuersalis sententia de transmutatione temperatura omnium temporum ostendens in quibus & maxime contingat fieri morbos. (Et quibusdam temporibus magnæ mutationes) hæc est particularis sententia de vno & eodem tempore quod magnam mutationem suscipiens, non leues & ipsam generat morbos. Hoc est autem causa, quã obrem in mutationibus generentur morbi, mutationes qualitatum aëris transmutant corpora, & hinc occasio fit morborum. In mutatione autem vnius temporis eodem modo, quoniam varij generantur humores, & resoluantur facultates.

Naturarum hæc quidem ad æstatem, hæc vero ad hyemem bene, maleve se habent.

2.

Naturam Hip. vocat hoc loco temperaturũ. Temperaturarum autem hæc quidem ad æstatẽ, illæ autem ad hyemem benè maleue se habent, & rectè quidem se habent in æstate frigida & humida. Caliditas enim & siccitas castigat ærum exuperantiam, & ad temperiem reuocat, tunc autem malè se habent calida & sicca, quoniam simili temperatura intèduntur & in intemperiem incidunt. Rursus frigida & humi-

da

da temperatura in hyeme malè se habent, quoniam accessio fiat ex simili temperatura. Calida autem & sicca temperatura benè se habent, cū ex altera oppositione reprimatur, & ad symmetriam perueniat.

Morbi quoque alij ad alia bene vel male se habent, & quædam ætates ad tempora, & loca, & victus genera.

3.

Vt pateat Hip. sententia, sciendum est benè & malè duplici ratione dici, vel secundum generationem, vel secundum solutionem. Quicquid igitur morbi generantur in æstate benè se habent secundum generationem, malè autem secundum solutionem ob redūdantem causam. Ipsi autem rursus in hyeme malè se habent secundum generationem, benè autem secundum solutionem ob contrarietatem. Rursus in æthiopia calidi morbi benè se habent secundum generationem, malè autem secundum solutionem, ij autem in Scythia econuerso, causæ autem dictæ sunt. Rursus calidi morbi in calidis quæ comeduntur, benè se habent secundum generationem, malè autem secundum solutionem. In frigidis autem econuerso, sic quidem in morbis. Idem etiam intelligendum est de ætatibus, consistentes enim ætates benè se habent in hyeme, quoniam

APHORISMORVM

ex frigidityte ad symmetriam veniunt, male autem in aestate, quoniã augetur caliditas. Eodem autem modo & in regionibus, & in uictus rationibus. Sciendum est autem Hip. sermonem habere de his etatibus, q̃ morbis obnoxia sunt.

In temporibus quando eodem die modo calor, modo frigus fit, autumnales morbos expectare oportet. 4.

Facilis est Aphorismi intelligentia, in temporibus inquit, verbi gratia, vernis, si una die incipiente fiat caliditas, postea circa, tertiam horam frigiditytas, medio autem die rursus caliditas, postea ex eo tempore rursus frigiditytas, tunc autumnales .i. inaequales morbos expectare oportet, quoniam cum temporibus coincidunt etiam morbi.

Austri auditum habetantes, caliginosi, caput grauentes, pigri, dissoluentes, quãdo huiusmodi tema pestas praeualuerit, talia in morbis patiuntur. 5.

Cum particulatim disseruisset de temporibus nunc de ventis pertractat, & primum quidem de austro: verum hic calidus est, & humidus, calidus quidem quoniam per combustam zonã excurat, humidus autem, quoniã caliditate sua rapiat tenui partium humiditatẽ. Cum igitur
austri

austri sint natura calidi & humidi, sit regnant auditum habitantes, caliginosi, caput grauantes, pigriq; & dissoluentes. Multa enim humiditate implent sensuum instrumenta, & capitis grauitatem efficiunt, principio autem neruorū humectato necesse est & voluntarias actiones segniores effici, & veluti in se ipso dissolutum apparere hominem. Dictum est autem (auditum hebetantes & relicta, non quod ipsi dominantur his affectionibus, sed quod eiusmodi affectum cause sint.

At si aquilonia fuerit, tussēs, faucēs alui duræ, difficultates vrinæ horrores, costarum dolores, & pectoris. Quando hæc tempestas præualuerit, talia in morbis expectare oportet. 6.

Boreas frigidus est, quoniam pertransit locū qui autor frigoris est, si igitur aquilonia sit constitutio, & præualuerit, hoc est frigida sine aqua & sicca, tussēs fiunt, fauces sicca, & reliqua, quoniam frigidus aër, qui inspiratur, asperam arteriam & pulmonem frigiditate percutit, & ex ea causa tussēs excitat, cū voluntaria facultas sit impulsæ ad expellendum, quod præter naturam est. Fauces autem, hoc est, quæ in faucibus sunt affectiones, cū frigidus aër qui inspiratur

APHORISMORVM

primò immediate adhæreat faucibus. Sed etiā alui duræ fiunt, quoniam tunc superficies corporis refrigerata condensatur, & obstruitur calor innatus, cū igitur hic abstruatur, exiccatur excrementum quod est in intestinis, & hac de causa alui duræ fiunt, Difficultates autem vrinæ, errores, quoniam etiam ipsa vesica percutitur à frigiditate, qua quidem cū sit nervosa, facile percipitur dolor. Hoc enim est (herrores) sed & costarum dolores. Ipse enim ut nervosa, & partes quæ sunt circa costas & pectus à frigiditate verberantur, quæ sunt succingens membrana, & inter costes muscoli.

Quando æstas fit veri similis sudores in febribus multos expectare oportet. 6.

Cū dīuentis disseruisset Hip. qui sunt præcipui, borea & haūstro, nunc tractat de temporibus. Si æstas inquit fiat similis veri, hoc est æqualis semper natura, sudores in febribus multos expectare oportet. Nam adsunt ea, quæ possunt generare sudores, caliditas exterior continentis aër, & redundās in corpore humiditas. Sed quoniam veris constitutio caliditatis quidem causa trahit ad cutem humidū, impediēte autem qualitate humiditatis non potest per vapores trahere, ideo non iniuria in febribus quod.

quodcunque humidum excernitur, sudores generat.

In siccitatibus febres acutæ fiunt, & si annus magna ex parte talis fuerit qualem fecerit constitutionem, tales plurimum morbos expectare oportet. 7.

In siccitatibus morbi quidē generātur acuti, breues aut, quoniā siccitas consuevit efficere humores pauciores multitudine. Biliosiores autē qualitate. Sed si annus magna ex parte talis fuerit magna ex parte etiā tales morbos expectare oportet, ut monet Hip. acutos & periculosos, uel ex Ruffi sentētia pestilētes, ut bubones, hæ enim affectiones ex siccitate proueniunt. In hac enim peste (linquit ipse in libia bubones in ipsis generabātur, & febres, quæ altero quoq, die & tertio quoque inuadebant, Si quis autem dubitet, quā ratione non subiacente humiditate bubones ex siccitate proueniat soluimus affirmantes) dominante siccitate dissolui facultates. His autem dissolutis, consequi cruditatem, cū autem est cruditas, redundare superfluitates, & hac de causa bubonibus affligi homines, idcirco per accidens consecuta est humiditas.

In constantibus temporibus cum tempestiue tempestiua redduntur, morbi cō-

stantes & boni iudicij fiunt. In inconstantibus autē inconstantes & mali iudicij. 8.

Hoc loco Hip. sermo est de temporibus secundum naturam. Constantes autem tempestates & tempora vocat Hipp. ea quæ ordine seruauerunt proprium temperamētum (vt dictum est ab ipso in libro de aqua aëre locis & regionibus.) In autumno si aqua descendant, & hyems neque valde serena neque frigore excedens, & in vere aqua tēpestiua pluerint, non vt in hyeme, sed pro tempore, & in æstate propria sit caliditas, hic est constans annus. In eiusmodi igitur constantibus temporibus si tempestiue tempestiua redduntur, omnia vt temporaria pariuntur. Præterea & qualitates continentis aëris moderatæ sunt, moderati venti, moderata pluuia, constantes & optimi iudicij morbi generantur, hoc est qui facile iudicantur, cū natura vna cum facultatibus sit robusta, & in causis morborum dominetur, maximè cum homines conuenienti victu vtantur. Præterea & morbi simplices sunt, & non habent varietatem, solum enim sunt ob cruditates. Rursus autem in inconstantibus temporibus constantes & mali iudicij ob contrarietatem eorum quæ dicta sunt.

Autumno morbi acutissimi atque exitiales maxima ex parte, ver autem saluberrimum & minimè exitiale. 9.

Comparans ver autumno demonstrat hunc quidem letales morbos inferre. Ver autem saluberrimum esse, quoniam inaequalis est autumnus aliquando dominante caliditate, aliquando verò frigiditate, & quoniam ipsa inaequalitas dissolvit vires, & quoniam varia in ipso generatur cacochymia, & ad interiora retruduntur humores in ipso. Ver autem saluberrimum, & minimè exitiale, hoc est ratio. cum temperatum sit & in temperie robusta sint facultates, quamobrem facile expellantur superfluitates à corpore, præterea cum optimam materiam generet ver, hoc est sanguinem, & huic materia omnia membra una cum ipsa natura concoctionem & quietem quandam referant acceptam. Si quis autem dubitet, qua ratione autumnus, cum sit frigidus & siccus acutos morbos generet, dicimus flauam quidem bilem in æstate uberius generari, verum facilius etiam difflari, cum eo tempore rarior sit cutis, in autumno autem minus quidem generatur, verum id, quod ex æstate redundabat, manet, & non difflatur enim ob frigus continentis, cum

autem non diffletur putrescit, & cum putrescat acutas febres accendit. Illi autem qui rursus dubitant, cum Hipp. inferius docet verè morbos melancholicos & furibundos generari, & reliqua, monendi sunt ipsam cacochymiam non in vere, sed in autumno & in hyeme redūdauisse, quæ propter condensationē exterioris aëris manet, & non diffletur his temporibus, postea in vere cum cacochymia caliditate afficiatur, facile funditur, & ex hac fusione morbi generantur si enim in capite generatur melancholia & epilepsia. Si autē in pulmone tabes & sanguinis fusio, quamobrem non est hoc causa, sed illa.

Autumnus tabibilis malus. 10.

Tabidos vocat eos qui qualibet ratione colliquantur & contabescunt, & quibus pulmo ulceratur: his quidem quoniam eo tempore inspiratur frigidus aër, qui percutit & affligit, & mordet pulmonem, percussione igitur & morsu perturbatur pulmo, & in vehementem tussim excitatur. Præterea ob frigus continentis nihil alligantur, sed vehementius perturbantur, & ex perturbatione deijcitur natura & vires facile dissoluuntur, alijs autē quoniā laxas habēt carnes, facile tendit ad interiora frigiditas per inspirationem, & lādīt calorem innatum.

Detemporibus, siquidem hyems sicca & aquilonia fuerit, ver autem pluuiosum & australe, necesse est æstate febres acutas fieri, & lippitudines (græci ophthalmias vocant) & intestinorū difficultates præcipue vero mulieribus & viris, qui natura sunt humidiores.

II.

Superius de vno tantum tempore pertractauit, hic autem de pluribus, Sciendum autem est conuersionem temporum fieri vel ad simile, vel ad dissimile. Hoc igitur loco supponit Hip. hyemem frigidam esse & siccam, ver autem calidū, & humidum. His sic habentibus, necesse est (inquit) æstate febres acutas & lippitudines generari, & reliqua, videlicet his qui naturales habent inclinationes ad hos affectus, hyems enim in summo frigida facta est, & ob extremam frigiditatem prostrauit facultates, & interclusit cacochymiam collectam in corpore ab autumno, postea cum aduenisset ver calidum & humidum, liquauit materiam, & humectauit corpora propria humiditate. Superueniente autem æstate calida & sicca, putrefacta est materia ab ea inuenta. Cum igitur distribuatur putredo per arterias & ad cor transmittatur, acutæ febres fiunt. Rursus ex putredine attolluntur ad

APHORISMORVM

caput vapores acres, & si quidem imbecillum sit caput, cum in ipso firmentur vapores, generantur, epilepsie, apoplexie, & vertigines. Si autem robustum sit caput, vel expellit materiam in adiacentes partes, & generat lippitudines, & aurium dolores, vel in remotas partes, quod si expellat ad respirationis organa, generat difficultatem respirationis, & tussim. Si autem in ventrem & in intestina generat difficultatem intestinorum, quæ ulcerantur acrimonia mordentium humorum: maximè autem mulieribus & humidas temperaturas habentibus hac contingunt. Si enim acusemus totam constitutionem ut putrefacientem corpora, patet putredinem in humidis esse corporibus. Si quis autem roget, quamobrem in vere hi morbi non inuaserunt, respondemus eo tempore potius ad temperiem tendere corpora, verum in aestate ob vehementem calorem statim cæperunt putrescere humores.

Si verò hyemis haustralis & pluuiosa fuerit, ver autem siccum & aquilonium, mulieres, quibus partus ad ver inest, ex quacunque occasione abortiunt, quæ verò pariunt, imbecillos, & morbosos, quare vel statim intereunt, vel tenues & valetudinarii viuunt. Cæteris verò mortalibus difficultate

cultates intestinorū, & lippitudines sic-
cæ fiunt, senioribus autem distillationes,
quæ interimunt.

12

Hoc loco supponit contrariam qualitatem
illi quæ supponebatur in superiori Aphorismo.
Si (inquit) hyems australis fuerit, & pluuiosa,
& serena, hoc est calida & humida, & purum
habens aërem, ver autem qualidum, & aquilo-
nium, hoc est frigidum & siccum fuerit, mulie-
res quibus partus ad ver inest, ex quacung. oc-
casione abortiūt, quoniam hyeme virtutes exo-
lute sunt ratione plenitudinis, & fœtus qui so-
lent foueri calore matricis eos continentis, post-
eaquam superuenerit ver frigidum, & ad ma-
tricem peruenerit vis frigiditatis, percutiun-
tur ab ea. Percussus autem fœtus agrotat, agro-
tans calcitrat (nocet enim frigiditas & matri-
ci & ligamentis) calcitrans autem nimio motu
disrumpit ligamenta & vincula, itaque mor-
tuus agreditur, cū expulsiua facultas excite-
tur, & eiiciat fœtum. Si autem viuus in lucem
prodeat, vel statim (inquit) Hip. moritur, cū
primū senserit frigiditatem continentis vel
tenuis & morbosus uiuit, ob eum affectum, qui
ratione continentis primò eum affligit. Aliis
autem intestinorum difficultates, & lippitudi-

APHORISMORVM

nes. Calidis quidē natura & biliosis lippitudines sicca. Pituitosis autem difficultates intestinorum, quoniam hyems cū fuerit calida & humida repleuit corpus superfluitatibus. Abundantius autem cerebrum. Cū autem superuenit ver frigidum, exprimit humiditatem. Quæ si delata sit ad oculos fiunt lippitudines, sicca autem ob densitatem membranarum, cōdensantur enim ab aquiloniis spiritibus, vel ob crassitiem humoris, & hac de causa non effluit lachryma. Si autem deferatur in ventrem, & in intestina, difficultates intestinorum generat ob acrimoniam causa, in proposita enim constitutione falsa est pituita ob caliditatem, quæ est in hyeme. Senibus autem distillationes. Distillationem autem appellat eam fluxionem, quæ neq; ad pulmonem, neq; ad arterias, sed ad venas & ad arterias fertur, idēo generans repletionem, resolutionem, vocis amissionem, & alios prauos morbos, cito interimit.

Si autem æstas sicca fuerit, & aquilonia, autumnus verò pluuialis & australis, dolores capitis ad hyemem fiunt, & tussēs, rauedines atq; grauedines, quibusdā autem & tabes.

Cū prius de hyeme & vere differuisset,

nunc sermonē habet de aestate & autumno. Supponit autem aestate in frigidam & siccam. Autumnū verò calidū & humidū. si hæc igitur ita se habent, dolores capitis ad hyemem, & tusses, & raucedines, & grauedines, nonnullis autem & tabes fiunt, nam aestas frigida supponitur & sicca, quæ quidē compressit materiam cum venisset autem autumnus calidus & humidus, quamuis ex diametro sit oppositus intemperiei aestatis, tamen & ipse auget humiditatem. Instante igitur hyeme, natura frigida & humida, adhuc vehementius ingrauescit plenitudo, ex qua vapores ascendentes ad caput dolorem capitis efficiunt, si caput est imbecillum. Quod si robustum sit, expellit materiam, quæ si deferatur ad asperam arteriam & ad pulmonem, generat distillationem. Si autem ad fauces & ad palatum, raucedines & tusses. Si autem ad nares, grauedines. Nonnullis autem et tabes, ijs maximè, quorum calidior est temperatura. Hi autem habent ob longum collum in modum crurium et angustum pectus. Fit autem in ipsis tabes quoniam habent pectus gracile, et facile afficiuntur ab interioribus et exterioribus, ab interioribus quidem, quoniam frigiditas facile penetrat ad thoracem, et eum percutit, ab exte-

rioribus autem, quoniam subiacente plenitudine defertur ad pectus exhalatio, & ledit pulmonem, ut imbecillum. Putrescit enim illic materia ingrediens, & ulcerat pulmonem, ex quo tabes generatur.

Si verò aquilonius & siccus, ijs qui naturam habent humidiores, & mulieribus conferet. Reliquis autem erunt lippitudines sicca, & febres acutæ, & grauedines longæ. Nonnullis autem & atræ biles.

14

In superiori Aphorismo supposuit autumnum pluuiosum & australe, hic autem frigidum & siccum. Si igitur æstas est sicca, & sine aquis, autumnus autem frigidus & siccus, nonnullis humiditas habentibus temperaturas, & mulieribus confert. Consumitur enim earum humiditas (ut dictum est in libro de aëre aquis & locis) & perueiunt ad hyemem non laxati, sed exiccati. Reliquis autem, hoc est biliosis, lippitudines sicca, & febres acutæ ob multam siccitatem, & grauedines longæ, quoniam summa siccitas prostermit virtutes, & ex nutrimento vapor ad cerebrum ascendens fertur ad nares per ossa emunctoria, & fiunt grauedines. Præterea & atræ biles, his, qui naturales ad has habent incli-

inclinationes, cum consummatur humiditas, hoc est sanguis optimus & tenuissimus, relinquatur autem crassus & terrestris, ex quo atrabilis generatur.

Ex Anni autem constitutionibus (quod in totum dixerim) siccitates imbribus sunt salubriores, & minus mortiferæ. 15.

Constitutio à mutatione ita differt, quoniã constitutio quidem brevis est, mutatio autem longa, ut (exempli gratia) si septē diebus. (verbi causa) circumscribatur æstas, hoc autem toto tēpore alteretur ad frigidius & humidius, mutatio fit. Si autem decem dies solum (verbi causa) ad frigidius conuertantur, quinquaginta autem æstatis temperaturam seruent, constitutio nominatur. Postea econuerso, si quinquaginta ad frigidius conuertantur. Decem autem temperiem temporis seruent. Ex his igitur constitutionibus (inquit Hip.) siccitates ibribus sunt salubriores, & reliqua. In squalloribus enim superfluitates consumuntur. In imbribus autem in interioribus corporis partibus coacervatæ, putrescunt & graues morbos generant.

Morbi in pluuiarum multitudine magna ex parte fiunt, febres longæ alui profluvia, putredines, morbi comitiales, epi-

lepsiæ, & anginæ.

16

Hic Aphorismus continuus est proximo, posset enim aliquis dubitare, q̄ sint morbi, quos generant, pluvia, vel quos generant squallores, ideo subiicit. In pluviarum (inquit) multitudine febres longæ. & reliqua. Nam pluviarū multitudo pituitosum & fluxilem humorem generat. Hic humor vel putrescit in corpore, & diuturnorum morborum autor est. Multa enim humiditas nunquam expellitur à corpore, nisi concoquatur, concoquitur autem ut humida, longos temporis spatio. Vel manens non putrefacta, vergit in ventrem, & alui profluvia generat. Si autem ascendat ad cerebrum epilepticos & apopleticos affectus parit. Cum enim omnes cerebri ventriculos obstruit, & apoplexiam generat, si autem non absoluta sit obstructio, epilepsiam efficit. Non solum autem generantur alui profluvia, verum etiam putredines, hoc est difficultates intestinorum. Si autem hic humor non putrefactus descendat, alui profluvia: si autem putrefactus, difficultates intestinorū proueniunt. Anguine autem sunt, quoniam humiditas subiacet, quæ putrefacta & à cerebro expulsa in faucium musculos, ibiq; impacta, & inflammatione pariens, anginam efficit.

In

In siccitatibus autem, tabitudines, lippitudines, articulorum dolores, vrinæ stillicidia, & intestinorum difficultates.

Superius commemoravit affectiones provenientes ex pluviarum multitudine, nunc colligit eas, quæ ex siccitatibus oriuntur. Ex siccitatibus (inquit) fiunt lippitudines, tabitudines, & reliqua. Nam siccitas, ut calida & sicca intemperies bilem generat, ipsa bilis cum ad pulmonem feratur, mordet, & affligit, qualẽ morbum Athenienses tabem nominant. Non in omnibus autem, sed in his, qui naturalẽ ad hæc habent inclinationem. Eadem ratione etiam lippitudines generantur, cum enim bilis feratur ad oculos, mordet irritat & ulcerat ipsos. Hinc lippitudines oriuntur. Nonnulli autem legunt tabidæ lippitudines, & causam hanc assignant, quoniam intemperies modum excedens prosternit virtutem, & ultro consumit humidum, quod in oculis continetur, præterea difflat spiritum, qui oculos regit, & hac de causa non nutriuntur oculi, sed contabescunt, & hinc tabidæ lippitudines oriuntur. Articulorum autem dolores: quoniam siccitas deicit facultates, quapropter nutrimentum ad articulos veniens, non concoquitur, cum autem non conco-

APHORISMORVM

quatur, articuli fluxionem patiuntur & dolores articulorum generantur. Præterea urina stillicidia, nam bilis adueniens, mordet, & irritat assidue vesicam ut guttatim urinam emitat, quæ autem ad illam perueniunt cum sint acris, etiam in intestinis eorum difficultatem generat.

Quotidianæ autē constitutione aquiloniæ quidem, corpora densant, continent, & bene mobilia, & coloratiora, & melius audientia faciunt, & aluos exicant & oculos mordent, & si pectus dolor aliquis obsederit, dolorem auget. 17.

Neque hic nugatur Hip. (ut quidem dicunt) de ventis adhuc pertractans, superius enim de eorum malitia solum disseruit, hic autem commemorat & bona & mala, quæ ex ipsis proueniunt. Quotidianæ autem constitutiones, & reliqua: nam boreas, cum sit frigidus & siccus, consumit superfluitates, quæ sunt in corpore, & augeat robur instrumentorum, comprimendo, & refrigerando, virtutes in officio continet ipsas in seipsis contrahendo. Cum autem dicant (bene mobilia) animales virtutes innuit, cum autem coloratiora, naturales. Hæc quidem sunt in aquiloniis constitutionibus. Sunt autem etiam

lenia

leuia quædam mala, alui compressio, morsus ipsorum oculorum, & accessio dolorum, qui prius thoracem molestabant. Causæ autem horum superius dictæ sunt, cum doceret Hip. si aquilonia fuerit, tussis, fauces, & reliqua. Fortasse autem dubitabit quispiam, quomodo superius de ventis differens ab Austro incipit, hic autem ab Aquilone. Verum sciendum est, cum salubrior sit Aquilo quam Auster, voluisse Hipp. tragico quodam more de ipsis pertractare, hoc est de malis, quorum autores sunt, & idè ab hoc incepisse, ut in bonis superante. Superius autem mala horum volens explicare, ab Austro incipit, ut in malis superante.

Austriux dissoluunt corpora, & humectant, auditum obtundunt, capita aggrauant, & vertigines faciunt, oculis & corporibus difficilem motum præstant, & alios humectant.

17.

Hoc loco commemorat affectiones proueniētes in Australibus, constitutionibus, sed harum causæ superius dictæ sunt, præterquam vertiginis. Est autem vertigo volubilis obtenebratio, in eiusmodi constitutione, quoniam Austri humectant corpora. Ipsa igitur humiditas in modum vaporis fertur ad caput, & cōplicat seip-

sam cum animali spiritu, quem obscurat. Animalis igitur spiritus cum non possit recta ferri, circumfertur, & circumuoluitur huc & illuc, & vertigines generat. Sciendum autem est Galenum existimare melius se habere sententiam Hip. si transponatur id quod in principio scriptum est, & primum quidem sit (humectant) secundò autem loco dissoluunt, & aliorum v. numquoque faciunt, adiuvante etiam hac caliditate.

Per tempora anni, vere quidem & prima æstate pueri, & qui hos sequuntur ætate, optime degunt, & sani sunt maxime. Aestate vero, & autumno vsq; ad aliquid, senes. Reliquum autumnii & hieme qui mediam ætatem habent. 18.

Hoc loco docet Hipp. temperatas ætates res intemperatis temporibus benè degere, intemperatas autem in intemperatis: medias autem in medijs. Pueri igitur & qui hos sequuntur ætate, id est adolescentes in vere, & prima æstate benè degunt. Sed adolescentes quidem, ut temperati & superfluitatibus carentes, post pueros in vere benè degunt. Pueri autem prima æstate, quoniam corum humor crudus consumitur. Rursus senes in æstate, & in principio autumnii, be-

ne degunt, quoniam frigidi sunt natura, & eorum frigiditas temperatur ab æstatis caliditate, & ineuntis autumnii. Mediꝝ autem ætate, hoc est qui sunt in statu, in reliquo autumnio, & in hyeme, benè degunt, quoniam & maiorem & acriorem habentes calorem, ad temperiem reuocantur à frigiditate autumnii, & hyemis.

Morbi quidem omnis, in omnibus temporibus fiunt, quidam vero magis in quibusdam ipsorum, & fiunt, & excitantur. 19.

Morbi vel cognati sunt temporibus, vel ab ipsis alieni, qui autem sunt cognati fiunt in conuenientibus temporum temperaturis alieni autem propter alia errata, quæ committuntur in vita, ut propter rationem victus. Morbi quidem omnes in omnibus fiunt temporibus. Omnes enim morbi in omnibus fiunt temporibus, sed magis quidam in quibusdā eorum, hoc est plures secundum vnumquodq; eorum & peculiare morbi fiunt. Rarius autem alieni, qui etiam augentur, si prius existunt, ut quartana febris visa est in æstate cessasse, & intermisisse, veniente autem autumnio, & humoris semine inuento denique excitata est.

Vere etenim furores & atræ biles, & morbi comitiales, & profluvia sanguinis,

APHORISMORVM

& anginæ, & grauedines, & raucedines, & lepræ, & tusses & impetigines, & vitiliginæ, & pustulæ vlcerosæ plurimæ, & tubercula, & articulorum dolores. 20

Hic Aphorismus est vt exemplum superioris Aphor. Posset enim aliquis dubitare, qui & quot, & quibus in temporibus fiunt morbi, ostendit. Vere inquit furores, & atræbiles, & reliqua, & hæc est causa. Quidam in autumnò, & in hyeme vitiolo nutrimento cibati sunt, & prauos succos acernauerunt. Frigiditas autem hyemis eos in interiores partes retrusit, postea cum aduenerit ver temperatum existens natura, solam fusionem facit humoris collecti, fertur igitur in modum vaporis ad caput, & si quidem pituitosus est humor, facit epilepsiam, si autem atrabilis, biles atras, & furores. Præterea ver quantum ad temperiem attinet non est morbosum, colliquatur enim in illo succus sanguineus, qui moderatus existens conseruat corpus sanum, si autem immutetur, vel secundum qualitatem alteratur, & gignit synochos. Si autem secundum quantitatem sanguinis profluvia, siue per nares, siue per tusses, siue etiam ex pectore. Generat autem & alias affectiones, vt anginam, quoniam multa copia sanguinis, quæ est in vere

verefertur ad musculos faucium, & inflam-
mat ipsos, ex quo anguina efficitur. Generatur
etiam grauedines, cum materia deferatur ad
palatum, & tusses, cum ad pectus. Præterea &
lepras, & impetigines, & vitiligines, quoniam
cum temperatū sit ver, robusta est virtus, qua
cōfirmata, expellitur ab interioribus materia,
& siquidem pituitosa sit & putrefacta lepra ge-
nerantur, sin autem non putrefacta, vitiligi-
nes. Si autem materia fuerit atrabilaria, enas-
cuntur vlcerosa postula, & articulorum dolo-
res, cum bilis illuc feratur, & mordens excru-
ciet. Sciendum est autem morbos veris cognatos
esse hos sanguinis profluuium, anguinā, & tus-
sim: alienos autem atram bilem, furores, epile-
psiam, & reliquos, qui continentur in Apho-
rismo.

Aestate autem horum nonnulli, & fe-
bres continuæ, & ardentes, & tertianæ fe-
bres plurimæ, & quartanæ, & vomitus, &
alui perfluuia, & lippitudines oculorum,
& aurium dolores & oris vlcerationes, &
genitalium putredines & sudamina. 21

Hoc loco narrat Hipp. morbos cognatos, qui
in aestate fiunt, & alienos, quemadmodum expo-
suit in vere. Primò autem incipit ab his, qui

APHORISMORVM

Sunt alterius generis asserens nonnullos morbos qui fiunt in vere, in æstate etiam fieri. Principio quidem æstatis sanguinis profluvium, & continentes febres, quoniam in summo sanguis exuberat: præterea & ardētes febres, et reliqui, qui sunt proprij morbi æstatis, quoniam eo tempore redundet humor flauæ bilis. Etenim eadem ratione etiam hic generantur, præterea et vomitus bile supernatātē, et alui profluvia, eadem materia ad inferiora defluente, et oculorum lippitudines repleto capite. Aurium etiam dolores et oris ulcerationes ob humorem biliosum. Præterea et putredines genitalium, et sudamina, et putredines quidem genitalium. Quoniam hæ partes sint humidiores: humidum autem facile corrumpatur à caliditate: sudamina autē, quoniam eo tempore sudores multi biliosiores fiant. Hi autem mordentes cutem, eam pruriginosam efficiunt.

Autumno vero & plurimi morbi æstui fiunt, & febres quartanæ, & erraticæ, & lienes, aquæ intercutem, & tabes, & stillicidia vrinæ, & difficultates intestinorum, et leuitates, intestinorum et coxēdicū dolores, et anginæ, et anhelationes, et ilei et morbi comitiales, et furores, et atræ biles.

Conse-

Consequenter de autumno pertractat. *Autumno* (inquit) & æstiuorum multi, hoc est multi æstiu morbi & in autumno fiunt, & maximè in principio: quoniam magnopere dominetur flauæ bilis humor. Hi quidem sunt morbi alterius generis, ut tertianæ, ardentes, & horum similes. Fiunt autem in autumno & proprii morbi, ut quartana & reliqua. Et quartana quidem, quoniam eo tempore redundet humor melancholicus, ex quo generantur. Præterea & erraticæ ob inæqualitatem temporis, & humorum, & lienes ob excrementum melancholicum, cuius receptaculum est lien. Hic autem repletus transmittit ad iecur summam frigiditatem, & eius virtutem, quæ sanguinem facit, prosternit, ut non benè concoquat, cum igitur fiat cruditas generatur aqua inter cutem. Postea rursus tabes ratione inæqualitatis, cum inspiretur aer, nunc frigidus, nunc calidus. Aer autem frigidus sua frigiditate exacerbat tussim, & disrumpuntur vasa, & hac ratione tabes. Est stillicidia urina, cum cacochymia scaturit ad interiores partes, & acrimonia molestiâ afferat ipsi vesiçæ, cuius expultrix facultas excitetur ad excretiões. Leuitates autem intestinorum, ob imbecillitatem virtutis continentis, quæ est in ventriculo, &

APHORISMORVM

intestinorum ulcerationes ex humoris acrimonia. Coxendicum autem dolores ob malum morem humoris, & ob frigiditatem, & angina, cū bilis feratur ad musculos faucium sed hic morbus est alterius generis. Et anhelationes, hoc est respirandi difficultates, quoniam materia feratur ad vasa pulmonis, & obstruat ipsa. Ileī autē quoniam ob humoris crassitudinem obstruatur exitus excrementis, vel quoniam inflāmentur, morbi autem comiciales ob inaequalitatem, & furores, & melancholici affectus, quoniam redundet causa, sed furores quidem à flaua bile, melancholia autem ab atra, quorum humorum vtrunque licet inuenire in autumno.

Hyeme autem morbis laterales & pulmonis inflāmentationes, grauedines, atque raucedines, tusses, dolores, pectoris, & laterum, atque lūborum, capitis dolores, vertigines, & apoplexiæ. 24.

Nunc autē de Hyeme differit, superius enim trium temporum mentionem fecit. Hyeme igitur morbi laterales, & reliqua. Morbi laterales fiunt, & pulmonis passiones, & horum similes morbi, quoniam organa in seruiētia respirationi, & (vt simpliciter dicā) partes nēruosae à frigore ledantur & hac de causa fluxionem patiuntur

untur, grauedines, & rauedines & tusses. & vertigines, quoniam in hyeme abundet causa faciens. ipsos morbos, quæ est pituita frigida & humida. Cur autem Hip. tacuit multos vel nonnullos morbos, qui sunt in autumno, & in hyeme fieri, fortasses quoniam voluit subintelligi aliquid eorum, quæ superius dicta sunt, etenim primæ partes hiemis communes sunt autumno.

In ætatibus autem talia contingunt, paruis & nuper natis puerulis, oris vlcerationes, quæ aphihæ vocantur, vomitus, tusses, vigilæ, pauores, vmbilici inflammationes, auriū humiditates. 28. In progressu, cum iam dentire incipiunt gingivarum pruriges febres, conuulsiones, alui profluvia & maximè quum caninos edunt, & præsertim ijs pueris, qui crassissimi sunt, & aluos duras habent. 25

Nunc Hip. transfert orationem à temporibus ad ætates. In ætatibus autem talia contingunt, & reliqua. Et aphtha quidē ob molitiem organorum, quæ ferre non possunt qualitatem lactis, habet enim aliquid serosius, & morsu efficit vlcerationes in oris superficie, vomitus autē quoniā repente præter consuetudinem lac exugit

APHORISMORVM

& nimia copia grauatur ventriculus neq; concoquit, cū igitur lac non concoquatur euomitur. Tusses autem ob humiditatem corporis, vigilie autem, quoniam aphthæ excruciant pueros & vomitus eos perturbant. Pauores autem scilicet post somnum, quoniam sæpenumero perturbantur in somnis tanquam sustinentes imaginationem. Hæc est autē affectio oris ipsius ventriculi. Umbilici inflammationes, quoniam illa pars, in qua facta est incisio inflammetur. Aurium humiditates, quoniā in ipsis abundet humidum. Huc vsq; de prima etate. In reliquis autem transit ad secundam etatem. In progressu uerò cū iam dentire ceperint gingiuarum purigines, & reliqua, Prurigo autem fit cū loci dolore. Prouenit autem ex distatione causæ, febres autem ob gingiuarum inflammationes, conuulsiones autem ob cruditatem, & quoniā nervosum genus in ea etate facile afficiatur. Alui autē profluvia, cū non rectē concoquatur nutrimentum ab intemperie inflammationis, & maximè quam caninos edunt dentes, tūc enim à dentibus perforantur gingiue, & affliguntur. Hæc autem contingunt crassissimis puerorum, et aluos duras habetibus. plethorici enim sunt, et excrementis abundant.

Cū

Cū verò jam magis adoleuerint, tonsillæ & vertebræ, quæ in occipitio, ad interiora luxationes, crebri anhelitus, quos græci asthmata vocant, calculi, lumbrici rotundi, ascarides, verrucæ quas græci acrochordonas vocant, satyriæ, strūmæ, & alia tubercula, sed præcipuæ antedicta. 26

De tertia etate puerorum, qui iam adoleuerint, differit, quæ quidem etas media est inter illos qui iam dentes ediderunt, et inter eos, qui pubertati sunt proximi, docentes eorū affectiones, quæ quidem sunt tonsillæ et reliqua, et tonsillæ quidem sunt inflammationes partium attingentium ad isthmum, quoniam his immineat caput humidum, quod facile has partes fluxione afficiat. His igitur partibus abundantius pituita fit inflammatio, vertebra quæ in occipitio luxationes ad interi. . . 3, quoniā cū his partibus contrahūtur nerui, et ex neruis ligamenta, et ex his contendūtur vertebra. Anhelitus autem, quoniam sanguis fluit ad riuos et cauitates pulmonis, et angustum reddit spiritū. Anhelitus autem sunt crebræ respirationes, quæ contingunt currentibus. Calculi, quoniam ob edacitatem humores crudi concernantur, lumbrici autem rotūdi et ascarides ob materie putre-

factionem. Calidi enim sunt, & ex cœditate abundantes excrementis. Ascarides autem sunt tenues lumbrici. Verruca autem & stumma, & alie pustula, quoniam hæc ætas sacunda est malis humoribus qui quidem, cū facultas expultrix sit robusta, trahuntur ab illa ad superficiem, & hoc modo fiunt hi affectus. Vocat autem ipsos phymata ducta metaphora ab ijs, quæ enascuntur è terra, quoniam cito generantur, & augentur, & superantur.

Grandioribus autem iam accedentibus ad pubertatem plurima ex his, & febres diuturnæ magis, & ex naribus profluvia sanguinis.

27

Hoc loco sermonem habet de quarta ætate, hoc est de pubertate. Fiunt autem existentibus in hac ætate & proximis plurima ex his, hoc est superiorem ætatem, quæ sunt lumbrici rotundi & calculi, quoniam & eodem materia hoc tempore subiacet, præterea & febres longa, quoniam materia crassa subiiciatur, & facultates cū non sint robustæ, non possint resistere morbi diurnitati. Sanguinis autem ex naribus profluvium in eiusmodi ætatibus affigit, quoniam eo tempore talis humor incipit redundare. Cur autem tunc vberior sit, quam in superioribus ætatibus, facile

facile est explicare. Nam non consumitur tantum sanguinis in augenda mole corporis in hac etate. Quantum in illis, quæ superius commemorata sunt. Minus enim incrementi fit in hac etate quam in illis.

Plurimæ autem passiones puerulis iudicantur, nonnullæ quidem in quadraginta diebus, nonnullæ in septem mensibus, nonnullæ vetò in annis septem, quædam verò iam ad pubem accedentibus. Quæ verò permanserint, nec in pubertate finierint puerulis, aut fæminis cùm menstrua erumpunt consenescere cōsueuerunt. 28

Puerorum nomine superius dictas ætates completitur, horum igitur plurimas passiones & diuturnas inquit Hip. has quidem quadraginta diebus iudicari, & reliqua. Sciendum autem est iudicationes morborum à primo die vsque ad vigesimum per quaternarium numerari, aliquando quidem per interuallum, aliquando autem per continuationem. A vigesimo autem die vsque ad quadragesimum per septimana rationem eadem ratione, quicunque autem numerum hunc excedunt secundum septimana habere iudicationem non amplius septem dierum, sed mensium, postea annorum. In

quadraginta igitur diebus iudicantur, hoc est soluuntur, quoniam quadragesimus dies decretorius est longorum morborum. Vltimus autem terminus, acutorum, qui sunt ex decidentia. Si autem hunc diem exceſſerint, in ſeptem menſibus, vel ſeptem annis, vel etiam uſq; ad pubertatem peruenientes, ſoluuntur: quoniam tunc fit magna mutatio caliditatis & ætatis, quæ caliditas efficit fuſionem, & abolitionem cauſæ facientis morbum. In mulieribus autẽ per menſtruorum eruptiones. Sciendum autem eſt mutationem omnem ætatis, mutationem quoque & conuerſionem corporis efficere, quæ quidẽ mutatio in nonnullis ætatibus eſt inſenſibilis, in pubertate autem manifeſta. Quæ verò permanſerint, nec in pubertatem ſinierint in puerilis. In mulieribus autem, cum menſtrua eruperint, conſeſcere conſueuerũt, & meritò, quod enim natura non potuit facere, nec liberare ipſos ab affectionibus, multò minus ars faciet etiam ſi remedijs utatur.

Iuuenibus autẽ ſanguinis ſpuitiones, tabes, febres acutæ, morbus comitialis, & alij: ſed præcipuæ antediſti.

29

Adoleſcentum ætatem relinquens, ut quæ poſſit eiſmodi morbis occupari, cum media ſit

fit inter pubertatem & consistentem ætatem, de consistentibus disierit. Iuuenibus autem sanguinis sputiones, & obruptionem, vasa enim in ipsis disrumpuntur, & quoniam superioris ætatis retinet temperaturam: adhuc enim habent & ipsi copiosum sanguinem, qui ob nimiam copiam erumpit: præterea erosione flauæ bilis redundantis in ipsis, vel ob eorum studia. Tabes autem ob sanguinis sputionem. Febres acutæ ob putrefactionem redundantis in ipsis bilis. Epilepsiam autem non ob tēperaturam ætatis, sed ob erratum quod committitur in ratione viētus, vel ob bilem. Fit autem & epilepsia ex flaua bile quemadmodum dictum est in libro de arte cognoscendi, cum mordeatur os ventriculi, & vasa perturbetur una cum ipsorum principio. Generantur autem in ipsis etiam alij morbi, hoc est quicunque proueniunt ex flaua bile, vt morbi laterales, phrenitides, & maximè ij, qui dicti sunt, qui affectiones, quas ipse enumerauit, videlicet sanguinis sputiones tabes & reliqua.

Vltra hanc ætatem esthima, hoc est creber anhelitus, morbi lacerales pulmonis inflammationes, lethargi, phrenitides, ardores, diuturna profluvia, cholæræ, diffi-

APHORISMORVM

cultates intestinorum, lenitates in te-
stinorum, hæmorrhoides. 30

Cùm Hip. de consistenti atate differuisset, nunc peruenit ad declinantem, docens in hac generari morbos laterales, pulmonis inflammationes, & meritò similis. n. est hæc atas autumnò, ut. n. in illo magis redundat humor melancholicus. Minus autem pituitosus, conseruatur autem & in his humor biliosus, qui in consistentibus redundat. Fiunt igitur morbi in hac atate (inquit Hip. ob flauam quidem bilem, arduentes febres, cholera, morbi laterales, phrenitides, ob humorem autem melancholicum & quartana. Verùm ob pituitam pulmonis inflammationes, alui profluvia, asthmata, & reliqua. Hæ quidem affectiones quomodo generètur, in superioribus dictum est. Restât humorrhoides, fit autem hæmorrhoids cum materia ad inferiora feratur, & aperiat venas, quæ sunt circa sedem, quæ quidem declinantibus cōducit. Sciendum autem est consistètem atatem circumscribi annis trigintaquinque declinantem autem, annis triginta nouem.

Senibus spirandi difficultates, distillationes cū tussi, vrinæ stillicidia, vrinæ difficultates, articulorum dolores, renum passioncs

passiones, vertigines, apoplexiæ, mali habitus, pruritus totius corporis, vigiliæ, alui, oculorum, & narium humiditates, visus obtusus. auditus graues. 31

De vltima etate sermo est, quæ est seniorum. in hac autem (inquit Hip.) generantur morbi, difficultates spirandi, distillationes cum tussi & reliqua. Difficultas spirandi est, quoniam humor pituitosus redundans in ipsis cõfluit ad pectus, & quoniam partes sunt imbecilles. Distillationes autem cum tussi, hoc est diurne, cum enim dixit (cum tussi) hoc est diurna, innuit causam: præterea & urinae stillicidia, & difficultates urinae ob imbecillitatem virtutis continentis, quæ est in vesica, & ob pituitatem obstruentem meatũ. Præterea & dolores articulorum, quoniam egre moueantur partes nervosæ, quæ sæpenumero refrigerantur, & nephritides, quæ manifestat cum dixit, vel renum dolores, vel calculi. Fiunt autẽ hi quidẽ, quoniam ab humore crasso renes obstruantur, calculi autem, quoniam humor sit valdẽ crassus, & crudus. Fiunt autẽ & vertigines, hoc est motus præter ordinẽ circa caput ob spiritũ, quod vel in cerebro generatur, vel in uentriculo & illic circũuoluitur. Præterea & apoplexiæ, impletur cerebrũ pituitosis

APHORISMORVM

excrementis, malus autem habitus retentione nutrimenti, quod per totum corpus delatum non concoquitur ob imbecillitatem virtutis. Malus autem habitus est, cum corpus quodam modo non nutritur, quapropter & rugas contrahunt, & prauum colorem habent. Rursus autem & pruritus totius corporis, quoniam corumpatur pituita, & salsior feratur ad superficiem corporis, eadem de causa psora, & lepra & alphi, vigiliae autem in ipsis sunt, & propter sollicitudines, & propter corporis siccitatem Ventis & oculorum, & aurium humiditates, haec quidem ob cruditatem, haec autem, quoniam non fiat multa distributio. Haec autem ob superfluitates cerebri. Visus obtusus, auditus graues ob debilitatem sensitivae virtutis, glauces autem: (qua quidem est species suffusionis) ob imbecillitatem, qua est in oculis.



PHI-

PHILOTHEI COMMENT-
TARIA IN QVARTVM APHORISMO-
rum Hippocratis, LVDOVICO
CORADO interprete.

Vterò gerentes medicandæ sunt, si ma-
teria turgēt, quarto mensæ, & vsque ad
septimum, sed has minus, iuniora autem
& seniora vereri oportet. I

Hoc loco tractat de purgatione v-
tero gerentium, & docet, quando
eas oporteat purgare, utero (in-
quit) gerentes medicandæ sunt.
Medicari est purgare, turgere ue-
rò moueri. Si igitur materia turgēt oportet pur-
gare, ne quodā modo materia confluens ab igno-
bilibus partibus ad nobiliores magnum in-
commodum pariat. Minus autem, hoc est non
ad proportionem materiæ ob imbecillitatē, quæ
prouenit ab uteri onere, ne quis autem temere
utatur purgatione, apposuit, quartum mēsem,
quoniam eo tempore fœtus exquisitæ alligetur
matrici, ut etiam vehementiores motus susti-
neræ possit mulier utero gerens sine læsione em-
bryonis. In primis quidem & in ultimis men-

APHORISMORVM

sibus nō oportet purgare (vt inquit Hip.) iuniora autem & seniora vereri oportet, in primis quidē mensibus, q̄ infirma sint vincula, & nōdum firmiter alligatus sit fœtus. In vltimis autem, ob imbecillitatē facultatū, & grauitatem eius q̄ in vtero geritur. Sciendum est autē Hip. vocare eas iuniores à primo mense vsq̄ ad quartum, medias autem à quarto vsq̄ ad septimum: seniores autem à septimo vsq̄ ad nonum.

In medicationibus talia à corpore educere, qualia & sponte prodeuntia vtile. Quæ verò contrario modo prodeunt, cohibere oportet. 2

Cū docuisset tempus purgationis in vtero gerentibus, nunc etiā docet, qualis humor purgandus sit. In medicationibus (inquit) talia educere, & reliqua natura, quum erit robusta, & dominabitur, euacuabit humorem peccantem, si autem subest dispositio præter naturam, non omnino peccans humor euacuatur. Quamobrē, illic quidem facile ferunt, hic autem non facile, reliquum est igitur vt ea quæ excernatur dominante natura, & vtilia sint. & spontina vocentur, vtilia quædam, quoniam euacuatur id, q̄ superfluum est, spontina autem, quoniam excernuntur sine opera medici, Quacunque autem

præter naturam ipsam excernuntur & reliqua desiderantur. | 7

Si qualia oportet purgari purgentur, confert & leuiter ferunt. 3

Ordine quodam appositus est hic Aphor. in proximo enim docebat euacuationē fieri, uel naturaliter, uel artificiose, uel violentia symptomatis. Cū enim diceret (in medicationibus) artificiosam ostendit euacuationem. Cū autē (sponte) naturalem. Cū autem contrario modo, eam quæ sit violentia symptomatis. Hoc loco demonstrat signum harum euacuationem, & harum quidem facilem tolerantiam, illarum autem difficilem.

Medicari æstate superiores magis, hyeme verò inferiores. 4

Superiores vĕtres manifestum est æstate purgari oportere, quoniam in æstate generetur bilis, q̄ quidē vt tenuis & leuis fertur ad superiora. Hac igitur de causa superius quoniā superior est bilis, hyeme autem inferiores, quoniā eo tempore redundat pituita, q̄ quidem cū sit grauis, & ad inferiores partes vergāt, ideò inferiores purgationes faciendæ sunt, educendus est enim quilibet humor per conuenientia loca. Sciendū autem est Hippoc. appellare superiores ventres

APHORISMORVM

Stomachum & superiorem partem ventriculi, inferiores autem inferiorem partem ventriculi & intestina. Si quis autem roget, an in æstate aliquando utamur ijs, quæ aluum subducunt. Hyeme verò ijs quæ superiores ventres, respondemus hoc fieri, sed varius. Illud verò frequentius, in æstate quidem potius utimur ijs quæ vomitum prouocant, minus verò his, quæ aluum subducunt, in hyeme autem contrario modo.

Sub cane & ante canem difficiles sunt medicationes. 5

Aliud est ante canem, & aliud sub cane, ante canem quidem dicuntur viginti dies ante ortum canis. Oritur autem canis decimonono Iulij. Iis igitur temporibus (inquit) difficiles sunt medicationes, hoc est agere tolleratur. Nam eo tempore imbecilla est virtus ob magnos calores, ideò timendum est, ne exoluatur purgatione. Præterea etiam, quoniam calor continentis incenditur, & febricitant multi. Præterea & bibitum medicamentum, calidum est & acris materia, timendum igitur, ne tuta non sit purgatio, cum ingens sit calor, & magna intemperie corpus laboret. Præterea quoniam inuicem pugnant medicamentum, & aëris constitutio, hæc enim ad superficiem trahit materiam, illud
autem

autem ad interiora reuocat, quamobrem timendum est, ne quodam modo pugnantibus natura dilaceretur.

Graciles & facile vomentes, purgare superius, cauentes hyemem. 6

Nunc ex habitu corporis sumit indicationem naturalis preparationis, & admonet medicos, ut superius purgent graciles & facile vomentes, quoniam eiusmodi habitus sunt magna ex parte calidi & sicci ob humorem biliosum in ipsis redundantem. Superius igitur purgationem iubet fieri, nisi hyems sit: tunc enim ad inferiora descendunt materiae,

Vomentes varò difficulter, & mediocriter carnosos per inferiora, cauentes ætatem. 7

Tabidos verò cauentes ad superiora purgationes. 8

Si enim est mediocriter carnosus, & difficulter vomat, non tamen exquisitè, in hoc redundat humor melancholicus & pituitosus, & ideo inferius vacuare oportet. Proposito autem nobis exquisitè carnosò, si hic hoc modo sit dispositus non indiget purgatione, cum sit in æqua humorum proportionem. Hoc autem (tabidos cauētes) ad superiorem Aphorismum refertur, illic

APHORISMORVM

enim dicabat, graciles & facile vomentes superius purgare. Hic autem apposuit decreti gratia (tabidos cauentes) ob imbecillitatem organorum, quæ inserviunt respirationi, si quis autem in hoc Apho. dubitet, cur Hipp. non addidit, difficulter autem vomētes, & pingues, sed mediocriter carnosos. Dicimus Hipp. reliquisse hoc tanquam superius dictum. Hoc enim inferius purgare, quoniam in ipsis redūdat humor pituitosus.

Melancholicos autem plenius per inferiora eadem ratione contraria opposcentes. 9

Plenius vehementius significat. Vebementius igitur iubet melancholicos inferius purgari, quoniā in ipsis redundans humor crassus & terrestris ad interiora vergat, ex particularibus autem in vniuersalia trāsferat orationem, cū inquit eadem ratione contraria opponentes, hoc est si superius est materia: superius oportet euacuare, si inferius, inferius, & rursus si leuis est materia ad superiora educenda est, si autē grauis, ad inferiora.

Medicari in valde acutis si materia turgēt eadē die: tardare enim in talibus malum est.

Valdè acutos nominat peracutos, quorum ultimum tempus non ultra quartam diem extenditur, si igitur in his (inquit) materia turgēt, hoc est incitatur & mouetur, tanquam huc & illuc circum errans, eadem die purgatio facienda est, hoc est statim in principio, & non est expectandus secundus aut tertius dies, ne maxima caliditas febris praeueniant in exoluenda virtute, & ne materia in principalem partem declinet, & humores, qui sunt per corpus sparsi.

Quibus tormina, & circa vmbilicum dolores, & lumborum dolor, qui neque à medicamento neque aliter solvuntur, in aquam intercutem siccam firmātur. II

Hic Aphorismus tradit rationem cognoscendi symptomata quae adsunt, & praedicendi ea quae futura sunt. Si (inquit) circa vmbilicum & intestina, tormen & dolor circa lumbum est, non soluitur autem purgatione, vel aliter, hoc est alijs remedijs: cognosce habitualement quādam intemperiem esse in illis partibus, quae longo tēpore persuerans siccam aquam intercutem efficit, quam nonnulli tympaniam vocant. Hanc intemperiem ex qua aqua intercus sit, generat refrigeratio magna, ex qua oriuntur crassissimi spiritus. Sciendum est autem duplici de causa

fieri aquam inter cutem, vel precipuè affecto iecinere, vel per consensum, hoc igitur loco sermo est de ea, quæ sit per consensum.

Quorum alui intestinorum lauitate laborant, hiberno tempore supra purgari, malum. 12

Lienteria est velox exitus ciborum, qui oblatis sunt cum nulla ex parte mustati excernantur. Fit autem vel ob imbecillitatem continentis facultatis, vel ob ex ulcerationem occupantem summæ partes ventriculi, vel ob pituitam frigidam in intestinis impactam. De secunda igitur lienteria sermo est Hipp. prouenit autem ab humore acri & tenui. Hac igitur superioris purgationis eget, sed non in hyeme, tunc enim pituitosus humor redundat. Nomen quidem lienteria quamuis ex intestinis assumitur, tamen nõ solum intestinorum est affectio, verum etiam ipsius ventriculi.

Ad Helleboros, qui non facile supra purgantur, eorum corpora ante potionem pluri cibo, atq; quiete humectanda sunt. 13

Hoc loco tractat de purgatione. Videtur autem nomen Hellebori aliquando communiter in omni purgatione intelligi, aliquando autem proprie, & communiter quidem, ut illud (Hellebo-

rus periculosus est his qui sanas carnes habent, proprie autem, ut hic. De Helleboro autem proprie dicto, hoc est de planta sermo est Hip. hic autem duplex est, alius enim albus, alius autem niger. Vterq; purgat humores crassos viscosos, & pituitosos. Verum albus quidem per superiora. Niger verò per inferiora. Hoc igitur loco de albo dicit, ut patet ex eo. His qui non facile supra purgantur, hoc est non facile vomentibus, ante potionem humectare corpus, & reliqua, ad hoc ut humores fiant facile fluxiles humectatione eorum, quæ accommodata sunt. Hoc autem sit humectante nutrimento, & ex hoc fit facillima purgatio ijs, qui non facile purgatur. Hoc enim (multo nutrimento) non in quantitate, sed in qualitate intelligendum est, quoniam Helleborus vi agendi pollet, & autor est conuulsionum, & alia infert difficilia. Si autem prius humectatis sunt nerui, & ligamenta, & alie partes humido nutrimento, & quiescant, non facile in conuulsionem incident, & in alia difficilia debemus autem cognoscere ante potionem Hellebori oportere prius humectari & interim quiescere illum qui diebus, quos dicit sumpturus est.

Cum biberit quis helleborum, ad mo-

APHORISMORVM

tiones quidem corporum ducere magis, ad somnos verò, et quietem minus, indicat autem nauigatio turbari motione corpus.

14.

Superior Aphoris. docuit nos qua ratione praparandi sint ij, qui sumpturi sunt Helleborum. Hic autem docet quid nobis faciendum sit epoto Helleboro quum(inquit) quis biberit Helleborum, ad motus quidem magis ducere illum qui purgantur: motus enim fert ad iecur & ad venas, & conuertitur ad cerebrum & ad alias partes, & sic trahit humorem, prater ea quoniã motus turbat corpora vt ostendit nauigatio, vsq; adeo vt etiam homines cogantur vomere, ideo motus auget vim agendi quæ est in medicamento, quod vomitum excitat, quoniam motus fusionem fecit humoris, & tunc humores sunt facile fluxiles. Rursus addit ad somnos autem & immobilitatem minus ducere eum qui purgatur, quoniam in somnis & in immobilitate magis operantur facultates, & concoquũt purgans medicamentum.

Cũ volueris magis ducere Helleborũ, moue corpus: cum vero sistere, somnum facito, & non moueto.

15.

Hoc loco docet nos, vt si velimus post epotũ Helle-

Helleborum fieri purgationem, corpus moueamus, causa autem superius allata est. Si autem velimus comprimere euacuationem, somnum faciamus, & non moueamus. Somnus enim facit vt quiescant facultates, hoc est naturalis & vitalis, quibus confirmatis potest concoqui purgans medicamentum epotum, vna cum humoribus, quibus corpus laborat. Est autem sermo conueniens omnibus medicamentis.

Carnes sanas habentibus. Helleborus periculosus, conuulsiones, enim facit. 16.

Non nugatur Hip(vt quidam dicunt, in superioribus enim cum doceret nos non esse tutum medicari corpora sana, de vnoquoque medicamento intelligi voluit. Hic autem de Helleboro proprie dicto sermonem habet, quē ostendit periculosum esse sanas carnes habentibus. Nam ob vehementem vim actionis conuulsiones facit, cum enim non inueniat in corpore superfluitates, humiditatē consumit, & ideo contingit fieri conuulsionem.

Si quis febrem non habens abstineat à cibo, & cordis morsum seu vertiginem patitur, & oris amaritudinem sentit, purgatione indigere per superiora significat.

Superius dicebat faciendas esse purgationes,

APHORISMORVM

quo natura vergit per loca conuenientia, nunc potuisset aliquis dubitare, quæ ratione cognoscere possit, quo natura uergat, idè signum affert. Et primum quidem superioris purgationis, si quis (inquit) febre non habet, & non appetit cibum. Habcat autem dolorem in ore ventriculi, & eius os amaritudinem concipiat, præterea vertiginem patiatur, cognosce bilem in stomacho redundare, & hac de causa superius purgare oportet. Sciendum autem est bilem prosternare facultatē appetendi, & facere, ut à cibo absteat agrotus: cum autem stomachum mordeat, cardiacam passionem generat. Cum autē superius feratur per membranam amplectentem stomachum & pharinga, facit oris amaritudinē, ascendens autem ad cerebrum, & obtundēs spiritum animale, vertiginem facit.

Supra septū transuersum dolores purgatione indigere per superiora significāt, quicunque vero inferiora molestant, per inferiora.

18

Quicunque dolores supra septem transuersum purgatione indigent, superius oportet purgare. Quicunque verò inferius, per inferiora, nam facienda est euocatio secūdam inclinationem materia vel humorum peccantium, & superiores

periores quidem per vomitum prouocantia, inferiores uerò per ea quæ ventrem subducunt.

Qui in medicamentis purgati non sitiunt, non quiescant prius quàm sitiant. 19.

Secundum differentes modos generatur sitis in his, qui purgantur, vel enim ob calidam vetriculi temperaturam mouentur ad sitim, quandoque ante euacuationem, quandoq; autem paulo post euacuationem, vel ob qualitatem medicamenti acrioris & calidioris ut Euphorbium, vel ob formam humorum qui euacuatur. Nam si biliosi sunt, confluentes ad ventriculum, cum sint calidi, sitim faciunt. Fit autem & sitis ratione euacuationis eorum, quæ superflua sunt, de qua sermo est Hip. quam etiã assignat ut terminum euacuationis. Si enim (inquit) non sitiunt, dum purgantur, non quiescunt. Nam sitis, quæ generatur in potionibus medicamento- rum, indicat indigentiam humiditatis, & dominatum siccitatis, Si autem nulla sit sitis, ostenditur humores non esse perfecte euacuantes.

Non febricitantibus si tormina acciderint & genuum grauitas, & lumborum dolor, purgari inferius oportere significatur. 20.

Continuus est hic Aphorismus illi, in quo

docebat si quis abstineat à cibo, & reliqua, nūc docet, si nō febricitantibus accidunt tormina, & genuum grauitas, & dolores circa lumbos inferius oportere purgari, cum materia pituitosa existens vergat ad inferiora.

Deiectiones nigræ, qualis est sanguis niger sponte venientes, siue cum febre, siue sine febre, pessimæ. Et quanto colores magis prauī fuerunt plures, peius, cum medicamento vero melius, & quanto colores plures non prauī.

21

Hoc loco Agit Hip. de spontinis euacuationibus, & de artificiosis, sed spontina euacuatio duplex, hac quidem natura fit, illa autem violentia symptomatis. Hoc igitur loco agit de ea, quæ fit violentia symptomatis, deiectiones (inquit) nigræ, qualis est sanguis, hoc est qualis ex apertione uasorum ad intestina delatus sanguis concretus denigratus, sponte venientes vel cū febre vel sine febre, prauæ. Nam ambo viscera sunt affecta, hoc est lien & iecur, & lien quidem per se, iecur autem ob lienem. Pars enim seculenta sanguinis quæ est humor melancholicus, quæ non potest ad se ipsum trahere. Lien manet in iecinore, & ex eo debilitatur iecur, ut non possit cōtinere & concoquere ea quæ superflua sunt.

Pro.

Propria enim tyrannida exeunt ea, quæ vocantur nigra. Hæ enim deiectiones, ut sanguis niger, deiecta, praua sunt, cum medicamento autem meliores. Absoluuntur enim à corpore irritante medicamento, & non quod natura sit euicta. Similiter autem & si sponte plures colores prauis sponte euacuantur, magis est prauum. Cum medicamento autem melius, & sponte quidem malum est, quoniam euacuantur ratione symptomaticis, cum natura vincatur, & vehemens passio vel potius malitia viscerum indicatur. Cum medicamento autem melius. Nam natura liberata est à cacochymia, quæ illam perturbabat: Si quis autem dubitet, qua ratione intelligi possit Hip. sermonem habere de euacuatione ea, quæ sit ratione symptomaticis, dicimus illud verbum venientes, hoc indicare, diuturnitatem enim temporis innuit. Hæc autem quæ sit lege natura breui tempore corpus à prauis humoribus liberat.

Morbis quibuslibet incipientibus, si atra bilis vel supra vel infra exierit, lætale.

Hic Apho. affert exemplum proximi Aphor. si quis enim dubitaret quo tempore praua sint deiectiones, quæ excernuntur, ut sanguis niger, & alia praua, nunc docet ea esse, quæ ex-

APHORISMORVM

cernuntur morbis incipientibus. Habet igitur sermonē de vno ex ijs coloribus, qui parui sunt, hoc est de atra bile. Atra bilis (inquit) in principijs morborum vel supra, vel infra exiens signū est letale. Nam indicat naturam omnino male se habere. Habet enim hoc in more natura, vt prius concoquat ea qua sunt superflua, & tunc aggrediatur euacuationem eorum: quam obrem si in principio euacuantur, non euacuantur lege naturæ, sed propria eorum tyrannide. Præterea quoniam atra bilis vim habet corrodingi. Generatur autem vel ex humore melancholico putrefacto, vel ex flaua bile superadusta. Ipsa igitur si ad inferiora deferatur per intestina corrodit ea & ulcerando gignit intestinorum difficultates. Si autem tendat ad superiora, corrodit, & eradit, & ulcerat os ventriculi, & in cōsensum trahit afficiēdo cerebrum & alias partes. His igitur de causis signum est letale. Sciendum autem est deiectiones, ut sanguinem nigrū ab atra bile sic differre, quod atra bilis continet in se quiddam acre & corrosiuum & acidum & splendidum. Hæ autem vt sanguis niger, nihil habent eiusmodi, sed sunt vt quedam materia sanguinis, vel sex consistens in crassimis vinis.

Quibuscunq; ex morbis acutis, aut diuturnis

LIBER QVARTAS.

turnis, vel ex vulneribus, siue quouis alio modo extenuatis nigra bilis, siue vti sanguis niger de subter exierit, postridie moriuntur.

23

Si enim in principio morborum, in quo virtus est robusta, atra bilis euacuata sit, vel ut sanguis niger mortē indicat, multò magis in acutis morbis, & in valde diuturnis, & in habētibus maxima uulnera, & in ossibus extenuatis, si hæc apparuerint, postridie moriuntur egroti. Natura enim in eiusmodi hominibus valde est imbecilla, ut non possit concoquere, neq; excernere ea, quæ sunt adeò praua.

Difficultas intestinorum si ab atra bile incepta lætalis est.

24.

Si enim in terrā affusa atra bilis facit ipsam ebullire ob acrimoniā & tenuitatem, qualis est in aceto, multo magis perniciem afferet in corpore, quod est humidum, & facile sentit ea quæ sunt molesta. Quamobrem ob corrosionem atræ bilis, lætalis est difficultas intestinorum.

Sanguis quidem supra qualiscunq; fuerit, malus, infra autem, bonus.

25.

Hoc loco etiā agit de euacuatione, ea quæ sit violētia symptomatis. Sanguis inquit qualiscunq; fuerit, hoc ē siue spumofus, siue flauus, siue ruber

APHORISMORVM

siue niger, si superius per os euacuetur, malum est: nam superiores partes inferioribus nobiliores sunt, & ipse sanguis, qui supra fertur, vel egreditur ob apertionem vasorum, uel ob corrosionem, uel obruptionem. Vnum quodque eorū malum est. Inferioris autem bonum est, ut sunt nigra deiectiones, hoc est enim melius ignobiliores enim sunt inferiores partes superioribus. Præterea bona est nigra deiection, nō simpliciter humor melancholicus, sed euacuatio, quæ sit per hæmorrhoides sanat enim affectus melancholicos. Cū enim natura hominis copiosum humorem melancholicum collegerit & is euacuetur p hæmorrhoides, hoc bonū est melius, neq; enim ipsa euacuatio per se proprie bona est propter exuberantiam, aqua enim interces sæpenumero hac efficitur ratione.

A difficultate intestinorum habito, si veluti carunculæ exeant, lætale est. 26

Superius habebat sermonē Hip. de incipiente intestinorum difficultate, cū diceret difficultas intestinorum, si ab atra bile incipit, lætalis est, cuius etiam signum afferebat, deiectiones ut sanguis niger, in principio, præterea in posterioribus, deiectiones similes ramentis inferioris ferri. Hoc autem loco agit de ea intestino-

rum difficultate, quæ ob soluta est cuius signum affert excerni tanquam carnes, quod quidem letale est: quoniam non possit eiusmodi caro ulcerata ad cicatricem peruenire, cum ipsa substantia intestinorum sit affecta.

Quibus in febribus sanguinis fluxit multitudo, quacunque ex parte, cum reficiuntur alui his humectantur. 27

Hoc loco inquit, si morbum iudicatio fiat. His cum reficiuntur alui humectantur. Cum enim intendatur euacuatio sanguinis vel per naturalia receptacula, hoc est per narres, vel per hæmorrhoides, vel per menstrua imbecillum redditur calidum innatum, & idcò non concoquunt concoctrices facultates. In refectiōe igitur cum infirmæ sint facultates concoctrices ventriculi & iecinoris, non cōcoquitur nutrimentum & cum non cōcoquatur fertur per intestina, hinc fiunt humida deiectiones.

Quibus biliosæ deiectiones, superueniente surditate, cessant. Et quibus surditas, superuenientibus biliosis deiectionibus, cessat. 28

Surditatem dicit non stabilem, sed ea quæ sit ex distributione flauæ bilis, quæ fertur ad cerebrum. Quibus (inquit) deiectiones biliosæ, &

APHORISMORVM

reliqua. Nam materia biliosa, quæ facit biliosas deiectiones, transfertur ab inferioribus ad superiora, & surditatem, cum occupauerit & obstruxerit auditorios meatus, ideò biliosa deiectiones cessant. Rursus quibus surditas, superuenientibus biliosis deiectionibus cessat surditas. Materia enim tendit à superioribus ad inferiora, ratione igitur translationis biliosarum deiectionum cessat surditas, & surditas facit ut cessent biliosæ deiectiones, quæ præcesserunt.

Quibus in febribus sexto die rigores fiunt, difficile iudicium sequitur. 29

Rigor est vniuersalis refrigeratio totius corporis, quæ sit cum concussione musculorum, & concussio sit ob morsum musculorum, cum membramordeantur. Refrigeratio autem, cum calidum innatum in profundas partes corporis recurrat. Est igitur rigor signum iudicatorium absolutionis ipsius febris, ut in illo Aphor. dictum est. Ab ardenti febre habito si rigor superueniat, solutionem iudicat, sed cum concoctione & bona die fiat. Si enim nõ ita se habeat, mala est indicatio: difficilis ergo iudicij, hoc est difficilis solutionis sunt febres, in quibus sexto die fiunt rigores: cum dies non sit iudicatorius. Consuevit enim ipse dies sextus malum asferre iudicium

iudicium, ut enim dictum est. Sextus dies similis est tyranno, septimus autem regi.

Quibuscunque accessiones fiunt quacunque hora febris demiserit, si eadem cras occupauerit, iudicium habent difficile. 30

Hic Aphorismus tradit rationem cognoscendi morbos qui difficile habent iudicium, hæc est autem eius sententia. Si accessio ea hora, qua febris dimiserit egrotatē. Rursus cras eadem illa hora occupauerit, qua pridie dimisit, difficilis iudicij est, hoc est protrahitur morbus. Nam firmata est causa accessionum. Si enim esset inconstans, non seruaret ordinem periodi.

Lassitudinem habentibus in febribus in articulos, & circa maxillas potissimum abscessus fiunt. 31.

Lassitudo duplex, hæc quidem à motu manifesto, illa autem spontina. Si quis igitur aperte ab exteriori motu lassitudinem habeat in principio febris, in articulos & circa maxillas abscessus fiunt, in articulis quidem, quoniā latum habent spatium, & calefacti vi caliditatis attrahunt materiam. Circa maxillas autem, si contingat materiam esse tenuiorem. Hæc enim ad cerebrū delata circa maxillas abscessum facit, cum ipsæ sint valdè imbecillæ, & non possint

*ad alias partes eiusmodi humorem expellere, in
spontinis autem lassitudinibus, hoc idem sit in
febris eadem de causa, & maximè quando
spontina lassitudo à multitudine prouenit,
quamobrem de ambabus lassitudinibus sermo
est Hip.*

Quibuscunque resurgentibus ex mor-
bis, si quid laborauerit, hic fiunt abscef-
sus. 32.

*Hac est Hip sententia. Resurgentes ex mor-
bis cum perfectè non sint iudicati, sed habentes
superfluitates quæ relictæ sint, si qua in parte do-
lorem sentiet, illic decubet affectus, illic autem,
hoc est in articulis & circa maxillas. Dolor e-
nim adiunat fluxiones, ob causam superius di-
ctam. Labor autem intelligendus est vel pro ve-
hementi motu, vel pro læsione.*

Sed & si ante morbum aliqua parte do-
luerint, hic dolor firmatur. 33

*Duo superiores Aphorismi interpretati
sunt, quorum primus, cuius initium (lassitudi-
nem habentibus in febris,) de lassitudinibus
quæ in febris accidunt, agebat, alter autem,
de ijs quæ in refectionibus, hic autem de lassitu-
dinibus, quas morbus subsequutus est, sed & si
(inquit) antea aliqua parte doluerit, hoc est, si
etiam*

etiam ante morbum doluerint articuli, illic fit abscessus, vel spes est per abcessum fieri iudiciū. Illic enim firmabitur ob crassitudinē materia.

Si à febre habito tumore non existente in faucibus, strangulatio repēte superuenerit, lætale.

34

Hic Aphorismus attinet ad signa, & de angina tractat, si (inquit) à febre habito tumore non existente, & reliqua, quoniam non apparet sensibilis affectio in collo. Fit autem strangulatio hoc modo inflammatione laborantibus musculis interioribus, qui sunt in extrema parte aspera arteria, & ideò obstructo exitu & ingressu aëris, hac de causa est lætale, præterea quoniam subest febris, cuius causa interiores partes feruentes eo tempore indigēt refrigeratione exterioris aëris. Hoc autē fieri non potest ob strangulationem, & ideò lætale est.

Si à febre habito collum peruertitur, & vix potest deuorare, sine vlllo tumore, lætale est.

35

Collum peruertitur aliquando quidem in interiora & in profundam partem, & uocatur λόγδωσις aliquādo autem ad exteriora, & uocatur κῦβτωσις, quandoque verò in dextram partem, & appellatur σκολιωσις. Prouenit au-

APHORISMORVM

tem hic affectus vel à primitiuis, vel ab additis causis. Et à primitiuis quidem vt ab oppresione ponderis. Si igitur fluxione abundantiores musculi ipsius stomachi, vel ipse stomachus, inflammatione laborāt & peruertunt collum, secundum λογισμῶν, trahunt. n. ligamenta vertebrarum ad seipsos, & cum ambo ad interiora intendatur propellunt inflammationem, & coarctatur iugulus. Ex iugulo autem aspera arteria, vt homo nō possit respirare, & hinc stragulatio & mors manente, videlicet inflammatione. Præterea quoniam subiacet febris, quæ talis est, vt siccitate sua faciat peruersionem colli, quæ quidem letalis est.

Sudores febricitanti si inceperint, boni, & tertio die, & quinto, & septimo, & nono, & vndecimo, & quartodecimo, & decimosextimo, & vigesimo, & vigesimo septimo, & trigesimo quarto, hi enim sudores iudicant morbos, quæ vero non ita fiunt, labores significant. 36.

De iudicatorio signo, hoc est de sudoribus nūc tractat Hipp. & de acutis morbis, sudores (inquit) febricitanti acute, & reliqua. Nam iudicatoria signa & accidentia indicatoris diebus incipere debent. In his enim apparentia morbi

morbū iudicant, quæ autem in ipsis non apparent longitudinem morbi, & laborem significant, quæ autem de his dicat Hip. quæ ratione symptomatis noceant, patet cum dicat. Sudores tertio & quinto die apparentes bonos esse, morbi enim acuti, qui cum sudore iudicantur, imparibus diebus magis iudiciū habent. Præterea quoniam acuti morbi, cum sudore iudicantur. Chronici autem non habent hoc natura, ut per sudores solvantur, sed per concoctionem vel per abscessum. Respondendum est autem illis, qui rogant, cur Hip. nullam mentionem fecerit febriū synocharū, cum etiā illæ acutæ sint, & in quarta iudicentur. Synocha enim febres per sanguinis fluxum iudicantur, non per sudores, hic autem sermo est Hip. de sudoribus, & ideo non meminit ipsarum.

Frigidi sudores, cum acuta quidem febre mortem, cum mitiori autem, longitudinem morbi significant. 37

Frigidi sudores fiunt in acutis febribus frigidissimo humore existente, cum non extinguatur frigiditas ipsius à multa caliditate, qui quidem letales sunt. In his igitur morbis, hoc est in acutis, & ut signum, & ut causa est. Ut signum quidem, quoniam eiusmodi humor non calefa-

APHORISMORVM

*Etus, neq̃ ab innata caliditate, neque ab ea, quæ est præter naturam, omnino indiget tempore ut concoquatur. Non extenditur autem morbus in tempora, cùm febris sit acuta, & hinc prouenit mors: vt causa autem letalis, quoniã prius ex-
oluit virtutem. Si quis autem dubitet, qua ratione generetur ab eiusmodi humore febris acuta, dicimus sæpenumero etiam humorem crudum posse generare febrem acutam. Præterea contingit in venis esse calidum humorẽ facientem febrem acutam. Exterius autem esse humorem frigidum qui etiam resolutus, & effusus facit sudores. Frigidus autem, cùm non calefiat à caliditate, hoc autem est manifestum in glacie sol. n. resoluit ipsam, & non calefacit statim id, quod effluit, hac quidem ratione si in acuto morbo fiat letale est, si autem cùm mitiori, longitudinem in morbo significat, cùm non possit natura, nisi longo tempore concoquere humorũ multitudinem.*

Qua parte corporis sudor est, ibi significat morbum.

38.

Nam illic est materia, quæ quidem cùm pertranseat per aliquam partem, sudores facit in affecta parte.

Et qua parte corporis calor aut frigus
mor-

morbus.

39

Etiam hoc loco inquit, in quacunque parte corporis vel calor, vel frigus fiat, verbi gratia, si à naturali calido recedat, & frigidior fiat postea rursus calidior fiat, calido secundum naturam, illic morbus: nam pars illa præter naturam affecta recessit à calido secundum naturam.

Et vbi in toto corpore mutationes, & si corpus refrigeretur, vel rursus calefiat, vel color alter ex altero fiat, longitudinem morbi significat.

40.

Si. n. simplex mutatio temperatura corporis longitudinem morbi significat, cum aliquando refrigeretur, & rursus calefiat corpus, multo magis cõposita intemperies diuturnitatẽ morbi significat, diuiditur. n. natura ab his dispositionibus, & cogitur huic quidẽ aliquando dispositioni incumbere, aliquando autem illi, & vna pugnante altera augetur, ideò in longitudinem augentur morbi, quod autem aliquando refrigeratur corpus, aliquando autem calefiat, indicant colores, hi. n. consequuntur actiuas qualitates.

Sudor multus ex sonno factus absq; cã manifesta corpus vti pluri cibo significat, si vero cibum non accipienti hoc accadat,

scire oportet, quod euacuatione corpus indiget.

41

Duobus modis fit ex somno sudor multus, uel ob copiosum nutrimentum, uel ob superfluitates. Si igitur sine manifesta causa fiat sudor multus, uerbi causa, si non sit australis constitutio, indicat corpus copioso uti nutrimento. Etenim cibi maximè calidi calefaciunt materias, & attenuant ipsas, & expellentes ad exteriora sudorem faciunt. Si autem cibum nō accipiat, & ex somno multum sudet, indicat esse superfluitatū multitudinem, quæ indiget euacuatione, dixit autem (ex somno:) nam eo tempore operantur omnes facultates naturales, & tunc inutilia ab utilibus superantur.

Sudor multus calidus, uel frigidus semper fluens, frigidus magis, calidus minus, morbum significat.

42.

Et hic Aphorismus attinet ad signa, de sudoribus enim adhuc pertractat. Calidus sudor breuem indicat morbum ob facilē materia diffusionem, quæ est à flaua bilis, & robustas virtutes ostendit. Frigidus autem sudor diuturnum morbum significat ob crassitiem materia, & difficilē diffusionē, sic quidem uterque eorum separatim significant. Si autē ambo simul

&

& eodem tempore subsistant, sumitur ex his signum ratione maioris & minoris quantitatis, si enim calidus dominetur, brevis erit morbus. Si autem frigidus, diuturnus, causæ autem sunt expositæ. Sciendum autem est Hipp. cum dicat semper fluens permanentē fluxum indicasse.

Febres quæcunque non intermittentes tertia die fortiores fiunt, magis periculosa, quocunque autem die intermiserint, periculum abesse significatur. 43.

Hoc loco agit de synochis febribus, ut indicat illud verbum (quæcunque non intermittentes) non intermittes. n. continuæ sunt, sed ex cōtinuis eas demonstrat quæ ardentes sunt, ut patet ex eo dicto (tertia die fortiores fiunt). Hac est autem eius sententia, si tertia die fortiores appareāt periculosa sunt. Nam indicatur crassitudo materia, & imbecillitas virtutis, præterea quoniam eo tempore nō possumus cibare ob assiduitatem accessionum. Præterea quoniam indicatur principale membrum laborare, videlicet vel pulmonem vel iecur, præterea ostenditur multam putredinem esse in vasis. His igitur de causis nō intermittētes febres sunt periculosa. Intermittentes autem periculo vacant contrariis de causis. Intermissio autem intelli-

APHORISMORVM

genda est non omnino absoluta in febricitatio, sed diminuta febricitatio.

Quibus febres longæ, ijs tubercula, vel labores in articulis fiunt. 44

Febres longa ortum habent à crassitudine materia, in his febribus per abscessum indicatio fit, ut in acutis per sudores ob facilem distensionem materia: abscessus igitur in longis morbis in articulis fiunt, vel ob locorum capacitatem, vel ob caliditatem articulorum adiuuantem, ut expellantur superflua, & labores, hoc est dolores in articulis fiunt, si tamen facile patiantur articuli. Nam si robusti sunt, expellunt ad cutem humores, & hac de causa contingit fieri tubercula.

Si ex febribus labores fiunt, hi pluribus cibis utuntur, 45.

Hic Aphorismus ad conualescentes attinet. Quibuscumq; (inquit) postquam liberati sunt à morbo, contingit fieri tubercula, & labores circa articulos, magna ex parte hi multitudine ciborum utuntur. Nam virtus eorum non potuit concoquere copiosum nutrimentum, cum fuerit imbecilla. Cum igitur laborent cruditate, congregantur superfluitates, quæ si deferantur ad articulos, fiunt abscessus si autem ad auræ, tubercula

Si

Si rigo incidat febre non deficiente,
ægro iam debili, lætele est. 46.

Ex hoc verbo (non deficiente) indicatur sermonem Hip. esse de continuis febribus. Si igitur in continua febre rigor incidat, hoc est longo tēpore inuadat, iam imbecilla existente virtute, letale est. Nam in rigore vel euacuantur superfluitates, vel non euacuantur, si auacuantur, euacuatione magis resoluitur virtus: si autē non euacuantur, indicatur omnino imbecillas esse virtutes, & ideò pernitiosum. Præterea si euacuantur superfluitates, maneat autem febris, humorum abundantia ostenditur: si autem non euacuantur, indicatur imbecillam esse virtutē.

Excreationes in febribus non intermittentibus liuidæ cruentæ foetidæ & bilosæ omnes malæ. Et si bene exeunt, siue per vrinas, siue per alui excretionem bonæ, si vero nihil eorum, quæ iuuant per hæc loca excernitur, malum, 47.

Hic Aphorismus à vitiosis signis optimam tradit rationem cognoscendi: vitiosa (inquit) quæ euacuantur in corpore, ut in febribus non intermittentibus, vel per os, vel per vrinas, vel per deiectiones, vel per ea quæ præcedunt concoctionem, excreta fuerint, pernitiosa sunt, ra-

APHORISMORVM

tione enim symptomatis euacuantur, & non legē natura. Si autem post concoctionem excreta fuerint, bona sunt, cum excernantur lege natura, & nō violentia symptomatis. Liuida igitur excreationis, hoc est purgationes quæ per fauces & asperam arteriam ante concoctionem sunt, mortificationem partium indicant. Sanguinea autem corrosionem vasis, fætida autem putrefactiones: biliosa autem bilem puram. Eodem modo & in urinis & deiectionibus, alui, excretiones, quæ excernuntur malæ sunt. Si autem post cōcoctionem omnes, vel per os, vel urinas, vel per alui deiectiones bonæ sunt. Quod autem hæc bene iudicentur signum est facilis tollerantia, quod autem malè, difficilis. Præterea & agrotantis temperatura, & morbi forma, & locus. Quod autem in fine Aphor. scribitur, hæc habet sententiam. Malum est id quod euacuat, vel per os, vel per urinas, vel alui deiectiones.

In febribus non intermittentibus si partes exteriores frigidae interiores vruntur, & sitim habent, lætalæ est. 48.

De continuis febribus etiam nunc agit. In febribus (inquit) non intermittentibus, & reliqua. Ostenditur enim uel inflammationem, vel erysipelas

erysipelas esse in visceribus. Quoniam autem natura consuluit parti affectæ, recidit ad interiora cum innato calido, & ideo refrigerantur exteriora: interiora autem vruntur, cum igitur in visceribus sit inflāmatio satis uehemens, vt sitis ostendit sequitur mors.

In febribus non intermittentibus si labrum, vel palpebra, vel supercilium, vel oculus, vel nasus peruertitur, vel non videat, vel non audiat, iam debili existente corpore, quicquid horū euenerit, mors proxima est.

49.

In hoc Aphor. colligit signa letalia, & sumit indicationem ab animalibus, & à motricibus virtutibus, si in cōtinuis (inquit) febribus hi affectus apparuerint debili existente agroto, prope est mors. Ostenditur enim immoderata caliditas ex inflammatione cerebri, quæ peperit ex siccitate conuulsione, à qua prædictæ partes peruersæ sunt. Hæc autem cōuulsio vacat molestia, Præterea quoniam spiritus animalis imbecillitas ostenditur. Sciendum autem est Hip. cum dicat (si labrum vel nasus peruertatur) indicasse virtutes, motrices affectas esse. Cum autem dicat (nisi videat) & reliqua, sensitivas.

Vbi in febre non intermittere difficul-

tas spirandi & deliriū acciderit, lætale, 50.

Difficultas spirandi est mala respiratio, ipsa igitur magna est & densa, vel magna & rara, vel parua & densa, vel parua & rara. Hoc igitur loco sermo est Hip. de ea, q̄ est magna, & rara, ipsa enim delirium ostendit. In ardentibus (inquit) febribus si difficultas spirandi fiat, hoc est magna & rara respiratio, & delirium, lætale est. Nam illa quidem ostendit pulmonem affectum esse: delirium autem cerebrum, fit autem difficultas spirandi, quæ etiam delirium indicat, ob lesionem organorum ad respirationē pertinentium, quæ laborant inflammatione, delirium, quoniam transmittantur vapores ad cerebrum, ut videri potest in passionibus pulmonis, in quibus inflammatio est in pulmone, & ex hac leditur respiratio, cum aurem euaporat, transmittuntur vapores ad cerebrum, ex quo delirium. Quamobrem delirium sequitur spirandi difficultatem.

In febribus abscessus, qui ad primas iudicationes non soluunt, longitudinem morbi significant. 51.

Primas iudicationes appellat quartam, & septimam diem. Si igitur (inquit) iudicatio fiat per abscessum & non soluantur in his diebus abscessus

abscessus, in longinquitatem temporis extenditur morbus. Nam materia susidens in articulis crassissima est, & indiget tempore vt concoquatur.

Quicumque in febribus, vel iu alijs morbis sponte illachrimant, nihil absurdum, qui verò non sponte, absurdus. 52.

Lachrima est humoris euacuatio per oculū. Manat autem lachrima, vel voluntarie, vel inuoluntarie: volūtarie quidem vt gratia placandi, vel ob priuationem amicorum, & pecuniarum. Inuoluntariae autem, vel ob multam vini potionem, cum materia calescant in capite, vel ob inflammationem membranae succingentis oculum, vel ob imbecillitatem continentis virtutis, de qua nunc sermo est Hip. quod inquit etiam absurdus reliquis, hoc est, eo quod voluntario fit. Sciendum autē Hip. ex hoc particulari exemplo, hoc est ex oculo ostendisse, totū corpus habere virtutem continentem.

Quibus circa dentes in febribus lentores quidam nascuntur, ijs fortes sunt febres. 53

Hoc loco tradit signum diuturnitatis morbi, quod est lentores fieri circa dentes in febribus. Indicatur enim crassam & pituitosam esse

APHORISMORVM

materiam hoc facientem. fit autem hoc modo lentor circa dentes. Humores frigidi existunt in stomaco, & materia ascendit in modum vaporis ad gingiuas dentium & congelatur circa dentes, cum ipsi sint frigidi & sicci.

Quibus plurimum siccæ tusses leuiter irritantes in febribus ardentibus fiunt, nō multa siti infestantur.

54.

Tusses sicca dicuntur in quibus nihil expuitur, fiunt ex asperitate faucium ab intemperie frigida, quæ ob motū in tussi ex propinquis partibus trahit humiditatem, & ex hoc sedat sitim in ardentibus febribus. Quod autem de hac tussi sit sermo. Hipp. manifestum est, cum dicat (leuiter irritantes) ipsa enim solum leuiter irritat.

Ex inguinū tumoribus febres omnes malæ, præter diarias.

55

Bubo est inflammatio adenis, aden autem est corpus spongiosum. Ex bubonibus autem, alia causis primitiuis fiunt, alij ab abditis. Quicunque enim ab offensione pedis vel à marore, vel ab ira proueniunt, qui & diarij vocatur, periculo vacant, cum uno die soluantur, qui autem ab abdita causa fiunt, quos malos appellat. Hip. ostendunt inflammationem ex putrefactione esse

esse in visceribus, hoc autem manifestum est, in inflammationem ex putrefactione maxime esse in hypocondris, cum simul patiantur etiam imbecilliores partes: admittunt igitur materiã hãc bubones tanquam imbecilliratione multitudinis, & cum inflammatione laborent, in molem attolluntur. Oportet autem intelligere febrem consequi bubones, qui ex causa primitiua fiunt. Præcedere autem eos, qui ex abdita: si quis autẽ dubitet qua de causa Hip. simpliciter dixerit (ẽ bubonibus febres) si hos bubones sequitur febris, illos autem precedit. Monemus Hipp. habuisse rationem consuetudinis. Ex consuetudine enim bubones sequitur febris.

Febricitanti sudor superueniens febre non deficiente, malum: prorogatur enim morbus, multã significat humiditatẽ. 56.

Hoc loco inquit, si febris est continua, & fiat sudor multus, & nõ sedat febrem euacuatione, protrahitur morbus: causa autem est multitudo humiditatis quæ indiget tempore vt concoquatur, ideò protrahitur morbus.

Qui à conuulsione aut distensione nervorum tenetur, febre superueniente liberatur. 57.

Conuulsio & distentio, vel ab euacuatione,

APHORISMORVM

vel à repletionē fiunt, ambo hæc febris soluit, hoc autē patet in his qui ex repletionē consistūt, de his. n. nūc agit, nam febris concoquit resoluit & diffolat materiā hos affectus facientē, intelligēdum autem est tres esse conuulsiones, quarū prima appellatur emprosthotonos quæ provenit ab affectu interiorum musculorū spinæ, altera episthotonos, quæ ortum habet ab affectu exteriorum, tertia tetanos, quæ provenit ab affectu interiorum & exteriorum musculorum spinæ. Si qs aut dubitet cur Hip. addidit (à conuulsione & distentione) dicimus hoc factū ut ambo patefierent, hoc est genus & species. Conuulsio enim est genus, distentio verò species.

A febre ardente habito superueniente rigore solutio. 58.

Hoc loco inquit, si subsidente ardenti febre superueniat vigor, soluit ipsam. Nam in ardenti febre interiūs existens materia, hoc est in vasis continuam febrem faciebat. Superueniens autem rigor transtulit materiam ab interioribus ad exteriora, quæ per sudores expulsa, & liberato corpore, necessario solutio febris sit. Quod si quis dubitet qua ratione possit fieri rigor in materiis calidis, si ardens febris à flaua bile fiat. Sciendum subesse materiam acrem, & calidam.

In eiusmodi igitur febribus ob molestiam acrimonia humoris, calidum innatum ad interiores partes vergit, & ex eo superuenit rigor.

Tertiana exquisita septenis circuitibus quod largissimum est, iudicatur. 59.

Hic Aphorismus legitimum tempus prescribit exquisita tertiana, hoc est quartum decimum diem, quod patet ex eo septenis circuitibus. Exquisita enim alternis diebus acceditur. Est igitur tertiana exquisita, quæ habet biliosas vomitiones, biliosas alui deiectiones, vehementem ardorem, qui dominatur quam longissime horis duodecim. Tertiana autem quæ non est eiusmodi, notha est. Exquisita igitur tertiana iudicatur, septenis circuitibus: quod longissimum est. Contingit enim aliquando; ut solvatur & septima, & nona, & decima prima, ob facilem materiae diffflationem, quæ est flaua bilis efficiens febrem.

*Quibus in febribus aures obsurdue-
runt sanguis ex naribus fluens, aut alius
turbata, soluit morbum.* 60.

*In febre obsurdescunt aures, cum vapores
ascendunt ex subiecta materia & occupant au-
ditorios meatus, & eos obstruunt. Quibuscun-
que igitur in febribus aures obsurdescunt, per*

APHORISMORVM

nares sanguinis fluxus, vel biliosa deiectione ventris superueniens sedat surditatem, quoniam euacuata est materia, ex qua febris & surditas oriebatur.

Febricitatem nisi diebus imparibus febris reliquerit, solet recidiuare. 61.

Hoc loco de Acutis morbis sermo est Hip. & patet ex eo (in imparibus,) haec enim in imparibus vel alternis diebus accenduntur ob facilem difflationem, & caliditatem materiae, ubi autem accessio, ibi iudicatio. Acute igitur agrotantes nisi diebus imparibus febris dimiserit, recidiuant. Nam non est facta iudicatio lege naturae, sed violentia symptomatis. Præterea dictum est (in imparibus diebus) pro eo quod est in iudicatoriis. Si igitur in iudicatoriis diebus febris dimiserit, bonum: recidiuare enim non consuevit: hæc autem interpretatio magis est necessaria, quam superior, cum simul cōplectatur, quartam & undecimam, & vigesimā, & quadragesimam, quæ sunt iudicatoria.

Quæ paribus diebus iudicantur, difficilem habent iudicationem, & recidiuare consueuerunt. 62.

Cum in proximo Aphorismo docuisset bonas iudicationes in imparibus, hoc est in iudicatoriis

catorijs diebus fieri, necessario hunc Aphorismum apposuit, vt doceret inutiles iudicationes paribus, hoc est in ijs quæ indicatoriæ non sunt, fieri.

Quibus in febribus morbus regius ante diem septimum accidit, malum, nisi ex aluo humores prodeant. 63.

Morbus regius prouenit ex obstructione folliculi ipsius bilis, quæ illuc non fertur ob obstructionem, & distribuit impurum sanguinem per totum corpus; & hoc modo fit morbus regius, fit etiam cum iecur scirrhum patiatur, & inflammatione laboret, tunc enim ob intemperiem totus sanguis fit biliosus, & vesica quæ bilem recipit, non potest totum ad se trahere. sed hoc modo dispergitur sanguis biliosior per totum corpus, & fit morbus regius. Fit etiam & naturaliter hoc modo, natura cum consulit saluti, interiorum partium decretorie, eijcit materiam ad exteriores partes, & fit morbus regius, & in ardēti febre, & in tertiana, natura putrefaciente ea quæ sunt in interioribus partibus, & ad exteriora expellente materiam. Si igitur ante septem dies in febribus morbus regius superueniat, malum.

Quibus in febribus quotidie rigores

Sunt, quotidie febres solvuntur, 64

De quotidianis agit, & manifesta est Aph. sententia, si quotidie (inquit) febricitanti quotidie superueniat rigor, soluit febrem. Materia enim extra vasa eijcitur q̄ in vasis existens febrem faciebat, sed dubitant quidam, quara-
tione in hemitriteo quotidie rigorem faciente non sedatur febris. Verum sciendum est Hipp. nunc habere sermonem de simplici febre, non de composita. Hac autem composita est ex duabus febribus, hoc est ex quotidiana continua, & ex tertia intermittente.

Quibus in febribus septimo, vel nono vel vndecimo, vel quarto decimo, superuenerit morbus regius, bonum, nisi dextera præcordia obduerint, si vero nō, non bonum. 65.

Morbus regius bonus est si superueniat in febre, in eiusmodi diebus, etenim lege naturæ factus est, cum in indicatorijs diebus apparuerit. Rursus autem apposuit conditionem, nisi dextrum præcordium obdurescat. Si enim inflammatio est in iecinore, quamuis in indicatorijs diebus superueniat morbus regius, malum est, quoniam iecur est affectum.

In febribus circa ventriculum, et fortis æstus

æstus & cordis morsus, malum. 66.

Ventriculum dicit cum, in quem cibi geruntur, hoc autem patet ex eo (& cordis morsus) quoniam igitur vexatur stomachus morsu humoris, malum est.

In febribus ex somnis timores, & conuulsiones, malum. 67.

Hoc loco inquit, si subiacente febre ex somno conuulsiones & timores superueniant, malum est. Nam manifestum est humorem cradum melancholicum redundare, qui obstruens nervosas partes, conuulsiones facit. Ascendens autem ad cerebrum & grauās animalem spiritū, timorem facit. Quod autem crudus sit humor, signum est, cū inferantur noxij somni,

In febribus acutis conuulsiones, & circa viscera labores fortes, malum. 68.

Hoc loco etiam agit de cōuulsione (si inquit) ardenti febre subiacente, & conuulsio, & labor fortis sit circa præcordia, malum: cōuulsio quidem, quoniam videtur ex siccitate consistere subiacente ardenti febre. Labor autem fortis circa præcordia: quoniam & ipse æque multam siccitatem ostendit. Etenim ex immoderata siccitate vexantur viscera, & ideò laborant.

In febribus spiritus offendens, malum:

conuulsionem enim significat, 69.

Et hoc loco agit de conuulsione. Si inquit in febribus spiritus, hoc est respiratio offendat, hoc est offendatur, malum. Nam ex Hip. sententia indicatur conuulsio, ea. s. quæ ex siccitate prouenit totius corporis, & maximè musculorū thoracis, his enim affectis impeditur respiratio, dilatato enim thorace fit inspiratio, compresso autem expiratio. Hac igitur conuulsio facit, ut respiratio offendat, qua distracta malum est, respiratio enim composita est & constat ex inspiratione, & expiratione. Si igitur inspiratio offendatur non refrigeratur calor innatus ab exteriori aëre, & periculum subit ne extinguatur. Si autem rursus expiratio offendatur congregantur fuliginosa excrementa, & cum non possint per expirationem exire fluctuantia extinguunt calidum innatum.

Quibus vrinæ crassæ, grumosæ, paucae, non sine febre multitudo tenuis veniens ex ijs iuuat: precipue vero tales veniunt, quibus ab initio vel breui sedimenta insunt. 70.

Mirabiliter Hip. significat constitutionem eorum, quæ raro visa sunt ab illo. Supponit igitur febrem prouenientem ex multitudine, & crassi-

crassitie humorum crudorum, quibuscunque (inquit) vrinae crassae, & reliqua supponatur febricitans, qui prima & secunda die emisit vrinam non multam, sed plurimum habens sedimentum crassum, & inaequale, & crudū, quod quidem malum est. Ostendit enim imbecillitatem virtutis alterantis, quae nō potest attenuare & concoquere, & alterare materiam, & ideo propter crassitiem vix exeuntes vrinae paucae erant in quantitate. Si autem breui tempore post emittatur vrina multa & tenuis, sedimentum habens multum & aequale. confert (ut inquit Hipp.) ostenditur enim virtus alteratrix esse robusta, cum emisit vrinam tenuem, non autem proprie tenuem, nam ea cruda est: sed ad proportionem partium: quae grummosae sunt, ut sit mediocris. Quod autem scriptum est, in extrema parte Aphor. praecipue verò tales veniunt, quibus ab initio, vel breui sedimentum inest, hanc habet sententiam, maxime autē hoc accidit in illis febribus in quibus prima, vel secunda, vel tertia die statim sedimentum continet vrina, ratione grauitatis & crassitudinis materiae, non ratione naturae.

Quibus vrinae obuersae quales sunt iumentorum ijs dolor capitis vel adest, vel

iam adcrit.

71.

Hic Aphorismus attinet ad signa, tradit autem rationem cognoscendi ex urinis capitis dispositionem, quibus (inquit) in febribus, & reliqua. Obuersa autem urina ex tribus conflatur, ex cruda materia, & ex flatuoso spiritu, & ex urinali humiditate. Fiunt autem spiritus ex crassa materia, qua à febre accenditur. Si igitur appareat in febribus eiusmodi urina, merito dolorem capitis manifestabit, cum spiritus ad caput ascendant. Præterea diuturnitatem affectionis ob caliditatem, & ob spiritum.

Quibus septima iudicatur, ijs nubeculam habet quarta die urina rubram & alia ex ratione.

72

Hoc loco inquit, quibus in septima iudicandus est morbus ijs nubeculam habet quarta die urina rubram, & alia ex ratione, alia autem sunt deiectiones, & sputa, maximè si affectus sit thoracis inflammatio. Si enim hæc omnia ratione fiant, & urina nubeculam continet rubram, ostendens concoctionem in quarta die, omnino septima iudicabitur. Nam quarta dies ostendit septimam (ut ipse docet, septē vel quatuor index.) Dixit autem nubeculam rubram & non albam. Nam calida & biliosa materia subia-

subiacet, non crassa & pituitosa: hoc autem patet cum dicat septima iudicari. Cum autem materia subsit flaua & calida: non dixit flauā materiam contineri, sed rubrā: nam flauum non apparet in nubecula cū sit pellucidum. Abusus igitur vocabulo pro flauo dixit rubrum.

Quibus vrinæ albæ, & perspicuæ, malæ præsertim, si in delirantibus appareant. 73.

In hoc Aphorismo docemur rationem ex vrinis cognoscendi cerebri dispositionem. Phreniticis (inquit) vrinæ albæ & perspicuæ apparentes maxime malæ. Sunt enim & alioqui prauæ, albæ & perspicuæ: indicant enim ultimam cruditatem, verum in phreniticis magis prauæ sunt. Nam phrenesis à biliosa materia provenit: quamobrem oportebat, & vrinas flauas esse, sed quoniam hoc non fit, paruum est signum. Ostenditur enim quodammodo ascendere materiam ad cerebrum: quum autem patiatur principalis pars, hoc est cerebrum, malum est. Dixit autem perspicuæ & albæ, non enim necessario perspicuæ sunt albæ, sed vel flauæ, vel ruffæ, ob splendoris igitur differentiam, addidit (albæ.)

Quibus præcordia suspensâ murmurantia lumborum dolore superueniente, ijs alui humectantur, nisi flatus erumpant,

aut vrinæ multitudo proueniat, hæc vero in febris.

74.

Vt id, quod affertur, pateat, supponatur febricitans cum suspensis, murmurationibus præcordijs ex spiritu flatuoso, & humiditate permixta, si hoc modo se habente dolor statim circa lumbos fiat, alui humectantur ob materia translationem, nisi ea, quæ miscentur ab inuicē separentur, hoc est humidū quidem per vrinas, spiritus autem per intestina euacuetur.

Quibus speratur abscessus futurus ad articulos, liberat ab abscessu vrina multa, & crassa, & alba facta, qualis in laboriosis febribus quarto die quibusdam incipit fieri, si vero etiam ex naribus fluxerit sanguis, breui admodum solutio fit.

75.

Spes est, hoc est expectatio ad articulos abscessum fieri in febribus quoquo modo laboriosis: verum aliæ quidē ex primitiua causa fiunt. Aliæ autem ex abdita. Hoc loco igitur sermo est Hip. de ea lassitudine, quæ à causa primitiua ortum habet. In causa autem primitiua lassitudo præcedit febrem. In hac enim maximè in ulcerosa sperandū est per abscessum solui morbum. Triplex enim est lassitudo, vel enim præcedit febrem

febrem lassitudo, vel subsequitur febrem, vel est una cum febre. Si igitur lassitudo præcesserit febrem, spes est per abcessum fieri iudicationem in articulis, & adducta est causa. In quibus igitur est ulcerosa lassitudo, & spes est per abscessum fieri iudicationem, si proueniat urina crassa & alba, ut in laboriosis febribus: si quarta die appareat ob refrigerationem breui agrotus liberatur ab abscessu, qui futurus erat, quoniam moueantur ab abscessu causa morbum faciētes. Si autem & ex naribus fluxerit sanguis, etiam per breui soluitur, cum enim materia partim expurgetur per inferiora, partim per superiora celerrimè fit morbi solutio.

Si sanguinem, aut pus mingat, aut renū, aut vesicæ exulcerationem significat. 76.

Cum dixit (mingat) reprehendit eos qui asserunt ex abscessu rupto, vel in iecinore, vel in alia parte eiusmodi urinas emitti. Nam cum in eo hoc modo fiat purgatio, vel uno die, vel duobus, vel tribus, indicatur ulceratio. Corroso enim ulcere simul corrodunt etiam quedā vasa, & una cum pure sanguis euacuatur, ut contingit in his qui laborant intestinorum difficultate. Nihil autem dixit de vasis urinaris, licet hoc etiam in illis contingat. Nam cum ex-

tremorum meminisset, complexus etiam est media.

Quibus in vrina crassa existētes carunculæ parvæ, aut cappilli vnâ exeuntes, à renibus, excernuntur. 77

Vrinam crassam hoc loco appellat eam, quæ est secundum naturam comparans illi tenuem vrinam, quæ est præter naturam, hoc enim secundum naturam medium existens, ad tenue quidem comparatum, crassum appellatur, ad crassum autem tenue. Si igitur est vrina secundum naturam, patet iecur esse robustum, relinquitur autem vt affectus sit in renibus, & quidem exeunt tanquam caruncula parua & excernuntur, quas quidem appellant *πρωτοειδή* cū sanguis crassus sit superassatus in renibus ab intemperie calida illic existente, vt autem capilli albi. s. excernuntur, cū caliditas præter naturam quæ in renibus est exciccet materiã crassam, & pituitosiores in ipsis contentã, & ideo ad figuram renum excernuntur oblongi.

Quibus in vrina crassa existente, furfura quædam simul exeunt, ijs vrsica scabie laborant. 78

Etiam hoc loco vocat crassam vrinam eam, quæ temperata est, si igitur crassa est vrina, hoc est

est temperata, & cum ipsa emittantur fursurea, vesica scabie laborat: vocat autem scabiem vlcus existens in superficie vesicae, quemadmodum existente scabie in toto corpore, excidunt quadam squamma ut in piscibus, & maxime pruritus mouent, sic & in vlcere quod est in superficie vesicae fursurea quadam vna cum urina excernuntur.

Quicumque sponte sanguinem mingunt ijs à renibus venulam ruptam significat.

79.

Hoc loco agit de affectibus, qui contingunt in renibus, si sanguinem (inquit) mingunt quidam à renibus inquit venulam ruptam significat. Cum autem dicat (mingunt) ostendit non à partibus spiritualibus, neq; nutritiuis hoc provenire, sed à renibus. Permanens enim emissio urinae iudicatur: nam si esset hoc ratione partium spiritualium, vel nutritiuarum in ipsis rupta venula, breui tempore mingitur, & statim sedatur affectus. Illud autem quod addit (sponte) indicat sanguinem mingi non per erosionem, sed per ruptionem: hoc enim sponte statim, & confestim significat. Nam ob sanguinis copiam intenduntur venae, & intentione dirumpuntur, & multum sanguinis mingitur in

APHORISMORVM

corrosione autem paulatim: quod autem nō per apertionem, sed per ruptionem sanguis mingatur, manifestum est. Sanguis enim per apertionem effusus non est absolutus sanguis, sed sanguini similis.

Quibus in vrina arenosa subsistunt, ijs vesica calculo laborat & renes. 80

Calculus vel in renibus fit, vel in vesica. Vbi autem calculus omnino & arenosorum excretio fit: quoniam aliqua pars exeritur à calculo. Cū autem magna ex parte in vesica fiant calculi, ob satis magnā cavitatem vesicae. ideo huius solum meminit Hip. non autem renum. Sciendum autem est calculū habere causam efficientem caliditatem prater naturam. Materialē autem humorem crassitudinem.

Si sanguinem mingant, aut grummos, vel stillicidium vrinae habent, & dolor in imum ventrem incidat, & pectinem, & semen, circa vesicam labor est. 81.

Consequenter hic Aphor. digestus est, quoniam enim dixit (sanguis) intulit aut grummos. Grummus autem fit cū sanguis extra uasa factus & congelatus sit refrigeratione. Vrina autem stillicidium fit ob obstructionem colli vesicae, vel ob calculum, vel ob inflammationem, vel

uel ob eundem grumum. Si igitur sanguinem mingat, aut grummos, aut vrina stillicidium habeat, & reliqua circa, vesicam labor est, hoc est communiter circa instrumenta urinaria, & hoc manifestum: cum enim dixisset (dolorē circa imum) vētrem indicauit renes & pectinem & vesicam (semen) aut collum vesicæ.

Si sanguinē aut pus minxerit, & squāmulas & grauis odor adsit, vesicę exulcerationem significat.

82.

Tria nobis assignat hic Aphorismus locum affectum, dispositionem, & malum morem loci affecti: cum enim dicat (squammulas) indicat vesicam esse affectam. Cum autem (sanguinem & pus, solutionem continuitatis, fieri autē non potest ut mingatur pus sine vlcere, cum autem dicat (grauis odor) indicat putredinem: putredo autem malitiam ostendit. Sciendum autem est Hipp. cum dicat grauē odorem esse in his quę minguntur, improbasse eorum opinionem, qui sentiunt à iecinore vel à spiritualibus partibus ea prouenire, quę sunt squamarum similia, illa enim & si fædum odorē habeant, tamen longitudine locorum per quę exeunt fædū odorem amittunt.

Quibus in urinaria fistula tubercula na-

M

scuntur, his suppuratione facta, & eruptione, solutio. 83.

Fistulam urinariam vocat collum vesicae. Si igitur in fistula urinaria, hoc est collo vesicae, tubercula nascuntur facta suppuratione & eruptione solutio fit. Verum dolores ex urina stillicidio: nam ob tubercula facti sunt dolores, & sequitur obstructio, ex qua urina stillicidium.

Mictio nocte plurima facta, paruum, deiectionem significat. 84.

Hic Aphorismus tradit rationem cognoscendi, si (inquit) per noctem multa urina fiat, paruum per stercus deiectionem significat. Nam multa & magis conferta distributio facta est in iecinore, & alio deriuata est materia, ideo multa urina fluxerunt, parum autem stercoris, & econuerso si multa stercoris deiectio fiat, modica erit urinarum excretio eadem de causa. Nam parua distributio facta est, & ideo etiam parum urinae: multa autem per stercus deiectio: quoniam in ventriculo maneat humidum, in nocte autem dixit, quoniam concoctiones in nocte fiant, & excretiones eorum, quae superflua sunt.



PHILOTHEI COMMENTARIA IN QUINTVM APHORISMORVM Hippocratis, LVDOVICO CORADO interprete.

Conuulsio ex Helleboro lætalis est. 1

N Radit Hip. in hac sectiōe canones cognoscendi, & præcognoscendi, vt & in quarta. Ostendit autem rationem præcognoscēdi morbu, qui est in summo, cum inquit (cōuulsio ex Helleboro lætalis est) Sciendum autem est duplicem esse Helleborū, hūc quidem album, illum verò nigrum. Hoc igitur loco sermo Hip. est de albo, patet autem hoc cum simpliciter dicatur, de nigro enim Helleboro cum additione dicimus Helleborus niger. Conuelluntur igitur ex Helleboro albo vtentes ipso, vel ob repletionem, vt cum sæpenumero medicamentum purgans confertim trahat ad ventriculum copiosum humorem, & colligat, cōtenditur ipse ventriculus, ex contentione conuellitur totum nervosum genus per consensum stomachi, vel ob immoderatam euacuationem, quam sequitur siccitas, & siccitatem conuulsio, vel ob stomachum

APHORISMORVM

qui facile afficitur. Nam sæpenumero cū medicamentum sit magis actiuum, moderetur stomachus vt facile patiens & conuellitur, vel ob acrem humorem attractum à purgante medicamento ad vētriculum. Hic enim etiam mor-
su conuulsionem facit. De secundo igitur modo sermo est Hip. qui à siccitate prouenit. Hic enim nō admittit curationem, quoniam cū consumpta sit humiditas, quæ continetur in corpore, fieri non potest, vt amplius resarciatur, alij modi mali quidem sunt, non autem letales.

Conuulsio ex vulnere lætalis est. 2

Quidam codices habēt (ex vulnere.) Quidā autem ex præforatione, quod quidē verius est, utrunq; autem continuitatis solutionem ostendit, sed in carne quidem solutio continuitatis vulnus vocatur. Si autem in nervo, punctio vel perforatio, fit igitur ex vulnere conuulsio non ob solutionem in carne. sed quoniam simul diu-
duntur & venæ, & arteriæ. Hac de causa ex immoderata euacuatione fit conuulsio. In punctio-
ne autem fit vehementissimus dolor, & hac de causa sanguinis collectio, ex qua locus inflamma-
tur: ex hoc tanta fit cōtentio, vt & nervosa par-
tes simul contendantur, & hinc cōuulsio utroq;
igitur modo cōuulsio lætalis, hoc est piculosa est.

Vbi

Vbi sanguis plurimus fluxit, singultus, aut conuulsio superueniens, malum. 3.

Hoc loco ex euacuatione spontina conuulsionem fieri supponit, si (inquit) cum multus sanguis fluxerit, vel per narres, vel per anum, conuulsio vel singultus superueniat letale est. Nam supponit ex immoderata euacuatione conuulsionem & singultum superuenire. Præterea quoniam euacuato sanguine partes nutrimento priuantur, & ad corruptionem tendunt. Intelligendum autem est conuulsionem à singultu differre.

Nam conuulsio consistit in omni parte, quæ ad electionem pertinet & animalis est passio. Singultus autem in stomacho, & corporea est passio.

Ex superflua purgatione, conuulsio vel singultus superueniens, malum. 4.

Ex superflua purgatione supponens conuulsionem malum dicit, & non letale, ut in superiori Aphorismo. Illic autem dixit letale ob maximam actionem & violentiam Hellebori. Hic autem malum, quoniam contingit quocumque adhibito remedio, & facta superflua purgatione conuulsionem fieri, & non esse letalem, potest enim curari cibis, vel balneis.

Si Ebrius repente obmutuerit conuulsus moritur, nisi febre corripiatur, aut v-

bi ad horam peruenierit, qua soluuntur
crapule, vocem recuperet.

5.
*Multa potio vini, vt calidi & humidi
musculos circa fauces replens Aphoniam affi-
cit, quod quidem malum. Si autem & cōuulsio-
nem inferat letale est. Manifesta enim non so-
lum ea quæ sunt circa fauces, repleta esse, verū
& neruosas partes, quæ sunt in toto corpore,
verū letale nisi febre corripiatur: tunc enim
fit concoctio materia, quæ cū attenuatur, dis-
flatur, vel si rursus hora qua crapula soluuntur
vocem recuperet. Ostenditur enim potuisse na-
turam concoquere materiam. Tempus autem
solutionis crapulae non est circumscriptum. Nō-
nulli enim postridie soluuntur à crapula: nōnul-
li superueniente siti.*

Quicumque à distensione corripiun-
tur, quatuor, diebus pereunt, si verò hæc
effugerint, perfani fiunt

6

*Distentio ex crassa natura prouenit, & quod
ad hoc attinebat lōgum esse morbum oportebat,
verum ob imbecillitatem virtutis peracutus,
inuenitur. Quicumq; igitur distensione corri-
piuntur, quatuor diebus pereunt: quoniam tūc
vehemens est motus & indeficiēs, quamobrem
facile prosternuntur virtutes, vitales. Si autē
hæc*

hæc effugerint, sani fiunt, cum virtus robusta sit. Peracuti enim morbi usq; ad quartam diem iudicium habent.

Quibuscunque morbi committiales fiunt, ante pubertatem mutationem accipiunt. Quibuscunque autem vigesimo quinto commoriuntur. 7.

Morbum comitiale effficere consuevit materia crudior & crassior, hic autem ut plurimum in pueris fit, ideo puerilis morbus vocatur. Fit autem in pueris, q̃ habeant plurimum crudi humoris ob errorem qui committitur in ratione victus. Quibuscunq; igitur ante pubertatem morbi comitiales fiunt, circa pubertatem mutationem accipiunt, hoc est omnino liberantur à morbo. Mutantur enim ad calidiorem & sicciorem naturam. Quicunq; autem extra pubertatem fiunt, magna ex parte commoriuntur, non enim omnes. Contingit enim aliquando, ut etiam in ætate declinante cessent ob moderatum victum. Sciendum autem est ex Hip. sententia tempus pubertatis circumscribi à decimo octauo anno ad vigesimum quintum.

Quibuscunque morbo laterali laborantes quatuordecim diebus nō purgantur, ij ad suppurationem vertuntur. 8.

APHORISMORVM

Decimequarta diei meminit, ut quæ indicatoria sit in acutis morbis. Morbi autem acuti cum fiant ex tenui & calida materia, cito solvuntur, & iudicantur. Quicumq; igitur ex morbo laterali non purgati sint, hoc est non aduxerint & expuerint collectas humiditates, quatuordecim diebus, ij ad supputationem vertuntur, cum materia sit crassior & calidior. Hoc autem cognoscens natura secundam navigationem instituit, & in pus conuertit materiam.

Tabes fiunt maximè ætatibus, à decimo octauo anno vsque ad trigesimum quintum.

9.

Cum in quarta sectione Hip. egisset de affectibus primi principij, hoc est cerebri, nunc transfert orationem ad secundum principium, hoc est ad cor. Iam autem actum est de morbo laterali, hic est enim inter affectus qui attinent ad thoracem, nunc per continuationem de eisdem thoracis affectibus, hoc est de tabo pertractat. Tabes autem est ulceratio pulmonis, hac autem fit vel ratione temperatura, vel ob erosionem. Quamobrem adolescentibus maximè generatur ob ætatis laborem. Exeunt enim in uenationes, in bella, saliunt, currunt, & hac de causa in ipsis venæruptio fit: præterea quoniam in adolescentibus.

lescentibus copiosus est sanguis, quo repleta vasa, tenduntur & extentione disrumpuntur, & maxime vasa pulmonis vt qui facile afficiatur ideo ex puitur sanguis, ex quo vlcus in pulmone ex vlcere colliquatio totius corporis, quam tabē nominant. Preterea & in consistentibus generatur tabes ob temperaturam corporis, habent enim sanguinem biliosorem & acriorem, corrodentem vasa, quamobrem expuunt sanguinē & vlceratur pulmo, ex quo tabes. Quod autem sermo sit Hip. de duabus etatibus, hoc est de adolescentibus & consistentibus, patet cum numero multitudinis appellet etates, hanc quidem à decimo octauo ad vigesimum quintum, illam autē à xxv. ad trigesimum quintum.

Quicunque ab angina liberantur, ijs ad pulmonem vertitur, & iu septē diebus pereunt si verò has effugerint, suppurantur.

IO.

Hoc loco agit de inflammatione faucium, ha aut habent musculos aperiētes ipsas & claudentes: aperiētes quidem exterius, claudentes autem interius, quo si circa interiores musculos fiat inflammatio, angina vocatur: si autem circa exteriores, proxima angina, hoc igitur loco supponit inflammationem interiorum muscu-

APHORISMORVM

lorum, & hanc facientis materia translationē. Quicunque igitur ab angina liberantur ad pulmonem & reliqua. Vt autem evidentior fiat Aphor. apponatur coniunctio, & legatur quicunque, ab agina liberantur, & in pulmonē trāsfertatur materia. Hi septem diebus moriuntur. Si enim in igno bilior parte, hoc est in faucibus erat letale, multo magis translata materia ad nobiliorem partem, hoc est ad pulmonem, sequetur mors facta strangulatione. Septimo autem die inquit Hip. quoniam morbus est acutus, & cito iudicatur. Septima verò dies intelligenda est, non à qua facta sit translatio materia, sed ab initio morbi. Si autem has effugerit secundam nauigationem, instituyente, natura suppurantur, quamuis etiam hoc modo raro conualescāt.

Qui tabe molestantur, si sputum quod extusliunt graue olet, iniectum carbonibus, & capili à capite defluunt, letale. .ii.

Hic Aphorismus ad præcognitionem attinet. Tria autem nobis assignat, morbum malitiam morbi, & tempus excessus. Cum enim dicat (qui tabe affectum, cum autem graue olet) malitiam morbi. & ex hoc experimēta tempus excessus, quod letalis sit. In his igitur facit Hip. iudicium mortis ex odore sputi. Monet enim
opor-

oportere sputum quod eiectum est carbonibus inijcere, verum non statim, sed postquam prius in vas vitreum aqua plenum iniecerimus, ut sic dissolutum ostendat proprium ipsius fetorem. Si igitur carbonibus iniectum graue olet, quod extussum, letale est. Ex hoc autem innuit locum affectum, hoc est ea, quae sunt circa thoracem. Cor enim sepe numero ita offenditur à corruptione aeris exterioris, ut & sequatur mors. Multo igitur vehementius ledetur, & sequitur mors, cum grauis odor sit propinquus ipsi cordi. Maxime autem letale est si capilli à capite disfluant. Ostenditur enim defectus alimenti, ex quo exsiccat corpus, vel humorum corruptio.

Quibus tabe laborantibus capilli à capite defluunt, ij superueniente alui profluvio moriuntur.

12.

Et ut signum, & ut causa letale est alui perfluvium, ut signum quidem, quoniam ostendit imbecillitatem virtutum naturalium, verum ut causa: quoniam cum assidue surgant dissoluitur virtus. Si enim in ijs qui integra fruuntur valetudine superueniens alui perfluvium soluit virtutem, multo magis superueniens subiacente tabe hoc idem efficiet.

Quicumque spumofum sanguinem, ex-

puunt ijs è pulmone fit educ̃tio. 13

*Quidam codices habent, euomunt: quidam
verò expuunt, sed si quidem expuunt, apertus
est sensus. Quæ enim à pulmone, per tussim edu-
cuntur. Si autem euomunt, metaphorice dictũ
est ab ijs, quæ per ventriculum euomuntur. Si
igitur (inquit) delatus sit sanguis spumofus, est
à pulmone. Nam pulmo recipit sanguinem te-
nuem, aërem, & sincerum, & ex hoc nutritur.
Hoc autem est grauè: nam ipsa pulmonis substā-
tiā patitur.*

A tabe habito alui profluuium super-
ueniens, letale. 14.

*Superius quidem in tabe alui profluuium di-
cebat esse letale puris & capillorum mentionem
faciens. Hoc autem in loco simpliciter dixit alui
profluuium esse letale, quod solum possit afferre
mortem, sed non celerem, ut superius dicta ta-
bes.*

Quicumque ex morbo laterali suppu-
rantur, si in quadraginta diebus purgan-
tur eo die, qua fit ruptio, liberantur, si verò
non, ad tabem transeunt. 15.

*Morbus lateralis est inflammatio membra-
næ succingētis costas, sed ipsa si purgata sit, qua-
draginta diebus sedatur, si autem excedat qua-*

dragesimum diem, suppuratio transfertur (ut superius dictum est.) Hoc igitur loco de purgatione puris tractat, hoc est de educatione, si (inquit) quadraginta diebus absolute sit euacuatus, soluitur. Si autem excedat quadraginta dies, ad tabem transeunt. Nam pulmo rarus est, & spongiosus, & non sustinet assiduam puris excretionem, putrefactionem, & acrimoniam: sed quum facile afficiatur, feruet & ulceratur, & fit colliquatio corporis, quæ tabes nominatur. Oportet autem numerare quadraginta dies non ab initio morbi lateralis, sed post ruptionem.

Calidum ubi quis sapiens eo utatur hæc mala affert. carniū effœminationes neruorum incontinentiam, mentis torporem, profluuium sanguinis, animi defectionem, hæc, ad quæ mors, 16.

Cum tradidisset modos cognoscendi, & præcognoscendi affectiones, nunc agit de causis morborum, calidum (inquit) affert hæc mala ijs, qui sepius eo utantur, corporis effœminationem, hoc est imbecillitatem, ducta metaphora eo fœmina genere. Facit autem hanc plurimum calidum immoderata difflatione. Diffians enim humiditatem, quæ continetur in carnibus exoluit ipsas

APHORISMORVM

(neruorum incontinentiam,) hoc est imbecillitatem. Calidum enim dilatat, & ipsos amplos facit cum sint dēsi, & angusti, & diffilat humiditatem, quæ in ipsos continetur. Diffilatione enim exoliuntur nerui continentes partes, ut non amplius continere possint (mētis torporē,) hoc est imbecillitatem. Eadem ratione ob diffilationem. Affert autem & sanguinis profluium his qui natura sunt ad hoc propensi. Defectionē autem ob sanguinis profluium. In his igitur, in quibus hæc omnia, quæ cōmemorata sunt, fient, proueniet mors. Verū si simile simili gaudet, quomodo carnibus calidis & humidis nocet calidum humidum? Dicimus supponi calidum immoderatum.

Frigidum autem conuulsione, distentione, liuores, rigores febriles. 17.

Cū egisset prius de calido ut magis actiuo quam frigidum, nūc transit ad affectiones quæ generantur ex aqua frigida. Frigidum (inquit) conuulsiones & reliqua his, qui sæpius eo utantur. Hoc autem ita esse oportet. Nam frigus condensat meatus. Condensatione autem comprimuntur superfluitates, quæ non inuenientes viam expirandi conuertuntur ad nervosas partes & faciunt conuulsiones & distentiones ex
reple-

repletionem. Facit etiam ex siccitate cōuulsiones, & distentiones, si contingat corpus esse siccum, & carere superfluitatibus, cū in interiores partes penetret frigiditas. Ipsa enim exiccat, cū exugatur, & exprimat ut sponsia. Facit etiam liuores, cū refrigeret & extinguat calidum innatum, vel quoniam condensat meatus, & comprimit superfluitates, quæ cū non possint euaporare putrescunt, & ex putrefactione liuor cōsequitur. Facit etiam rigores febriles. Rigores quidem ob nimiam frigiditatem, ut patet sensui. Febrem autem per accidens consequentem, vel quoniam cū meatus clauduntur, & fiat putredo, mordentur sensitiuæ partes, & hinc concussio, ex concussione concentratur calidum innatum, ex quo rigor.

Frigidum inimicum ossibus, dentibus, neruis, cerebro, spinali medullæ calidum verò vtile.

13.

Ab immoderato vsu aquæ frigida docet Hip. has partes ladi: quoniam earum naturalis temperatura ad intemperiem conuertatur. Dubitant autem quidam, quæ ratione ossa insensibilia naturalia ledantur à frigore. Verum ossa licet natura non sentiant, tamen non sunt affectus expertia, cū patiātur corruptionem, ea-

APHORISMORVM

dem ratione lapis licet non sentiat, tamen corrumpitur, & diminuitur. Rursus dubitatur, qua ratione Hipp. distinxit dentes ab ossibus, nunquid enim dentes non sunt ossa? Verū sciendum est dentes habere communem cum ossibus substantiam crassam, & terrestrem & siccam. In hoc autem differre, nam dentes sentiunt, ossa verò non sentiunt. Oportet autem hoc modo legere Aphr. frigidum inimicum ossibus, dentibus, nervis, cerebro, spinali medulla, ut id, quod dicitur, omni medullæ conueniat. Calidum autem vtile. Nam quibus nocet frigiditas, his cōducit caliditas. Verū oportet intelligere calidum non immoderatum, id enim exoluit virtutem, sed moderatum.

Quæcunque refrigerata sunt excalefacere oportet, exeptis his, quibus sanguis fluit, aut fluxurus est. 19.

In superiori Aphor. docebat calidum amicum esse ossibus & dentibus, hic autem reddit rationem quæcunq; (inquit) refrigerata sunt excalefacere oportet. Nam contraria contrarijs curantur: verū hoc faciendum est, nisi symptomata sequatur, tunc enim prohibetur curatio per contrarium, verbi causa excalefaciendus est aliquis, & prohibitus est: quoniam flu-

xurus

xurus est sanguis, eos igitur quibus fluxurus est sanguis calefacere non oportet, ne calidum fusionem faciens & rarefaciens vehementius noceat.

Vlceribus frigidum mordax, cute obdurat dolorem insupperabilem facit, liuorem obducit rigores febriles, conuulsione, distentiones.

20.

Vlceribus frigidum mordax, hoc est percussuum, non per se sed quodammodo per accidēs. Nam aer frigidus primo impetu condensat & comprimit: cum igitur cōcludantur ichores & acriores fiant mordent. Ideo mordax inuenitur frigidum. Præterea & cutem obdurat. Nam cū frigidum cōdenset meatus, retinetur superfluitates, quæ retentæ retrocedunt ad interiora & cū multiplicentur, faciunt plenitudinem ex qua contenditur cutis, & contentione obduratur. Facit etiam dolorem insuppurabilem, hoc est causas dolorem facientes, ex quibus vlcera non suppurantur, & ex hoc diuturnior dolor efficitur. Facit autem & liuores febriles, cōuulsiones, & distentiones. Cause autem superius dictæ sunt: verum illic supponebat hæc sine loco patiente, hic autem in loco affecto.

Est autem ubi in distentione sine vlce-

APHORISMORVM

ratione, iuvene bene carnosio, æstate media, frigidaë aque multa perfusio calorem rauocat, calor autem hæc soluit. 21.

In quibus raro conducatur calidum & frigidum, in hoc Aphor. & sequētib; docet, prius autem agit de frigido. Est (inquit) ubi frigidum distentionem sedat, verū non promiscue, sed si sine vlcere sit: si enim cum vlcere, non solum nihil conducit, verum etiam ledit. Nam frigidum vlcerebus est inimicum. Rursus si virtus sit robusta: nā si sit imbecilla, extinguitur. Hoc autem ostendit, cū dicat iuvene, & si egrotus sit bene carnosus: vt cū multum sit interual- lum non penetret ad interiora frigiditas, sed in superficie maneat, & si media æstate sit, vt continentis caliditas aliquid conferat. Si enim hoc modo se habeat, & multa pcrfusio aque frigida fiat, in distentione, curat ipsam. Cōdensat enim meatus frigidum, quibus condensatis, cū non inueniat exitum calidum innatum variè mouetur, & cū ex motu accēdatur, attenuat causas ex quibus orta est distentio, & ab ea egrotā- tem liberat.

Calidum suppuratorium non in omni vlcere, magnum ad securitatem, indicatiū, cutem mollit, extenuet, dolorem sedat, rigo-

rigores, conuulsiones & distentiones mitigat. Et ex ijs quæ ad caput attinent, eius soluit grauitatem. Plurimum autem confert ossium fracturis, sed nudis præcipuè, eorumq; maximè, qui in capite vlcera habent, & quæcumq; à frigore moriuntur, vel vlcerantur. Et repentibus, comesis, sedi, pudendis, vtero, vesicæ, his calidum amicum, & iudicans, frigidum inimicum, & perimens.

22.

Nunc agit de calido. Calidum (inquit) suppuratorium: nã frigidum suppurationem prohibet, præterea calidum rarefacit meatus, & materiarum fusionem facit, mutat & alterat, & concoquit, & adiuuat innatum calidum, & ideo suppuratorium est, verum nõ in omni vlcere, verum in compositis vlceribus. hoc est chironis, non est suppuratorium, immo grauius nocet. Calidum enim in vlceribus, in quibus fluit materia, auget fluxum ex alijs partibus ex quibus composita sunt, & etiã auget putredinem. Reliquũ est igitur vt in simplicibus vlceribus, suppuratorium sit calidũ, & magnũ iudicium ad securitatem. Nam pus signum est tutissimum in vlceribus cõcoctionis, ex q̃ futura sit sanitas. Cutẽ molit & extenuat, si plethoricũ sit corpus,

APHORISMORVM

fusionem faciens, cutem mollit difflatione. Dorem sedat, nam euacuat causas facientes dorem, conuulsionem, & distentionem mitigat. Nam procedit per affectum contrarietate. Præterea & rigores mitigat, quoniam euacuat, & diffilat causam facientem rigorem. Soluit autem capitis grauitatem, non omnem sed ea quæ vocatur τοῦ ὤφθου, quæ prouenit ex multis spiritibus, rarefacit enim meatus cutis, & diffilat spiritus, & sedat dolores capitis. Plurimum autem confert ossium fracturis, & maximè carne nudatis. Nam mitigat & fouet. Frigidum enim inimicum est ossibus, & ulceribus. Magis autem confert ulceribus in capite ob eandem causam. Et quæcunque à frigore moriuntur, vel ulcerantur, ut in hyeme calcanea, & digiti. A calido iuuantur ratione contrarietatis. Moriuntur autem, hoc est grauitate, & periculose se habent, & repentinis comesis, hoc est excedentibus. Hic autem conducit per accidens euacuatione flauæ bilis, ut fieri solet in ijs quæ ab igne cōbusta sunt. Præterea & fedi, & pudētis, & utero, & vesicæ. Si enim frigidum est inimicum dictis morbis, & perimens. Calidum igitur prodest, & soluit.

In his frigido utendum unde fluit sanguis. aut fluxurus est, nū ad ipsa, sed circa ipsa

ipsa vnde influit, & quæcunq; inflammationes, vel inflammina ad rubrum, & sub cruentum sanguine recenti tendunt: nā veteribus nigredinem affert, crysi pelasciam non vlceratum iuuat: nam exulceratum lædit.

23,

Hic Aphorismus docet prodesse frigidum his quibus fluit, vel fluxurus est sanguis, non ad motum partibus manantibus sanguine, vulneribus enim frigidum mordax, sed circa ipsas, maximè unde fluit ad vlcera. Sedat igitur frigidum fluxum sanguinis, cum condenset meatus, & faciat, vt materie non facile fluant. Et quæcunq; inflammationes, non solum inquit sanguinis fluxibus conducit frigidum, verum etiam inflammationibus, sed nō omnibus, sed his, quæ fiunt ex sanguine florido & tenui. Nam in his maior est feruor & accensio. Diuturnis enim inflammationibus à crassiori sanguine ortis frigidum nocet. Adhuc enim crassior efficitur materia, & hinc in grummos concrescit, & corrumpitur putrescēs, & nigredo insequitur. Iuuat autem & erysipelas non ulceratum, cum sedet feruorem, & acrimoniam bilis, & mitiget morsum. Vlceratum autem erysipelas lædit frigidum: nam vlceribus mordax est.

APHORISMORVM

Frigida qualis nix & glacies, pectori inimica. tusses mouent & sanguinem, & distillationem.

24.

Cum sermonem habuisset Hippocra. de calida & frigida aqua, nunc etiam ad alia frigida transfert orationem, frigida (inquit) qualis nix & glacies faciunt dolores pectoris tusses, sanguinis fluxum, & distillationes. Nam ubi nix, & glacies ibi frigidus aer, qui quidem in aequalitate, & intemperiem infert, faucibus, & aspera arteria, hinc tussis. Præterea ipso aer deferitur ad costas, & in ipsis dolorem facit: deinde cum transferatur ad toracem, condensat meatus uasorum & hinc repletionem facit. Repletionem autem tenduntur vasa, & disrumpuntur, & hinc prouenit fluxus sanguinis, postea frigiditas adherens immediate capiti ledit ipsum. Nam frigidum inimicum est ossibus, & nervis, cum igitur ledatur caput ob condensationem, & prohibita transpirationem retenta supersluitates defluunt & feruntur ad nares, & fauces, & palatum, & distillationem faciunt. Sciendum autem est Hipp. meminisse niuis, & glaciei, vel quoniam sæpe numero quidam cum sint iuuenes, & innato calido confidunt, utuntur ipsis vel quod in multis locis assidue sunt, & necessario per eas homi-

nes iter faciunt, & accidit in ipsis eiusmodi fieri affectiones.

Tumores articulorum atque dolores abq; vlcere, & podagricos quoq; conuulsa horum plurima frigida aqua large effusa leuat & extenuat, soluitq; dolorem, nā modicus torpor dolorem soluit. 25

Rursus laudat aquam frigidam, quæ fiunt (inquit) in articulis, & reliqua tumores iuuat, illos v3, qui fiunt à bile, vel à bilioso sanguine, quoniam feruorem mitiget, & morsum obtundat, verum non iuuat omnes, sed illos, qui sunt sine ulcere. Nam lædit eos qui sunt cum ulcere, cum frigidum sit inimicum vlceribus. Preterea & podagricos affectus leuat, v3 qui à flaua bile fiunt, eadem ratione, leuat etiam conuulsa, fluxum prohibens. Preterea non per se, sed per accidens iuuat, cum ab eo calidum innatum concludatur, & multiplicetur, & consumat causam facientem morbum. Conuulsum autem est solutio continuitatis fibrosæ substantiæ musculi integra manente superficie. Horum igitur plurima iuuat frigidum, & hoc aperuit, cum addidisset (plurima) vt quidam asserunt, nam conuulsa non iuuat nisi per accidens. Iuuat etiam alia, & hoc innuit, cum diceret

APHORISMORVM

(extenuat & leuat) ratione prohibendi fluxionem, & ipsam euacuandi. Cum autem superius docuerit frigidum facere dolorem, qui ex prohibita suppuratione prouenit, infert hunc dolorem ab eadem frigida solui, cum torporem generet. Torpor autem soluat dolorem, hoc est sedet & sensum obtundat.

Aqua, quæ cito refrigeratur, & cito calet, leuissima est. 26.

Hoc loco tradit Hip. rationem cognoscendi optimam aquam. Aqua (inquit) quæ cito calet & reliqua. Verbi causa si admoues aquam igni, & calefiat, & rursus postquam ab igne fuerit amota, cito frigefiat, leuissima est, hoc est facile alteratur, facile distribuitur, & facile permeat. Non enim pondere oportet astimare id quod leuissimum est ut idiotis videtur, sic quidem artificiose probatur. Vulgariter autem à visu, ab odore, à gustu.

Qui noctu bibere appetunt ijs ad modum sitientibus, si superdormierint, bonum. 27.

Hoc loco docet nos rationem curandi symptomatis, hoc est sitis. Ipsa autem sit in nocte, vel ob inopiam optimæ materiæ, vel ob caliditatem vini, vel ob ardentem febrem, vel ob multitudinem

itudinem nutrimentorum & maximè salso-
rum, vel ob bilem confluentem ad ventriculū.
Igitur ob quamlibet harum causarum valde
sitientes vti debēt, vel frigida vel calida aqua.
Ne autem vtentibus ipsa difficilia quedam su-
perueniāt, si superdormierint bonum. Fit enim
concoctio, & liberatio sitis. Si autem modica sit
sitis, vel ab igneo calore proueniens, cauendum
est, ne potionem exhibeamus, nisi sitis fiat ob sic-
citatem.

DE MVLLIERIBVS.

Suffitus aromatum muliebria ducit,
sæpius verò & ad alia utilis esset, nisi capi-
tis efficeret grauitatem. 28.

Nunc Hip. tradit morbos peculiare mulie-
rum, & horum curationem. Muliebrum (in-
quit) retentionem suffitus aromatum curat, ve-
rū illam, quæ prouenit ex obstructione cras-
sioris materiae, vel ex obsculis vasorum clausis,
vel ex condensatione ipsius causæ. Nam aer ex
aromatibus vt tenium partium, & calidus at-
tenuat, & rarefacit, & diffilat naturam facien-
tem obstructionem, & ideo prouocatur menses,
& aperiuntur ora vasorum, quæ clausa erant.
Suffitus autem nullo modo curat alias retetio-

nes, quæ proueniunt, uel ex humore consistente in matricis ipsius osculo, uel ex inclinatione colli ipsius matricis uel ex siccitate. ad alia autem etiam utilis esset ipse suffitus, hoc est ad exolutionem ipsius stomachi, & imbecillitatem uentriculi, & iecinoris, nisi capitis grauitatē efficeret, vapores enim ipsius ut tēiores ascēdūt ad caput, & implētes ipsum grauitatē faciunt.

Mulier utero, gerens sanguine misso ex uena, abortit, & magis, si foetus est maior.

Si mulier (inquit) in utero habeat foetum, misso sanguine ex uena abortit, nam foetus ex mensibus nutritur cum autem non inueniat unde nutriatur, fame conficitur, & mouetur, & dissoluitur, & excidit ex naturalibus uinculis, magis autem hoc contingit, si maior sit foetus, nam maiori indiget alimento, non inuenit autem ipso sanguine misso.

Mulierem utero gerentem capi ab aliquo morbo, letale est.

Rectē dixit ab aliquo acutorū Horum enim hi quidem sine febre, ut morbus comitialis, & apoplexia, hic autem cum febre, ut phrenitis, morbus lateralis. Si igitur mulier corripitur ab aliquo horū qui sunt sine febre, letale est, quoniam fieri non potest, ut ipsa agrotans resistat

vche-

vehementia ipsius morbi, ab aliquo autem horum qui sunt cum febre corripere pregnantem etiam letale est. Nam in ipsis extreme tenuissimo victu utendum est. Infans autem indiget nutrimento. Si igitur contemnens fœtum tollenda febre incumbens, eum interficiens. Si autem negliges febrem, cum saepe ingrauescat, mulierem & fœtum nocebis.

Mulierem sanguinē euolenti menstruis erumpentibus, solutio. 31.

Menstruis autem deficientibus sanguis ex naribus fluens, bonum. 32.

Hæc est Aphor. sententia si retentis menstruis mulier euomat sanguinem, postea superueniant ipsi mēstrua, & euacuata sint. sedatur vomitus, ratione translationis materiae. Si autem deficientibus menstruis sanguis ex naribus fluat bonum, quoniam euacuatur retenta materia, & non potest ledere.

Mulierem in vtero gerenti si alius plurimum profluat, periculum est ne abortiat.

Primum quidem quoniam nō sit distributio, & ideo iecur multum sanguinem non alterat, neque defertur ad matricem in alimentum, quo possit alii fœtus, quapropter fame confectus calcitrat, & reliquum est ut excidat: vel quoniam

APHORISMORVM

ea, quæ sunt circa materiam humectantur, & hac de causa cùm virtus continens sit imbecilla fit torpor quidam: vel quoniam cùm assiduè surgant, exoluuntur virtutes, & quum debilitantur, faciunt vt fœtus excidat.

Mulier, quæ vterinis molestat, aut difficulter parit, sternutatio superueniēs bonum. 35.

Vterinos affectus dicit matricis suffocationem, quæ corpus tantum non sine sensu & motu reddit. In his igitur si superueniat sternutamentum bonum, & vt signum & vt causa: vt signum quidem: quoniam ex absoluta immobilitate totius corporis natura motum aggreditur. Vt causa autem, nam cōcussionem facit sternutamentum, & ideo vnà cum nervosis partibus concutitur etiam matrix, quæ insurgit & expellit causas prohibentes transpirationem & facientes stragulationem, vel suffocationem. Hæc autem sunt vel sperma, vel retentio menstruum. Eadem ratione inuot etiam sternutamentum difficultatem pariendi, sed eam, quæ prouenit ex imbecillitate virtutis expulsua.

Mulier, menses decolores, nec per idē tempus semper venientes, indicant purgationem esse necessariam. 36.

De colores appellat multorum colorum, qui fiunt ex humoribus melācholicis, pituitosis, & biliosis. Si igitur eiusmodi mēses mulieri fiant, non autem secundum eadem, hoc est non secundum consuetum & præscriptū tempus, quo consuevit euacuari mulier. sed vel serius, vel tempestiuus euacuata sit, purgatione indigere significat, ut materia redundans vitiosa euacuetur.

Mulieri uterò gerenti si mamma graciles repente fiant, abortit. 37.

Si igitur repente, hoc est sine manifesta causa, graciles fiant mamma utero gerentis abortit. Nuntiant enim sanguinis inopiam, ex qua interficitur fœtus calcitrans, & disrumpens tunicas.

Mulieri uterò gerenti si altera mamma gracilis fiat geminos habenti, alterum abortit, & si quidem mamma dextra gracilis fiat, marem, si vero sinistra, foeminam.

Mas in dextro sinu matricis generatur, foemina in sinistro, quoniam dexter sinus calidior est magna ex parte sinistro. Hic autem frigidior dextro. Si igitur mulieri utero gerenti, & geminos habenti dextra māma gracilis fiat, marem abortit, quoniam ea, quæ sunt secundum

APHORISMORVM

rectam lineam, magis patiuntur. Si verò sinistra mamma, fœmina eadē causam: si autem ambae mammae graciles fiant, utrunq; à boertitatione inopiae alimentis. Cùm enim fame conficiantur fœtus calcitrant, & dilacerant nexus, & hoc modo mulier abortit.

Si mulier, quæ neq; grauida est, neq; peperit lac habet, huic menstrua defecerūt.

Nam retenta menstrua delata sunt per venas quæ appellantur αμφιμεσες ad mamas communionem habentes cum matrice, & quoniam mammae sunt adenses & albae ad earum naturam concoquunt & informāt ipsum sanguinē, & lac efficiunt. Si igitur non concoquunt, etiā si hoc fiat, & cùm non conceperint lac habeant, omnino menses defecerunt.

Quibuscunque mulieribus ad mamas sanguis colligitur, furorem significat. 40

Sanguis qui fertur ex venis quæ dicuntur αμφιμεσες ad mammæ lac fit si moderatus sit. Si autem copiosior sit, quam par est, non alteratur, quoniam multitudine virtutem mammarum exoluit. Reliquum igitur est ut maneat, & putrescat. Transmittuntur autem ex ipso vapores ad caput, & hac de causa peruertitur cerebrum & furor fit.

Si velis noscere an mulier conceperit, cum dormitura est, aquam mulsam potādam da, & si alui tormina patietur, concepit, si minus, non concepit. 41.

Hoc ostenditur iudicationem conceptionis, ipsa autem sit ex qua mulsa, verum cruda. Oportet igitur dare aquam mulsam iam cœnata mulieri, quum dormitura est, & sic ipsam iubere dormire, & si tormina fiant concepit, ex aqua enim mulsa ut calidiori fiunt spirituum distributiones circa ventriculum: quoniam autem matrix superiacet intestinis pluribus. Si mulier utero gerit, ob intumescentem uterum, spiritus ipsi firmanantur in intestinis, & intendunt ipsa, & hinc tormina tum patet eam cœcepisse. Si autem tormina nō fiant, sed pertranseunt & difflantur spiritus, non concepit.

Mulier si marem concepit benè colorata est, si vero fœminam, malè colorata. 42.

Benè colorata hoc loco intelligendū est, nō secundum naturam, sed ut in utero gerens. Si igitur mulier benè colorata sit, & utero gerat, marem concepit, quoniam mares magna ex parte calidiores sunt, & floridum habent colorem. Si autem malè colorata est, fœminā concepit, quoniam fœmina frigidiores sunt & malè colorata.

Si mulieris grauidæ, in vtero fit erysi-
pelas, lætale. 43

*Laborat enim ex loco propinquo fœtus, cum
hac passio fiat ex materia calida, & ut facile pa-
tiens, facile perit.*

Quæcunq; præter naturam tenues exi-
stentes vtero gerunt, abortiunt, priusquã
crassescant. 44

*Præter naturam supponit, quæ ex morbo ta-
les factæ sunt, vel fame excruciatæ. Hoc igitur
modo se habentes, si vtero gerant, abortiunt, quo-
niam matricis partes laborent inopia alimen-
ti. Reliquum est igitur ut fame confectus calci-
tret, laceret nexus, & exeat. Si autẽ crassescant,
non abortiunt ob alimenti copiam.*

Quæcunque mediocriter corpora ha-
bentes abortiunt, secundo aut tertio mē-
se sine occasione manifesta, ijs acetabula
uteri plena mucoris sunt, & non possunt
ex pondere fœtũ continere. Sed disrum-
puntur. 45

*Quæcunq; (inquit) mediocriter habentes
corpora vel secundo vel tertio mense abortiunt,
& reliqua Acetabula, id est membrana con-
firmantes apertiones vasorum mucoris plena
sunt, hoc est humoris pituitosi & viscosi, & hac
de*

de causa laxa & imbecilla fiunt. Reliquum est autem ut & virtus continens ipsius matricis debilitetur cum redūdet materia pituitosa. His igitur hoc modo se habentibus necesse est omnino abortire ipsas. Secundo autem vel tertio mēse, quoniam eo tempore fœtus habeat gravitatem. Acetabula autem, & virtus continens imbecille sint disposita.

Quæcunque præter naturam crassæ non concipiunt vtero, ijs omentum os vteri comprimit, & priusquam extenuentur, non concipiunt. 46.

Cum pertractasset de mulieribus præter naturam macilentis, nunc agit de ijs quæ sunt nimis corpulentæ, inquit enim eas non concipere, quoniam omnino semen non admittant, quum interius osculum matricis obstructū sit ab adipe, quem adipem vocavit omētum metaphori- ce. Omentum enim adiposum est: non igitur fieri potest ut concipiant prius quam extenuentur & ad mediocritatem veniant.

St vterus in coxam vergens suppuratur necesse est linamentum fieri. 47.

Vterum vocat matricem, ipsa autem habet colligationes dextras & sinistras, & ante, & retro, & superius, & inferius. Sape igitur sit in-

APHORISMORVM

flammatio circa unam ex colligationibus, quod si contingat hanc fieri circa unam ex his, quae sunt ad latera, hoc est circa bubones & coxam, fertur illuc matrix, & vergit ad illas partes, postea natura in pus transmutat, & hic abscessus exterius acuminatur circa cutem, & ab arte vel à natura disrumpitur. Restat autem ut necessarium sit linamentum fieri, hoc est opus sit per linea fila curationem fieri.

Fœtus mares quidem in dextris: foeminae verò in sinistris magis. 48

Matrix duo sinus habet dextrum & sinistrum: diuisos membrana quadam. In his igitur formatur fœtus, sed mares quidem in dextris, foeminae autem in sinistris. Nam mares calidiores sunt, ideò in dextro sinu, ut qui calidior sit, formantur. Foeminae autem frigidae, & ideò in frigidioribus. Calidiores quidem sunt dextri sinus ob caliditatem iecinoris. sed & dexter testis & sinus recipit purum sanguinem: sinister autem serosior, & ideò frigidior.

Ut secundae procidant sternutamentum imposito, & nares apprehendit & os. 49.

Curandum est, ut secundae procidant ob maximam utilitatem, ne permanētes putrescant,
&

& difficiles morbos generent post colliquationem, sternutatorium imposito naribus. Apprehende & os, ut spiritus ad inferiora descendens robore & conuissione sternutamenti faciat ut secunda percidant.

Mulieri utero gerenti, tenasmos superueniens abortire facit. 50.

Tenasmos est continuus & violentus motus & excretio humoris pituitosi & adiposi cū exiguo stercore & modico sanguine guttatim instillato. Fit autem in recto intestino ex pituita. Si mulieri utero gerenti & reliqua. Hoc autem accidit, cū assidue surgat, & ob magnam difficultatem excernendi.

Mulieri si velis menstrua cohibere, cucurbitulam quam maximam ad mamas appone. 51.

Hoc loco docet rationem curandi nimiam purgationem menstruorum. Est autem praesens remedium cucurbitula, quam ad mamas iubet apponi. Magnam autem ut vehementem faciat à matrice attractionem ad superiora per venas illis communes.

Quae utero gerunt, ijs os vteri comprimitur. 52.

Hoc necessario accidit, cū enim dilatentur

APHORISMORVM

interiora vteri facta conceptione, necesse est vteri osculum claudi, hoc est per angustum fieri. Oppositio enim modo se habent cavitates cum osculis.

Mulier i vtero gerenti, si lac multum è mammis effluat, foetum imbecillum significat, si verò mammae fuerint solidæ foetum saniozem significat. 53.

Antequam foetus in lucem procedat, conseruat natura lac in mammis, vt post partum copiosè nutriatur. Hoc igitur lac si sit mediocre, quod ad quantitatem attinet, benè se habere foetum indicat. Si autem multū sit & ex mammis effluat imbecillum esse fatū significat. Nam ex multitudine sanguinis, qui fertur ad matricem, exoluta est facultas foetus, & ideò maior copia delata est ad superiora. Præterea foetus cum natura sit imbecillus: nō potest alterare sanguinem, qui fertur ad ipsum, ut nutriatur: sed manet vt prius. & fertur ad mammas: ideò multum lac effluit. Si autem mammae ipsae sint solidae, hoc est non magna mole, sed mediocre lac in se continentes, sanum foetum indicant.

Quæ corrupturae sunt foetus, ijs mammae extenuantur, si vero rursus duræ fiant dolor aut mammas aut coxas, aut oculos infe-

infestabit, & non corrumpent.

54.

Hic Aphorismus indiget determinatione ut verus sit, hæc est autem eius sententia. Quæcunq; corrupturæ sunt fœtus alimenti inopia, ipsæ tenues mammas habent, & causa superius exposita est. Si autem rursus duræ fiant, fit dolor in dictis partibus. Ostenditur enim à matrice ad mammas deriuatum esse materiã multam, ex qua & duras contigit fieri mammas, deinde materia ut copiosa transfertur à mammis ad alias partes. Si quidem ad superiores, ad oculos, si autem ad medias, facit dolorem coxarum, si autem ad inferiores genuum. Reliquum est igitur ut fœtus non corrumpatur cū matrix idoneam habeant materiam.

Quibus os vteri durum est, ijs os vteri comprimi necessarium est.

55

Durum fit os vteri ob inflammationem, vel ob scirrhum. Quandoq; autem hoc contingit ob frigiditatem & siccitatem, quæ quidem necessario comprimunt os. Ipsa autem compressio differt ab ea, quæ fit ex conceptione. Quoniam illa mollis est: hæc autem dura. Durum autem & molle tactu cognoscere ad abstetricem pertinet.

Quicumque vtero gerentes à febris

APHORISMORVM

corripiuntur & fortiter calefiunt, sine occasione manifesta: difficulter pariunt, & periculose, vel abortiunt. 56.

Cum dicat (corripiuntur,) hoc est superantur, & (fortiter calefiunt) febrem continuā supponit. Si igitur mulier utero gerens à validissima febre corripiatur, periculū est ne abortiat, sine manifesta causa, hoc est necessaria. Primum quidem quoniam febris per seipsam periculosa est. Adhuc autem periculosior in corpore prius affecto, reliquum est igitur vel nutriatur causa fœtus, & hoc modo augebitur febris, vel nō nutriatur, & hoc grauius est. Abortiet enim inopia alimēti, vel difficulter & periculosè pariet, hoc est cum symptomate. Nā debilitata est virtus expulsiua: quamobrem non poterit expellere fœtum, vel febris consumpsit & expressit humiditatem, quæ lubricam & facilem uiam moliebatur pariendo fœtui.

In fluxu muliebri, si conuulsio & animi defectus superueniat, malum. 57.

Fluxus muliebris est immoderata mensium euacuatio serosior, & aquosior, quæ ex re sæpe contingit fieri animi defectum & conuulsionē. Nam simul euacuantur ea quæ sunt utilia cum inutilibus, & diffilatur vitalis spiritus, quæ ma-

la sunt. Nam indicant cerebrum quidem malè se habere, cor autem laborare in hac menstruorum euacuatione.

Si menstrua plura fiant accidunt morbi, & si non accidunt, ex utero morbi contingunt. 58.

Omnis enim excessus causa morbi est, sed dubitant quidam, cur in primo v3 in immoderata euacuatione sine determinatione dixit morbos contingere. In retentione autem menstruorum determinauit, & dixit locum patientem. Quoniam illic quidē quis sint morbi, ab utero non fiunt, ipse. n. purus permansit, sed à toto corpore, cū consecuta sit imbecillitas. In retentione autem menstruorū cū fiat putrefactio, principium continent morbi ab uteri putrefactione.

Recto intestino, aut utero inflammationem patiēte, urinæ stillicidium accidi. Et renibus purulentis, urinæ stillicidium acidit. Hepate aut inflammationem patiente, singultus aduenit. 59.

Rectum est intestinum, quoniā rectū iaceat, alia aut intestina in orbē iacent, appellatur aut etiā princeps, quoniā videatur esse principium intestinorū. Si igitur hoc inflammationem patiatur, sit urinæ stillicidium, vel quoniā vesica

APHORISMORVM

particeps est intemperiei; & soluitur uirtus cō-
 tentiua ipsius, uel quoniam angustius fit collum
 ipsius, & hac de causa guttatim emittitur uri-
 na. Verum si ulterius etiam inflammationem pa-
 tiatur, hoc idem accidit, uel quoniam trans-
 mittatur intemperies ad vesicam, uel quoniam
 uterus medium locum obtinet inter rectum in-
 testinam & vesicam. Si igitur in prioribus par-
 tibus inflammetur, quodam modo in vesicam
 impellitur, & angustius fit collū vesicæ, & gut-
 tatim emittitur urina. Si autem in interiori-
 bus inflammetur, ut ad lumbos versus, compri-
 muntur intestina, & retentionem stercoris ef-
 ficient. Et renibus quidem purulētis urina stil-
 licidium accidit. Nam sæpenumero tuberculum
 aliquod generatur in ipsis, & cum tempore
 putrescat, pus fertur ad vesicam, & acrimonia
 mordet. Morfu autem excitat assidue expulsi-
 uam uirtutem, & guttatum emittitur urina.
 Aestate etiam inflammationem faciente ad-
 uenit singultus, & maximè si contingat ipsum
 corpus hepatis inflammatione laborare. Nam
 ex inflammatione caliditas trahit ad seipsam
 humiditatem, quæ continetur in stomacho, qui
 hac de causa exiccatur, & ex siccitate conuelli-
 tur, ex quo singultus prouenit.

Si mulier non concipit scire autem velis, si conceptura sit, pannis circumtectā defubter suffias & si odor videatur per corpus ire ad nares, & os, scito, quod ipsa non ex seipsa sterilis est. 59.

Si (inquit) mulier non concipiat, non ex se ipsa sterilis existens, sed propter virum: scire autem velis, an conceptura sit, utendū est suffumento, quod est thus, spica nardi, casia, & styrax, & inijce in ipsum carbones, & in superiorem partem suffimenti impone eam, quæ vocatur choni, cuius superiorem partem subijce genitalibus ipsius mulieris, & sic suffias sedente ipsa in cathedra, & circumtectā pannis, & si quidem odor per interiora corporis feratur ad nares & os, corpus ab omni cacochymia est immune, & matrix, & bonam habet temperaturā. Si enim siccior sit temperatura, vel frigidior, vel prauos habeat humores, cōdensatio, vel frigiditas, vel cacochymia prohibebunt, ne odor ascendat ad nares & os. Si autem quis roget qua ratione hoc accadat, respondemus per venas, & per arterias, & per nervos, quemadmodum ipse aperuit in Aphorismis, unā nempe totius corporis conspiratio, & omnia membra simul patiuntur.

APHORISMORVM

Si mulieri vtero gerenti purgationes eant, fieri non potest vt foetus sic sanus. 60

Hæc est Aphor. sententia, si mulieri postq̃ conceperit, purgationes eant, fieri nō pōt, vt fœtus sit sanus, & merito. primum quidē, quoniā fœtus substātia corrūpitur: secundo loco quoniā ex euacuatione menstruorum laborat fœtus inopia alimenti, & idē non pōt rectē se habere. Si quis autem dicat vsu compertum esse purgari mulieres & vsq; ad quintum, & sextum mensem, & idē fœtum non ladi. Sciendum est purgari quidem si contingat eam esse plethoricam, & non ladi fœtum, quoniam mediocris sit purgatio. Hoc autem loco cū dicat (eant) supponit multam euacuationem. Nam hoc verbū & multitudinem, & diuturnitatem temporis significat, quæ quidem ambo (vt dictum est) difficilia sunt. Rursus dubitant quidam, qua ratione fiat euacuatio mensium, in his quæ conceperunt, cū clausum sit os vteri, vt neq; acumen acus recipiat, dicimus per os vteri purgari, habet. n. in superficie membranas quasdam, sed & per collū vteri, quemadmodum & virgines, cū aperiātur vena, quæ in ipso enascuntur, & fiunt.

Si mulieri cessent purgationes, neq; rigor, neque febris superueniat, & fastidia

inci

incidāt, indicat ipsam in vtero habere. 6r.

Si enim neq, rigore, neq, febre superueniēte, neq, inflammatione purgationes nō eant, ipsa videlicet concepit. Verūm si & fastidia incidāt, hoc est alienatio, orexis stomachi, quæ sit ab humorum varietate, quæ & pica dicitur, tunc enim ostēdi ab omni corpore ferri sanguinem in matricem ob nutriendum fætum.

Quæcunque frigidos, & spissos vteros habent, non concipiunt, & quæcūque præhumidos, non concipiunt, extinguuntur enim in eis genitura. Et quæcunq; siccos magis, & adurentes: nam ex defectu alimenti corrumpitur semen. Quæcunq; verò ex vtrisq; mediocrem habent temperaturam, eæ fœcundæ sunt. 62

Duas causas tradit Hip. ex quibus nō fit cōceptio, inquit igitur eas non concipere, quæ frigidos habent vteros. Nam frigiditas nō trahit ad se semen, & quæ præhumidos habent vteros, quoniam extinguuntur semen, ut in arenosa terra fieri solet, & quæ vteros habent magis siccos, & adurentes. Nam alimenti inopia semen corrumpitur, siccitas. n. consumit, & diffilat caliditas: cū igitur sint quatuor intēperies, duæ sunt oppositiones: prima qdē frigiditas & caliditas:

APHORISMORVM

ſacunda autem ſiccitas & humiditas. Riliquū eſt igitur, vt illæ ſint ſæcunda, quæ ex ambabus his oppoſitionibus temperaturam mediocrem ſortitæ ſunt, poſſumus etiam alio modo intelligere, ex ambabus, hoc eſt ex temperatura viri, & mulieris, vt ſi calidior ſit vir, ſæmina frigidior, vel econuerſo, vt ſit ſymmetria, & ex hoc ſæcunditas.

Similiter autem & in maribus, aut enim propter corporis raritatem ſpiritus extra fertur, & ſemen non transmittitur ad os. Vel propter ſpiſſitudinem humor non exit foras, vel propter frigiditatem non concaleſcit, ita vt ad hunc colligatur locum, vel propter celiditatem hoc idem accidit.

64

Galenus exiſtimat eſſe adulterinum præſentem Aphoriſmum. Si enim eſſet Hipp. oportet eiſdem de cauſis, quas in mulieribus adduxerat in ſæcundū eſſe marem, & maximè cum dixerit (ſimiliter autē.) Verūm ſi videtur connumerandus inter eos qui ſunt Hipp. hoc pacto exponēdus eſt. Si mas ob nimiam diſflationem non poſſit eiaculari ſemen ad ſinus matricis, & hac de cauſa ſit in ſæcundus, & ſi ſccus ſit condensationem patiens. Condensatione autem &

siccitate non sit excretio seminis, & hac de causa sterilis sit. Præterea si frigidus sit, mortuum enim habet semen, & non calefit ut colligatur in loco matricis, & ex eo generetur aial. Præterea si calidior sit, hoc idem accidit, semen enim ut calidius non potest colligi, & formari. Reliquum est igitur ut hi sint fœcundi, qui sortiti sunt temperaturã ex ambabus oppositionibus, ut dictum est.

Lac dare caput dolētibus malū, malum verò & febricitantibus, & quibus præcordia suspensa murmurāt, & siticulosus. Malum autem et quibus in febribus biliosæ deiectiones, & quibus sanguinis multi deiectiones facta est. Conuenit autem & tabidis dare, qui non valdè febricitant, & in febribus longis, & paruis, si nullum ex supradictis signum affuerit, & præter rationem consumptis.

65.

Lac triplicem habet substantiam caseosam, oleosam, & serosam. Et caseus quidem est pus ipsius crassa, et frigida. Oleum autem calida. Serum autem est subtilium partium, et quod facile fluat, sed quidam decepti sunt, nullo modo volentes ipsum ladere, cum facile alteretur. Idcirco volens Hipp. excludere hanc opinionem,

APHORISMORVM

colligit mala, quæ ex ipso proueniant. Primum inquit lac plurimum ledere caput dolentes. Nā ipsum generat flatuosos spiritus, qui crudi sunt, & augent dolorem capitis. Verum non totū lac hoc facit, verum caseus, malū etiā febricitantibus, verum acute, quoniā non cōcoctus addat aliquid materiae, vel quoniā ob partem oleosam ipsius, & calidum, augeatur febris. Malū autē, & præcordia murmurantia habentibus, verū & hoc loco caseus qui non est concoctus, & generat spiritus, qui augent affectionem: malū autē & sitientibus, verum serum ut calidū. Malū autem & biliosas deiectiones habētibus, & maxime si sint cum acutis febribus. Primum quidē ob eius serosam partem, quæ irritat ad excernēdum, deinde ob eius oleosam partem. Malum autē, & quibus sanguinis multi excretio facta est, quoniam multo euacuato sanguine naturales partes debilitatae sunt, exhibitum igitur lac ob crassitiem non concoquitur: quum autē non concoquatur magnorum malorum autor erit. Cū autem exposuisset lactis malitiā, nunc transit ad eius bonitatem commemorādam. Inquit igitur conducere tabidis, & non valdē febricitantibus: verum & hoc loco serosam eius partē intellige. Purgat enim pus, quod est in pulmone.

Cūm

Cum igitur hoc purgetur, magno afficiuntur beneficio: quandoq; aut & sanatus vlceris, uel quoniam ipsum lac aut humidum & q̃ facile distribuatut nutrit corpus, conducit etiam febribus longis, & paruis, ex hoc innuit heceticas febres: verum si nihil adsit eorum, quæ superius dicta sunt signorum, hoc est dolores capitis, suspensa præcordia. Nam siccitas supponitur in corpore. Lac igitur propria ipsius caliditate inflamat ipsius humorem: & conducit.

Quibus tumores in vlceribus apparerent non conuelluntur maxime, neq; insaniunt verum his euanescentibus de repente quibusdam à tergo conuulsiones, & distentiones fiunt, quibusdem autem ante, insania, vel dolor lateris acutus, vel suppuratio, vel difficultas intestinorum, si tumores sunt rubicundi.

65

Rursus Hip. tradit rationem cognoscendi affectus, quibus (inquit) tumores in vlceribus fiunt, & reliqua quoniam liberantur ab ipsa materia interiores partes, & hac de causa neq; insania, neq; conuulsio sequitur. Verum hoc fiet si secundum proportionem vlceris fiet tumor. Hunc autem tumorem, quando in posterioribus partibus sint vlcera, hoc est in dorso, si contingat. Cum ap.

paruerit statim euanescere, hoc est sine manifesta causa, non causa medicamēti, q̄ dissolauerit, nō fluxu sanguinis, materia delata ad interius genus neruosum, vel ad spinales musculos, & re plens ipsos, conuulsiones facit & distentiones. Quando autem in prioribus partibus est ulcus. Accidat autem iustum tumorem fieri, & statim euanescere, patet ad nobiles partes delatam esse materiam, & siquidem ad cerebrum, quoniam sanguinea & acris est materia, facit delirium, & insaniam, uel ad membranam succingentem costas, & facit laterum dolores & inflammationes. Sæpenumero autem & materia in pus conuertitur, et fertur ad vacuos locos, et fit suppuratio. Si autem translatio fiat ad ventriculum, et ad intestina: facit eam difficultatem intestinorum, qua vocatur sanguinea. Hoc autem manifestum est ex eo, quod dicit, (si rubicundi sunt) tumores.

Si in vulneribus fortibus & prauis tumor non appereat ingens malum. 67.

In proximo Aphor. reijciebat tumores, qui statim euanescerent, nunc autem reijcit, cū nulli omnino tumores appareant in prauis vylneribus. Indubitata enim est suspitio ne humores confluentes ad vulnera trāslati sint ab his partibus

tibus ad nobiliores. Reliquum est autem, ut ingens apponatur ad malum, non ut quidam dicunt ad tumorem.

Molles boni, crudi verò mali. 68.

Molles v3 tumores boni, ut concoctionem ostendentes. Crudi autem difficiles, ut inconcocti, & magis nigri boni: quoniam indigent dominium naturæ. Inconcocti autem difficiles, quoniam nondum insurrexit natura ad alterationem.

Dolenti partem corporis posteriorem in fronte recta vena incisa prodest. 69.

Dolorem capitis sanat Hip. ad curationem enim attinet Aphor. Dolor autem capitis fit vel præcipuo affectu, quando materia in illo continetur, vel per consensum, quum materia delata est ad caput, vel ab omni corpore repleto, vel à parte. Hoc igitur loco supponit eum dolorem capitis, qui fit affectu primario, & ipsum curat incidens venam rectam quæ est in capite. Ipsa autem quum iudicatur apertè sanat eos, quibus posterior pars capitis dolet ratione auersionis & translationis materiæ.

Rigores incipiunt, mulieribus quidem ex lumbi magis & per dorsum, ad caput, sed et viris parte corporis posterioris ma-

gis quam anteriori, velut si foemorum, cabit si, sed & cuttis rara, inditio autem est pilus. 70

Rigores vocat non compositos, qui constant ex concussione & refrigeratione, sed eos qui solum ex refrigeratione, hos igitur mulieribus magis ex lumbo & dorso incipere, contingit, ex lumbis quidem, quoniam frigidissimus est locus, ut valdè nervosus: deinde ex dorso, quoniam diffundatur frigiditas per cōtinuum, & hinc transmittatur ad cerebrum, hinc fit uniuersalis refrigeratio. Hominibus autem contingit posteriore parte corporis magis fieri, quam anteriori corporis, ut cubitorum & fæmoris. Posteriores enim partes corporis ut nervosa frigida sunt: ut frigide autē faciliores sunt ut in uniuersum refrigerentur. Si quis autem dubitaret qua de causa partes anteriores sint calidiores posterioribus, causam adfert Hip. Nam anteriores partes rariorem habent cutem, rarefactio autem prouenit ex caliditate. Rationem autem esse ostēdit pilus, omnino enim in anterioribus partibus enascitur pilus non alia ratione, quam rarefactione meatuum.

A cartanis capti non admodum à conuulsionibus capiuntur, si vero prius capiuntur

antur, & quartana superuenerit, liberantur. 71.

Cum dixit (capiuntur) conuulsionem à multitudine ostendit ipsum enim verbum extensionem temporis significat. Sermo igitur est de ea conuulsione, quæ ex plenitudine est: hæc enim in diuturnum tempus protrahitur. Has igitur conuulsiones quartana non solum non permittit fieri, verum etiã si fiant & illa superueniat, soluuntur. Nã quartana excernit & concoquit humorem crassum & pituitosum. Excernit autem rigore, concoquit autem ratione caliditatis febrilis, quæ superuenit regori.

Quibus cutes circumeduntur aridæ & siccæ, sine sudore moriuntur. Quibus vero raræ, & laxæ, cū sudore moriuntur. 72.

Hæc eius sententia. In his qui iudicandi sunt & absoluendi vel ad sanitatem, uel ad mortem. In quibus quidem cutes sunt aridæ & laxæ, hoc est exiccata, sine sudore absoluuntur, & si quidem facilis tollerantia consequatur ad sanitatem: si verò difficilis, ad mortem. In quibus autem laxæ & raræ, cum sudore absoluuntur. Si quidem facile ferunt, ad sanitatem: si autem difficulter ad mortem. Sed illi quidem sine sudore absoluuntur ob inopiã humiditatis, hi autem cum

sudore, ob contrariam causam.

Qui regio morbo laborant non multū
ventosi sunt. 73.

*Morbo Regio laborantes appellat eos, qui
ad Regium morbum naturalem habēt inclina-
tionem, vt tabidos qui ad tabem, ij quidem ca-
lidiores sunt. Rursus autem flatuosos appellat
eos qui abundant spiritibus ob pituitosum &
frigidum humorem: hoc autem (non valdè,) id
est quod non omnino. Flatus enim à frigida ma-
teria fiunt, hi autem calidissimi supponuntur.
Caliditas autem non generat flatus, si autem ge-
nerat, etiam ipsos difflat: verum non multum
flatuosi sunt, hoc est non omnino. Cōtingit enim
& in ipsis aliquando generari flatus ex imbe-
cillitate partium, quæ ad nutritionem
attinent, quibus egrotantibus ci-*

*bi non concoquuntur, & fla-
tus generantur, &
ideò flatuosi
sunt.*



PHILOTHEI COMMENTARIA IN SEXTVM APHORISMORVM Hippocratis, LVDOVICO CORADO interprete.

In longis leuitatibus intestinorum, si ructus acidus fiat, qui prius non erat, signum bonum. I.

IN hoc Aphor. agit Hip. de superuenientibus. Superueniens autem quadruplici ratione dicitur, vel enim morbus morbo, ut morbo laterali febris superuenit, vel morbo symptoma, ut febris dolor capitis, vel symptomasi morbus, ut dolori capitis siccitas vel symptomasi symptoma, ut vigilia dolor capitis. Supponit igitur morbum, quæ est leuitas intestinorum, & ex morbo superueniens symptoma, qui est ructus acidus. Verum ipsa leuitas intestinorum prouenit vel ab ulcere, quod est in superficie intestinorum, vel ab imbecillitate continentis uirtutis per intemperiem frigidam extinguentem ipsam, vel ab humore frigido redundante, & hoc ipsum faciente. Hoc igitur loco sermo est Hipp. de ea leuitate intestinorum,

APHORISMORVM

qua prouenit ex imbecillitate continentis virtutis: ipsa enim si etiam simul est assidus ructus procedente affectu statim sedatur. In hac igitur longa intestinorum leuitate, si ructus acidus superueniat, cum is prius fieri nō posset, signum bonum, ab aperta lesione in obscuram transmzatus est morbus, & ab absoluta cruditate ad aliquam concoctionem venit. Nam cū leuitas intestinorum fiat ex intemperie frigida, qua est in ventriculo & in intestinis, & extinguat facultates, facit ut nulla omnino fiat concoctio. Igitur cū apparuerit ructus acidus bonum est signum, tanquam in parte sit concoctio, fiat lesio ex eo q̄ ex aliqua parte non est concoctum, & iam apertum est cibum mutationis principium accipere.

Quibus nares natura humidiores, & genitura humidior, minus integra sanitate fruuntur, quibus vero contraria salubrius degunt. 2.

Cū dicat (nares humidiores) cerebrum inuit, cū autem (genitura humidior) totum corpus. Quibus igitur cerebrum humidum, & eodem modo totū corpus, minus integra fruuntur sanitate. Multa enim humiditas in cerebro, vel superat ipsum, & fiunt gruitates capi-

tis: morbi comitiales, vel expellitur ab ipso vel ad sensus, & ipsos lædit, vel ad fauces, & parit distillationes, vel ad inferiores partes, & varios morbos generat. Si autē in toto corpore humiditas est, fiunt febres ex putredine, & morbi ex eo prouenientes. Reliqui autem quibus neque nares humide, neque humida genitura, salubrius degunt, cū careant superfluitatibus, vel quoniam (vt alibi dictum est) squallores pluuiis sunt salubriores.

In longis difficultatibus intestinorum inedia ex fastidio, malum, & cum febre, peius. 3.

Difficultas intestinorum est ulceratio intestinorum. Si ergo ipsi diuturna superueniat inedia, hoc est absoluta inappetentia, malum. Ostendit enim extinctionem earum facultatum, quæ ad nutritionem attinent per consensum. Si autem & febris sit adhuc peius, ostenditur enim putredinem esse in ulceribus, vel iustam inflammationem.

Vlcera circumglabra praua sunt. 4.

Circumglabra vlcera vocat ea quæ sunt inæqualia & pilis nudata. Hoc igitur circumglabra vlcera mali moris sunt. Nā difficulter ad cicatricē perueniūt, cū humor vitiosus in interio-

APHORISMORVM

ribus partibus existēs radices pilorum incidat, ut in salsa terra herbas.

Dolores qui sunt in lateribus, & pectoribus atque alijs partibus, an multum differant, perdiscendum. 5.

Cū sciat Hip. fundamētum curationis esse cognitionē morbi, magnopere laboratur ipsum cognoscamus, & nunc quidem ex loco & ex dolore rationem cognoscendi tradit. A doloribus (inquit) perficiendum est an multum differant, vel ratione loci patiētis, vel ratione morbi, vel ratione cause, siue in latere, siue in pectore, siue in alia parte sit dolor. Cū enim in lateribus sit dolor, si quidem dolor sit pūgitiuus indicatur affectio membranae succingentis costas. Si autem cum sensu grauitatis, musculi & nervosa pars. Et si quidem dolor sit magis pungitiuus, materia est mordens. Si autem maior est sensus grauitatis, humor est crassus & pituitosus, & si quidem magnus est dolor indicat magnum esse morbum. Si verò paruus, paruum. Idem igitur & de reliquis partibus dictum sit.

Renum & vesicæ vitia in senioribus difficulter sanantur. 6.

Vitia appellat vlcera, inflammationes & quamlibet aliam affectionē. Hac igitur in vtra
duarum

duarum partium, hoc est vesica & renum generentur, magno negotio sanantur, hoc est difficiliter, quoniam ipsæ affectiones indigēt quiete. Opus autem renum & vesicæ nunquam cessat. Præterea quoniam ipsæ partes infestentur acrimonia earum superfluitatum quæ per ipsas euacuantur. Difficilimè autem sanantur in senibus ob imbecillitatem facultatis eorum.

Dolores ventris & tumores sublimes leuiores, qui verò non sublimes, fortiores.

7.

Ventrem dicit eum, in quem cibi ingeruntur. Tumorem autem omnē molem, qui autem sublimes fiunt, appellat eos, qui sunt circa abdomen, hoc est circa musculos, qui sunt iuxta imū ventrem & cutem, non sublimes autem, qui sunt circa ipsum ventrem & intestina. Quicunque igitur dolores & tumores circa ventrem fiunt, leuiores sunt, hoc est mitiores, qui verò non sublimes sunt, fortiores sunt, cum in nobilioribus partibus prouexiant.

Aqua inter cutem laborantibus vlcera in corpore facta difficulter sanantur. 8.

In ea quidem, quæ anasarca vocatur, quoniam ad cicatricem non perueniant vlcera ob redundantem humiditatem. Vlcera enim siccis

APHORISMORVM

magis gaudent. In ea autem quæ vocatur à
leite, & in ea quæ vocatur tympanita, non ob
redundantiam humidi, sed quoniam imbecilla
sint facultates, cum corpus non nutriatur, vel
quoniã acrior sit humiditas nature inseruiens.

Latæ pustulæ non admodũ pruriunt. 9.

Pustularum siue tuberculorum, aliqua qui-
dem acutiores aliæ autem latiores. Acutiores
igitur pustulas & tubercula & calidissimus &
acutissimus humor efficit qua de causa & mor-
dentes pruriunt, latæ autem hoc est humiles nõ
admodum pruriunt, quoniam humor ipsas effi-
ciens, cum pituitosus sit, minus habet acrimo-
nie.

Caput dolenti et circumdolenti, pus
vel aqua, vel sanguis efluens per nares, aut
aures, aut os, morbum soluit. 10.

Nunc ex duabus formis doloris capitis, exer-
cet nos in eo qui est proprie ipsius capitis, & sup-
ponit illum prouenire ex materia. quæ est in ca-
pite, sed dolor quidem in parte iudicat vel abs-
cessum vel inflammationem. dolor autem in to-
to capite spirituum vel humiditatis abundan-
tiam, & si quidẽ pus effluit soluit colorem capi-
tis in parte, verum non omnem, sed eum qui est
ex abscessu, si autem aqua vel sanguis soluit do-
lorem

lorem capitis qui est in toto, verum non omnem sed cum qua est ex multitudine humiditatis causa enim faciens dolorem capitis euacuatur, & expellitur.

Ara bile vexatis & renum passionibus hæc morrhoides superuenientes, bonum.

II

Melancholici abundantia humoris melancholici perturbantur. Laborantes autem renum passionibus crassa & feculenta materia. In ipsis autem hæmorrhoides cum fiant, iure bonum est quoniam euocant, tanquam fecē, à qua magnopere ladebantur.

A diuturnis hæmorrhoidibus sanato si vna non seruatur, periculum est aquam intercotem vel tabem aduenire.

12.

Cum hepær transmittit ad hæmorrhoidas sanguinem feculentum & melancholicum, cum apertæ sint, ipsum auacuant. Si igitur quis prohibebit ne illac feratur sanguis, & maxime cum diu latus sit, si ocludantur venæ, vel ad cicatricem perducantur, bonum est: quoniam sanguis euacuatus immodice infert animi defectum, & alia difficilia, verū contra, si retineatur sanguis, tabes uel aqua interius efficitur

APHORISMORVM

Si enim diuturnæ sint hæmorrhoides, quoniam materiam hunc naturalem impetum accepit, ut illuc ferretur, & natura consuevit ex ea parte purgare superfluitates, cum nuper prohibita sit, impedimentum illud durum efficiet hæpar ex multitudine, & extinguet caliditatem qua in ipso est, & prohibebit ne sanguis generetur, & ex hoc aquam inter cutem generabit. Præterea & rarem cum materia per hæpar ad pulmonem transeat, quæ cū illuc peruenerit, rumpit venulam illam & tabem facit. Reliquum est igitur, ut etiam unam oporteat relinquere, nec omnes sanare, ut per ipsam euacuatur feculenta pars, & cacoehymia hepatis, ne difficilima affectiones fiant.

A singultu habitum superueniens sternutatio liberat.

13

Singultus est motus conuulsivus stomachi. Fit autem vel ab euacuatione, vel à repletionem, ut & conuulsio. Nunc autem etiam supponit singultum à repletionem. Si (inquit) sternutatio superueniat, liberat agrotum à singultu. Nam concutitur cerebrum, & totū corpus, maximè autem stomachus, ob nervorum abundantiam, vehementi autem concussione excluduntur, & euacuantur humiditates, quæ erant in stomacho
singul-

singultum efficientes.

Ab aqua intercutem habito, si aqua per venas in ventrem defluerit, soluitur morbus. 14

Hoc loco inquit si sit aqua intercus, & maxime ascite, & multa aqua defluat, ex naturalibus vasis hepatis, hoc est portis ad intestina, & per hac deferatur, liberatur agrotus ab aqua intercutem. Nam nihil amplius accidit illi humido, quod uere est in medio abdominis & intestinorum, cum sit euacuata: sed potius sperandum est illud etiam tempore difflandum esse, cum amplius augeri non possit. Sciendum autem est Hip. ipsum hepatis venas vocauisse, cum à parte totum indicauerit. Etenim hepatis est uenarum principium, & ab ipso enascuntur.

Alongi alui profluvio habito, spontaneus vomitus superueniens, bonum. 15.

Spontaneum vocat eum, qui est sine manifesta causa, hoc est cum Medicus nullo modo ipsum excitauerit, sed naturæ prouidentia. Si igitur subiacente alui profluvio diuturno sine manifesta causa consequitur morbus, soluit ipsum alui profluvium ratione auersionis.

Amorbo laterali vel pulmonia habito alui profluvium superueniens, malum. 16

APHORISMORVM

Cum dicat (habito) ostendit vehementer affligi agrotantem, si igitur hoc modo affecto alui profluuiū superueniat, malam, ostenditur enim iecur affectum esse una cum organis inseruientibus respirationi, cum enim eo in loco non fiat alimenti alteratio, ob imbecilitatem consecutum est alui profluuium. Hoc modo igitur alui profluuium malum est his, qui ab eiusmodi morbis vehementer affliguntur, in his enim, qui mediocriter sunt affecti aliquando contingit ut bonum sit ratione translationis.

Lipientem alui profluuiū corripit, bonum. 19.

Bonum est non ut signum sed ut causa, redundans enim & faciens lippitudinem euacuatur. Simul etiam ad inferiora euertitur, cū igitur euacuetur bonum est.

Vesica discissa, aut cerebro, aut septo, aut aliquo ex tenuioribus intestinis, aut ventriculo, aut iecore, lætale est. 20.

Cum igitur dicat (discissa) ostendit diuisionē ad interiora. In quacunque igitur harum partium quæ dicta sunt diuisio ad interiora fiat, lætale est, quoniam in nulla harum partium ad cicatricem perueniatur, semper enim euacuantur hæ partes. quoad natura non quiescat, ut ad

cicatricem perducatur, hoc autem fieri non potest, quin immo cicatricem præuenit mors ob dignitatem pertium. Dubitant autem quidam, quæ ratione in extractione calculi, cum per medium diuidatur vesica non corrumpatur animal verum non diuiditur vesica, sed collum vesica, quod & carnosum est, & ideo non interit animal.

Cum discissum fuerit os, aut cartilago, vel neruus, aut genæ particula tenuis, vel præputium, neque augetur, neque coalescit. 21

Augmentum est repletio eius, quæ dicitur, symphysis aut labrorum distantium conglutinatio. in quacumque, igitur harum partium per medium fiat diuisio, merito neque augetur neque coalescit ossa quidem ob excessum siccitatis, ut semper radicem non habentia, reliquæ autem partes non solum quia nervosa sunt, & tenues, sed etiam quoniam eorum labra distent, & cum inuicem perforantur, neque parum, neque omnino dicere possumus, quod coalescant, cum ex semine generata sint. Sciendum autem est genæ tenuem esse particulam, cutem mediam inter mandibulam superiorem & inferiorem, iuxta quam est musculosa latitudo, præputium autem extremum glandis.

Si in ventrem sanguis præter naturam effluxerit, necesse est suppurati. 22.

APHORISMORVM

Nonnulli codices habent articulum, nonnulli autem non habent, & si quidem habent, de eo ventre sermo est, in quem ingeruntur cibi, si autem non habent, de omni cavitae. In utroque autem verus est sermo. Cum enim effundatur, corrumpitur. Nam sanguis genitura, & lac extra propria vasa in grummos degenerant & putrescunt.

In infanientibus si varices vel hæmorrhoides superuenerint, insaniam solutio. 23

Nunc insaniam vocat melancholiam, quæ ab humore melancholico provenit, quæ enim propriè insania est, priuatio discursus, quæ fit ab atria bile. Subiacente igitur atra bile, si varices, & reliqua, fit insaniam solutio ratione excretionis ipsius humoris, & translationis. Et translatio quidem ostenditur ex varicibus, excretio enim & hæmorrhoidibus.

Quæcunque dolentia, & rupta ex dorso ad cubitum descendunt, venæ sectio vitæ.

24

Hoc loco inquit si fiat dolor, & reliqua, oportere secare venam, quæ est in cubito: nam fluxit materia, quam oportet euacuare per convenientes locos. Si quis autem querat quomodo descendat ruptio ex dorso in cubitum. Sciendum est

Hip.

Hip. dicere non ruptionem, sed dolores per consensum descendere, cum materia illac conuertatur.

Si timor atq; mæstitia longo tempore perseuerēt, ex eo atra bilis significatur. 25.

Melancholicus humor caliginosus aggrauat spiritum animale, q̄ est in capite, cum per vapores deferatur, & facit timorem, facit etiā merorem, refrigerat innatum calidum, ut autem crassus cōsistentia etiam diuturnos morbos significat, si igitur timor & mæstitia multo tēpore obtineant, iure hoc melancholicum est, & hac de causa arte quadam prædicit hunc melancholicum euasurum patiente cerebro, cum ad ipsum deferatur humor melancholicus.

Si quod intestinorum gracilium discindatur non cohalescit. 26.

Causa dicta est in euo Aphoris. cuius inicium cum discussum fuerit os.

Erysipelas ab exterioribus verti ad interiora, non est bonum, ab interioribus autem verti ad exteriora, bonum. 27.

Non erysipelas solum, sed quilibet alius affectus ab interioribus ad exteriora conuersus, bonus est, quoniam in ignobiles partes translatio fiat, illud autē malum, quoniam ab ignobiliori-

bus partibus ad nobiliores trāslata est materia.

Qui in febribus ardentibus tremores
fiunt delirio soluuntur. 28.

Triapincipia sunt in corpore cerebrum, cor,
hepar, & nobilissimum quidem est cerebrum,
nobilius autem cor nobile vero hepar, & ex ce-
rebro quidem nervi, ex corde arteria ex hepate
vena, quam ob rem nervos ut nobiliores natura
in interioribus collocavit, venas autem ut igno-
biliores in superficie, arterias autem in medio.
His igitur sic se habentibus si in ardentibus fe-
bribus dolores fiant delirio soluuntur, causæ e-
nim morbum facientes in nervis quidem sunt,
ex quibus tremores, & mentis alienatio, hoc est
delirium principij est. quod simul patitur, verū
solvit delirium in malo, quoniam principales
partes recipiunt materiam.

Quicumque suppurati, aut aquam in-
ter cutem patientes secantur aut vruntur,
si pus aut aqua vniuersim effluxerit om-
nes moriuntur. 29

Hic Aphor. rationem curandi tradit, &
ad manuum operationē attinet. Suppurati sunt
qui copiosum pus habent collectum in vacuita-
tibus thoracis, aquam intercutē patientes sunt
illi qui habent humidum in medio abdominis

& intestinorum. Hi igitur cū secantur, si vniuersim euacuantur, omnino moriuntur, nam subita mutationes periculosa sunt, ut dissoluentes facultatem, vel quoniam in vniuersa euacuatione euacuantur spiritus animalis. s. & vitalis ex quibus sequitur mors. Hac de causa non oportet vniuersalem esse hanc euacuationem, sed in proportionē virtutis.

Eunuchi neq; podagra laborant, neque calui fiunt. 30.

Non laborant quidem podagra, quoniam in ipsis non fiat ebullitio materiae & motus, ex quo consuevit natura insurgere et expellere materiam ad ignobiliores partes, hoc est ad pedes hoc autem fit, nam veneris non vtuntur, non caluescunt autem, quoniam similes fœminis sunt & habent multam humiditatē redundantem & confluentē ad pilos, ex qua pili nutriuntur, & irrigantur. Eunuchi autem nostri temporis & podagra laborāt & calui fiunt ob otium, & luxū, & ob ingentem vini, quod potant, ardo rem.

Mulier podagra non laborat, nisi menstrua defecerint. 31

Mulieres podagra non laborant, quoniam euacuatione menstruorum non habent abundantiam humorum, si autem cōtingat ipsis retineri

APHORISMORVM

ea podagra laborant cum cacochymia sint repleta, quam cacochymiam natura vt inutilem expellit ad imbecillas partes, & inutiles, & ignobiles, & hac de causa generatur podagra.

Puer podagra non laborat ante vsum venereorum. 32.

Pueri podagra non laborant ante vsum venereorum etiã si excrementicij sint ob uictus intemperantiam, quoniam non fiat in ipsis ebullitio retentione venereorum: verum post vsum venereorum podagra laborãt ratione ebullitionis & motus venereorum, quæ quidem cum fusionem materiarum faciunt ledunt pedes si contingat ipsos facile affici, & podagram pariunt.

Dolores oculorum meri potio aut balneum, aut fomentum, aut venæ sectio soluit, aut medicamentum. 33.

Lippitudo fit vel affectu primario, vel per consensum, precipuè quidẽ affectu, vt cùm materia existens in oculo perturbat, vel crassa & quæ difficulter remoueat, vel tenuis & acuta, vt quando in ipso est nuda intemperies minimam habens materiam. Per consensum autẽ, vt cùm simul afficitur oculus cum vna parte. verbi gratia cerebro, vel aliqua alia eiusmodi parte multitudinem habente materia, vel cùm tota

totum corpus laboret, vel qualitate, vel quantitate humoris, uel intemperie. Cum igitur differentes sint causa lippitudinis, differens est curatio etiam eam quidem lippitudinem, quæ per consensum ledit ratione quantitatis, curat uena sectio ratione euacuationis. Eam autem quæ est ratione qualitatis, purgatio, cum enim purgetur causa, & dolor statim sedatur. Eam autem quæ est affectu præcipuo ratione crassitudinis, meripotio soluit, quum calefaciat & attenuet, & difflet materiam, uel quoniam humectet, & temperet. Intemperiem autem balneum eadem ratione.

Balbi ab alui profluuio maxime capiuntur.

34.

Naturalis locutio fit aliquando quidem, cum lingua feratur ad incisorios dentes, & fortior existens firmetur. Alio autem modo quum reuerberetur ad superiora, differenti enim motu differentem etiam locutionem efficit. Sciendum autem est duos fieri affectus circa vocem κλαγγον & ἑσυχον. Circa locutionem autem pselum, & traulum. Balbuties autem aliquando fit, cum lingua facta sit breuior quam par est, & quæ non prauenerit, ut rectè firmetur ad incisorios dentes, quod quidem rarum est, aliquando cum lin-

APHORISMORVM

qua sit mollior & humidior, vel per seipsam, uel ob cerebrum. Cùm enim ag grauetur multitudi-
ne non potest reuerberari, & hac de causa balbu-
ties prouenit, de qua etiam sermo est Hipp. qui-
cung, igitur balbi hoc modo fiunt, hi alui pro-
fluuio facile capiuntur, cùm enim cerebrum ha-
meçtet linguam, ex qua balbuties sit, descendit
fluxio in ventriculum, quam diuturnam sequi-
tur alui perfluuium. Cùm autem lingua humi-
dior sit natura, & ventriculus iure sit eiusmodi,
ut qui altera tunica communionem habeat
cum lingua, huius proprius effectus est diutur-
num alui profluuium.

Qui aridum ruçtum eruçtant, non val-
de laterali morbo corripuntur, 35.

Acidum ruçtum eruçtantes non valde
morbo laterali corripuntur. Acidus enim ru-
çtus generatur, vel ob frigiditatem existentem
in ventriculo, vel ob pituitosum humorem re-
dundantem in ipso fundo ventriculi. Cùm igitur
hoc modo se habeat, iure in eruçtantibus a-
cidum ruçtum non sit morbus lateralis. Mor-
bus enim lateralis ex flaua bile generatur, ve-
rùm quoniam quamuis raro. Prouenit etiam ex
humore pituitoso, ideo dixit Hippocrat. non
valde.

Quicunque calui fiunt, ijs magnę varices non fiunt, quibus verò caluis varices magnę superueniunt, ij rursus capillati fiunt. 36.

*Caluos nunc appellat non propriè caluos, sed eos quibus ob affectum capilli decidunt, verbi causa ob alopeciam, vel ob ophiasim. Hi autem laborant his affectibus ob redundantiam vitio-
rum humorum in superioribus partibus circa caput, qui ob prauam qualitatem incidunt pilos, & hos pariunt affectus: qui igitur calui hoc modo fiunt, varices magnas, hoc est venarum latitudines in cruribus & femoribus non habent: quoniam in superioribus partibus redundat humor. Si autem apparuerint varices magnę rursus capillati fiunt, cum ea quę sunt circa caput liberata sint à casochymia, & ad inferiora translata sit materia.*

Aqua inter cutem laborantibus tussis superueniens, malum. 37.

In principio quidē morbi tussis superueniens nihil mali facit, quoniam nō paruum est intervallum. Posterius autem superueniens etiā magnum malum. Indicatur enim vsq; adeò autē esse humiditatem, vt etiam asperam arteriam occupauerit. Hinc tussis & periculum est ne sus-

APHORISMORVM

focetur egrotans, vel ostenditur spiritum abundantia, à quibus cum comprimantur partes respirationi seruientes tussis fit.

Difficultatem urinæ secta vena iuuat,
secare verò interiores, 38.

Vena sectionem hoc loco tali incisionem vocat. Interiorem autem eam quæ per rectam lineam aduersa est renibus, ipsa igitur cum incidatur per sanguinis missionem soluit difficultatem urina, eam v3 quæ est ob inflammationem, & hac de causa cum liberamur ab inflammatione, liberamur etiã ab urinæ difficultate. Vena autem sectio nullo modo soluit alias urinae difficultates, quæ vel ex vesicæ imbecillitate proueniunt: vel ex conuulsiua dispositione, cum musculus omni ex parte comprimatur, vel ex calculi obstructione.

Ab angina habito, si tumor in collo fiat bonum: foras enim morbus deducitur. 39.

Causa est aperta: nam materia à nobilioribus partibus ad ignobiliores translata est.

Cancros occultos melius est omnes non curare: curati enim cito pereunt, non curati autem, longius tempus perdurant.

Cancer est durus quidam tumor, vocatur autem cancer à cancro animali, vel quoniam feri-

na sit hac passio, prouenit autē ab atra bile dominante, vel à flaua bile superassata sed horum hi quidem sunt manifesti, hoc est in superficie corporis existentes, hi autem occulti, hoc est in interioribus partibus corporis existentes, quos ne curemus, hortatur, si enim exquisitam curationem adhibeamus cito moriuntur, quoniam cum ipsis curentur, vel incissione, vel combustionē, quæ pertingāt vsq; ad interiores partes corporis multa alia consequentur symptomata, quibus natura non valebit resistere. si autem non curati permaneant, hoc est parum curati, solum enim accipientes à medico ea quæ ad abluendā saniem pertinent, longo tempore perdurant quoniam mitior fiat ferina bilis.

Conuulsio fit vel ab euacuatione, vel à repletionē, sic & singultus, 41.

A repletionē quidem hoc modo implentur nerui ab humoribus crassis & lentis, impleti aut intēduntur & ex hoc conuelluntur ut chorda, ab euacuationē aut hoc modo exiccatur nerui & cōtrahūtur ad seipsos eodē modo & singultus, si quidē cōuulsina dispositio in stomacho cōsistit.

Quibus dolor circa præcordia fit absq; inflammationē, ijs febris superueniens morbum soluit. 42

APHORISMORVM

Præcordia in vniuersum hypocondria vocat, sit autem in ipsis dolor vel ob frigidam intemperiem, vel ob humoris crassitudinem, vel ob crassorum spirituum abundantiam, si igitur sine inflammatione sititilis fiat dolor circa præcordia sed fortasse vel ob spiritus vel ob crassitudinem materia, vel ob frigidam intemperiem, superueniens febris soluit dolorem, cum resoluat crassum, & extinguat intemperiam difficultatem.

Quibuscunque suppuratio existens in corpore non innotescit, ijs ob crassitudinem puris aut loci non innotescit. 43.

Nunc est sermo de abcessibus, hac est autem eius sententia, si abscessus non manifestantur, hoc est non acuminantur, indicant vel crassitudinem puris, vel cutis, crassitudo enim ut in interioribus iacens nunquam acuminatur, & cutis, si contingat eam habere crassitudinem non permittit ipsum acuminari. Si igitur suppuratio est in corpore, vel abscessus, & non acuminatur, his de causis non acuminatur, cognosces autem ipsum, quando suppurabitur, ex inaequalitate rigoris & inordinata febre, sermo igitur ad chirurgos attinet, ut intelligant, quid illis faciendum sit.

Morbo regio laborantibus si fiat Hepar

durum, malum.

44.

Cum inflammatio existat in Hepate, in ipso fit intemperies, ex qua bilis generatur, quæ cum per totum corpus defratur morbum regium efficit. Cum autem postea is perseueret, si tempore contingat, ut colligatur crassus humor, & ex hoc durum fiat hepar, malum, quoniam necessario superueniat malus habitus vel aqua intercus, cum hepar male agat & non conuertat cibum in sanguinem.

Quicumque lienosi ab intestinorum difficultate capiuntur ijs superueniente longa difficultate intestinorum, aqua intercus aut leuitas in testinorum aduenit, & moriuntur.

45.

Lienosi sunt illi, qui habent in splene tumorem ex humore melancholico. Hi igitur cum causa naturaliter euacuetur, capiuntur ab intestinorum difficultate ex feruore humoris. Quæ quidem si brevis est, bonum est: si uero protrahatur, non est bonum. Aqua enim inter cutem superuenit ipsis, vel leuitas intestinorum, & moriuntur, aqua quidem inter cutem. Nam multum euacuatione debilitatur hepar, cum simul euacuetur calidum innatum. Sæpe numero autem debilitatur etiam ventriculus eadem ratione

& sit leuitas intestinorum.

Quibus ex vrinæ stillicidio ilcos superuenit, in septem diebus pereunt, nisi febre superueniente satis vrinæ fluxerit. 46.

Quidā dicant ex, ileo fieri vrinæ stillicidiū, hoc modo obstruuntur crassa intestina à crassis & lentis humoribus, cum ipsa obstruantur, non fit distributio ad hepar, cum autem nō fiat distributio, neq; generantur humores. reliquum est igitur vt neq; fiat vrinæ separatio, hac de causa vrinæ stillicidium fit, quod etiam est difficile, septem igitur diebus pereunt, si febris nō superueniat, si enim superueniat, fusionem facit humoris, & attenuat, & incidit ipsum, & ab obstructione liberat partes, in quibus impactus est humor, & magna uel copiosa fit excretio vrinæ, quod quidem est bonum, sic opinati sunt quidam. Hip. autem ex vrinæ stillicidio ileū supponit, & recte, etenim primum vrinæ stillicidium informatur ab ileo, cōtingit enim usq; ad quatuor uel quinq; dies in intestinis esse obstructionem, & ileum non esse manifestum. vrinæ autē stillicidium primo sic apparet.

Vlcera, quæcunq; annua sunt, aut etiā diuturniora, os abscedere est necessarium & cicatrices cauas fieri.

Vlcus diuturnum fit vt annuum, vel etiam longiori tempore protractum, vel ob humidam materiam ad ipsum confluentem, vel ob intemperiem, vel ob erosionem quandam, & putrefactionem, quæ in ipso facta est, quæ nõ solum carnes afficit, verum etiam vsq; ad ipsa ossa penetrat. si hoc igitur postremum contingat, necesse est os abscedere, hoc est squammulas ossis, & ob ossis euulsionem causas fieri circuitus, tunc autem incipit curari, cum caro in ipso generetur, & ad cicatricem perueniat. Sciendum autem est diuturna vlcera esse phagedæna Telephia & chironia. Phagedæna quidem appellatur, quoniam corrodant, chironia à chirone, qui ea curauit, Telephia à Telepho, qui ea passus est.

Qui gibbi ex asthmate aut tussi fiunt, ante pubertatem moriuntur. 48.

Spina recedit, vel ad interiora, vel ad exteriora, vel ad obliqua: sed ipse recessus uel à primitiua causa ortum habet, vel ab abdita. A primitiua quidẽ hoc modo, si verbi gratia ex ictu lapidis vel ligni contingant. Ab abdita autem, si in ligamentis vertebrarum tuberculum crudum factum sit, vel inflammatio, tunc enim cū dilatetur, ad interiora trahuntur vertebrae, vel ad exteriora ob angustiam. Supponatur igitur

APHORISMORVM

tuberculum circa ligamenta vertebrarum, ex hoc recedunt ad interiora vertebrae, & angustior fit thorax, & consequitur difficultas anhelitus, quæ vocatur asthma extrâslatione, & recessu vertebrarum. Si tamen crassa sit materia, & si tenuis sit & ex ipsa pars deferatur ad thoracem, fit tussis, cum excernatur per asperam arteriam, qui igitur gibbi ante pubertatē fiunt per abscessum, ex asthma vel tussi moriuntur, quoniam non augentur. In ipsis enim partibus & thorax profunditatem non habet, nec est in ipsis copia calidi innati, & ideò moriuntur.

Quibuscunque venæ sectio, vel purgatio cum medicamento conuenit, hos vere purgare, vel venā incidere oportet. 49:

Ad præseruandum attinet hic Aphor. & de his agit, qui non sine periculo bene valent, ij enim vel quantitatem humorum hoc patiuntur, quorum secare venam oportet, ne incidant in morbos, qui ex plenitudine oriuntur, vel qualitate, quos etiam purgare oportet, ne in varios affectus incidant. Quibuscunque igitur ex eiusmodi hominibus, vel venæ sectio, vel medicamentum conuenit, his oportet vere vel secare venam, vel purgare. Nam tunc non est caliditas efficiens resolutionem corporum, non frigiditas

ditas, q̄ efficit morsum humorū, nō inaequalitas perturbās facultates, uerū potius temperies.

Lienosis difficultas intestinorum superueniens, bonum. 50.

Lienosos vocat eos qui habent splenē scirrho affectum, quibus si superueniat difficultas intestinorum, bonum est ratione translationis, cum effundatur humor melancholicus impetus in splenē.

Quibuscunque morbi podagri fiunt, hi sedata in quadraginta diebus inflammatione finiunt. 51.

De podagrica dispositione agit, & praescribit ipsi vltimum tempus monens in quadraginta sedari inflammationem & finiri. Si enim id quod fluit sit tenue, etiam celerius inflammationem patiuntur si autem humidū & lentum longiori tempore, uerū non procul à quadraginta diebus inflammantur quam longissime. Nam humiditates quae sunt in dearticulationibus ligamentorum continentium ipsas, oportet per vapores euacuare, & eas quae incidunt in ligamenta, quo enim modo difficulter aliquid exterioris humiditatis peruenit in ipsas partes, eodem modo etiam difficulter transfertur.

APHORISMORVM

Quibuscunque præceditur cerebrum, ijs necesse est febrem, & bilis vomitum superuenire. 52.

Præcisionem vocat eam, quæ penetrat vsque ad interiores partes. Si igitur cerebrum ex quadam occasione & ex primitiua causa præcideretur vsq; ad interiores partes, necesse est febrem & bilis vomitum superuenire: febrem quidem, cum ipsum, quæ est pars nobilissima laboret inflammatione: bilis autem vomitum, nam cum efficiatur neruorum principium, ea partes, & maximè os ventriculi, vt nervos habentes in se multos naturaliter concutiuntur, & perturbantur, & ad euacuationem variorum humorum inuitantur, & ad fluxum: præcurrunt autem ea quæ sunt biliosa, vt leuissima.

Quicunque dolore capitis repente capiuntur, & statim muti fiunt, & stertunt, in septem diebus pereunt, nisi febris apprehenderit. 53.

Oportet verò & cōsiderare oculorum in dormiētibus suspensiones, nam si quid album commissis palpebris subinspicitur, neque ex alui profluuiio, aut medicamenti potione istud contingat, malum est signum, & lætale valdè. 54.

De morbo attonito agit, & ipsius exponit principium incrementum, & vltimum statũ. Principium igitur ostenditur ex repentino dolore, qui fit ex grauitate crassi & lēti humoris, postea cū restet, vt crassi spiritus generentur, cum absoluta fiat obstructio cerebri, nō amplius transmittitur virtus ad æruos, & amittitur vox, quod ostendit incrementum affectionis. Si igitur hoc fiat, stertunt, hoc est uiolenta respiratio superuenit, ex qua ostenditur status, & moriuntur, nisi apprehendat febris. Si enim hoc accedat, resoluitur subsidens in capite materia, & attenuatur, & diffatur, & prohibetur, ne moriantur, verū oportet inspicere supectiones oculorum: si enim febre superueniente appareat aliquid albi, non proueniens ex alui profluuiio, vel ex medicamento potione, difficile est. Ostendit enim perfectam imbecillitatem musculorum claudētium oculos, & totius corporis. Si autem nihil albi simul appareat, bonum signum, quoniam robustam indicat facultatem.

Desipientiæ, quæ cum risu fiunt, securiores, quæ verò cum studio, periculosiores.

55

Desipientia est excessus vel potius priuatio ratificationis & discursus. Huius autem disse-

APHORISMORVM

rentia sunt quatuor. Est enim moderata quæ sola sit ex miti caliditate, est autem vehementior quæ facit homines audaces & contumeliosos, hæc autem ex maiori caliditate provenit. Est autem etiam vehementissima, & est in hac ferinus mos, quæ quidem provenit ex absoluta & perfecta caliditate. Extrema ex humore melancholico generatur. Quæcumq; igitur harum cū risu sunt, securiores sunt, quoniam ex mitiori fiunt caliditate proveniente à copioso sanguine. Quæcumq; autem cū studio, periculosiores, quoniam ex vehementi caliditate fiant, & à flaua bile irritentur.

In acutis passionibus, quæ cum febre sūt luctuosa suspiria, malum. 56:

Huius Aphor. Intemperatio desideratur.

Dolores podagrici vere & autumnino magna ex parte mouentur. 57.

Iure hi affectus mouentur vere & autumnino. In vere quidem: nam hoc tempore quod moderatam habet caliditatem, sit fusio materia, quæ prius in hyeme collecta erat, & expulsio à robustis locis ad imbecillos, hoc est pedes. In autumnino autem quoniam ob inaequalem intemperiem deiciuntur virtutes, quibus deiectis differentes generantur humores, & cū expellantur ad imbecillos

becillos & inferiores locos, podagram faciunt, praterea quoniam in ipso concludatur materia in astate collecta.

In morbis melancholicis ad hæc periculosi decubitus stuporem corporis, vel conuulsionem, vel furorem, vel cecitatē significant. 58.

Nunc agit de melācholia, & de translatione materia, quæ ex ipsa existit, & de successione aliorum morborum, si (inquit) habito quodam à melancholia inclinauerit eiusmodi materia per transpositionem in has partes, periculosum est. Si enim ad oculos delata sit, facit cecitatem. Si autem ad nervos conuulsiones, quæ ex multitudine proueniunt. Si autem perfecte obtuxerit ventriculos cerebri, quos corpus appellant, morbum attonitum. Si autem ad membranas ipsius cerebri, furorem generat, hoc est eum, qui melācholia vocatur.

Apoplexiæ autem fiunt maxime à quadragesimo vsque ab sexagesimum. 59.

Homines à quadragesimo anno vsq; ad sexagesimum apoplexia corripuntur. Nam maxime redundat in ipsis humor melancholicus, qui crassitie sua obstruens apoplexiam generat. Fit

APHORISMORVM

autem & à pituita apoplexia, sed nunc de ea nõ est sermo Hip.

Si omentum exidat, necesse est putrescere. 60.

Omentum est adiposa & fibrosa substantia superiacens intestinis & ventriculo, huius sapenumero, cum in imo ventre perforatio facta sit pars quedam excidit, & quoniam adipe plena est & facile afficitur contingens exteriorem aërem, necessario statim putrescit. Iubet igitur Hip. vt incidamus id quod excidit, & hoc modo ventrem suamus.

Quibuscunque à coxendicum dolore molestati exidit coxa, & rursus incidit, ijs mucres superueniunt. 61.

Cum enim in eo loco colligatur pituita, videlicet in ea ciuitate, in qua est de articulatio coxae, veluti irrigat ligamenta, & laxa ipsa facit, & hac de causa à proprio loco recedit, & rursus incidit caput femoris.

Quibuscunque à coxendicum dolore molestati s diurno, exidit coxa ijs crus tabescit, & claudicant, si non yrantur. 62.

Si ob multitudinem mucoris cum maior recessu maneat coxa, fiet claudicatio cruris, consequetur autem necessario & nutrimenti defectus, cum naturali motu priuatum sit. Sic quidem tabescit crus & claudicat eorum, qui à coxendicum dolore molestantur, nisi vrantur. Si autem vrantur nihil horum patiuntur. Vstio enim mucorem incidentem exiccat, & consumit, & firmanitur ligamenta, cruris, & in naturalem statum redeunt, & posthac non amplius excidit caput fœmoris à cavitatē.

R

R 3

PHILOTHEI COMMENT-
TARIA IN SEPTIMUM APHORISMO-
rum Hippocratis, LVDVICO
CORADO interprete.

In morbis acutis frigus extrema-
rum partium malum. 1.



*H*oc loco de superuenientibus agit.
Superuenientia autem (ut dictū
est in superiori sectione) quatuor
modis intelligitur. Supponit igi-
tur morbum, qui quidem est fe-
bris acuta, & ex eo symptoma, qua quidem est re-
frigeratio extremarum partium, si (inquit) su-
perueniat in acutis febribus frigus extremarū
partium, hoc est digitorum, narium, aurium,
& simpliciter superficialium partium sine ma-
nifesta causa, malum est & perniciosum. Osten-
ditur enim imbecillum esse calidum innatum,
febris enim extinguit ipsum, vel est inflamma-
tio iusta in hepate & ventriculo, qua feruore
suo, more cucurbitula trahit sanguinem ad se-
ipsam, & hac de causa extrema partes sanguine
nudata refrigerantur.

In osse ægrotante caro liuida, malum est. 2.

Ægrotant os, cum materia vitiosa vsq; ad ipsum penetret. Si igitur cum affectum sit os, rursus caro liuida superueniat, malum est, ostenditur enim in eo loco extinctio naturalis caliditatis, & mali moris esse morbus.

A vomitu singultus & oculorum rubor malum. 3.

Vomitus & singultus ambo sunt affectiones stomachi, sed differunt loco. In vomitu enim in ipsa cavitare ventriculi est materia. In singultu autem materia est in ipsa substantia stomachi. Si igitur singultus à vomitu superueniat, malum. Nam materia translata est ab ignobiliore parte, hoc est à cavitare ad nobiliore, hoc est ad substantiam stomachi. Præterea etiam oculi rubri superuenientes ex vomitu, malum, ob eandem causam: simul enim affectum est cerebrum stomacho patiente inflammationem, hoc autem manifestum est ex oculis. Hi enim cū materiam susceperint, & ab ea sint affecti, eodem modo rubescunt.

A sudore horror, non bonum. 4.

Sudor superueniens liberat à morbo, verū non quilibet, sed is qui provenit ex providentia

APHORISMORVM

natura. Si igitur sudor fiat, & non consequatur facilis tollerantia, sed magis horror, malum est. Indicat enim multitudo subiecta materia, & ratione mali moris fieri morbum.

A furore, difficultas intestinorum, vel aqua inter cutem, vel mentis alienatio, bonum. .5

Furor propriè ortum habet ex flaua bile redundante in cerebro, verùm si eadem materia confluat ad ventriculum, & ad intestina generat intestinorum difficultatem. Si autem ad hepatis, parit imbecillitatem facultatis, ex qua generatur sanguis, & facit mediocrem aquam inter cutem. Alienationem autem mentis facit, hæc est motum & turbationem, qua indicanda est eo modo quo dictum est in his, in quibus indicatio fit, hoc est autem nox, qua præcessit difficilis tollerantia. Si igitur aliquid horum ex furore fiat, bonum est, à nobilissima enim parte, hoc est à cerebro ad ignobiliores partes translata est materia.

In morbo diuturno fastidium cibi & biliosæ deiectiones, malum. .6.

Diuturnos morbos dicit eos, qui in longum tempus protenduntur, in quibus & cibi fastidium, & biliosæ deiectiones malum. Nam iudi-

cant absolutam imbecillitatem facultatis non amplius alterantis, non amplius concoquentis, non amplius continentis, ut deinceps secundum naturam ferantur deiectiones.

Ex multa potatione rigor, & desipientia, malum. 7.

Multum potationem vocat, ex qua rigor, & desipientia naturaliter proueniunt. Rigor quidem cum materia calida & acris & mordax fusa sit in partibus, in quibus est electio, & in sensitiuis ob vini caliditatem. Delirium autem propria vini caliditate, cum cerebrum transfmuretur in intemperiem calidam. Ambo igitur hac superuenientia multa uini potioni sunt etiam mala ob excessum caliditatis.

A tuberculi intus ruptione, exolutio, vomitio, aut animi defectus, fit. 8.

Hac est eius sententia, si tuberculum sit interius, siue in partibus ad nutritionem pertinentibus, verbi causa in ventriculo, vel in thorace & statim disrumpatur, fertur pus, ad pulmonem, & cor, vel qualitas quadam ex ipso, & facit exolutionem, & animi defectum. Hac igitur omnia sunt graua, hoc autem Hip. tacuit, quod sit in confesso omnibus.

A profluuio sanguinis conuulsio, ac

desipientia, malum.

9.

Hoc loco inquit, si fluxus sanguinis fiat ex qualibet parte corporis, & ex ipsa consequitur conuulsio, malum. Non enim ex plenitudine sequitur, verum ex siccitate. Si autem aliquando exiccato cerebro, cum videlicet præcesserit vigilia ex euacuatione fiat etiam desipientia, adhuc peius est.

Ab illo vomitus, vel singultus, vel desipientia, vel conuulsio, malum.

10.

Illeum est vomitus stercoris. Si igitur stercus morsum faciens affecerit substantiam stomachi, singultum facit, si autem aliquando acriores vapores delati sint ad superiora, hoc est ad cerebrum. Si quidem ad substantiam ipsam penetrabunt, sit desipientia: si autem ad nervos, conuulsio, hæc igitur omnia cum ex ileo fiant malum.

A morbo laterali pulmonis inflāmatio, malum.

11.

Morbus lateralis sit in membrana succingente costas. Pulmonia autem in pulmone, malum igitur est in morbo laterali pulmonia fieri: quoniam fiat translatione materia ab ignobili parte ad nobilem, hoc est ad pulmonem.

A pulmonis inflāmatione phrenitis, malum.

12.

In nobiliorem enim partem facta est translatio materiae, quanto enim pulmon nobilior est membrana succingente costas, tanto est ignobilior cerebro.

Ab æstibus fortibus conuulsio autem distentio, malum. 13

Hoc est in ardenti febre, quoniam ex siccitate prouenit.

In capitis ictu obstupescencia, & dici-
pientia, malum. 14.

Indicat enim temporales musculos affectos esse. His autem affectis simul afficitur etiam cerebrum, hinc desipientia & excessus, id est mentis alienatio sequitur. Fieri enim non potest, ut cerebrum non sit affectum. Hoc autem non solum non est malum verum etiam letale.

A sanguinis sputo, puris sputum. 15.

A puris sputo, phtisis, & fluxus: cum vero sputum retinetur, moriuntur. 16.

Nunc ex thoracis partibus supponit ferri sanguinem. Fertur autem, vel propter ruptionem, vel propter corrosionem, uel propter osculi apertionem. In sputo igitur sanguinis ad secundam nauigationem preparatur natura, & in pus transmutatur materia, & puris sputum sequitur. Cum autem hoc sputum perseveret in excre-

APHORISMORVM

do obtundit utilitatem spiritum, ut toti corpori non suppedietur, & fit colliquatio, quæ phthisis appellatur. Si autem tanta fiat decidentia, ut etiam fluxus pilorum sequatur, & ventris profluuium, difficilius est. Ostenditur enim prostratas esse virtutes.

In hepatis inflammatione singultus, malum. 17.

Hepate inflammatio singultus malum. Nam ostenditur multam esse repletionem, & distentionem, ut angustia ipsa perueniat usque ad ventriculum, quo compresso, fiat singultus, vel quoniam ostenditur multa inflammatio quæ calefaciens ventriculum, & os ipsius singultum facit.

In vigila conuulsio, & desipientia, malum. 18.

Hoc loco, si (inquit) in vigila conuulsio fiat, malum est. Nam ex siccitate provenit. Vigilia enim siccitatem facit. Si autem & desipientia superueniat, grauius est. Ostenditur enim accessio siccitatis.

In lethargo tremor, malum. 19.

Lethargus est passio circa cerebrum consistens, quæ provenit ex materia humida & frigida, ex qua & difficilis expergescunctio cum imbecilli-

cillitate animalis spiritus accedit. Verum cum lenta febris fit hic affectus. Si igitur in lethargo tremor appareat, malum hoc est periculosum. Ostenditur enim tantam esse copiam frigidamateria, ut etiam dorsi partes occupet, & hinc nervi ex repletione conuellantur. Alius autem interpretes Aphor. sensit in lethargo tremorem esse malum, cum ostendat nimiam siccitatem.

In cutis exutione erysipelas.

20.

Denundatio est priuatio naturalis velamenti. Si igitur in ossis exutione, hoc est priuatione carniū & cutis erysipelas superueniat, malum est. Ostendit enim fluxum materia sanguine redundantis, quæ corrodit, & consumit superiacentes carnes. Erysipelas enim à sanguine biliosiore prouenit.

Ab erysipelate putredo, & suppuratio, malum.

21.

Si erysipelas fiat & in parte sedetur, manifestum est tempore sangrinem putrescere, & hac de causa fieri quandam deposcentiam, quam putredinem vocauit Hip. Si autem aliquando confirmata sit virtus, & incipiat in pus transmutare putrefactam materiam, tunc suppuratio. In erysipelate igitur hæc supuenientia mala sunt. Ostenditur enim erysipelas esse mali moris.

A forti in vlceribus pulsu profluuium sanguinis, malum. 22

Fortem pulsum vocat pulsatiuum dolorem, qui alia ratione non fit nisi ex cōcursu & magna inflammatione adhaerenti ipsi arteria, si igitur in vlcere dolor est pulsatiuus, & sanguinis profluuium, malum est. Primum quidem quoniam ostenditur maximam esse inflammationem in vlcere. Secundo autem loco, quoniam in eiusmodi pulsibus ostēditur profluuium sanguinis prouenisse ex aperto osculo arteria. Ambo igitur mala.

A ventris dolore diuturno suppurationio. 23

Dolor circa ventrem fit, vel ex spirituum abundantia, vel ex materia crassa & pituitosa. Hoc igitur loco supponit dolorem ex humorum crassitudine. Ipse enim in longum tempus protrahitur, ex quo & expectatur suppurationio, putrescit enim tempore materia, & in pus trāsmutatur. Hic autem sermo, non solum ventriculo, in quem ingeruntur cibi, conuenit, verum etiā unicuique parti.

A deiectione sincera difficultas intestinorum malum. 24.

Sinceram deiectionem vocat carentem humidi-

miditate, & impermixtam euacuationem, quæ in exeundo mordicationes & erosiones faciens, merito efficit intestinorum difficultates, quod etiam grauè est.

In ossis præcisione desipientia, si in vacuum apprehenderit, letalis. 25.

Si (inquit) ipsum capitis os præcisum sit, ut diuisio usque ad ipsum vacuum peruenerit, hoc est usque ad id omne quod continet cerebrum, necessario desipientia sequitur & mentis alienatio.

Ex medicamenti potione conuulsio letalis est. 26.

Si ex medicamenti potione, hoc est ex immodica purgatione conuulsio fiat, letale est. Ostenditur enim immodicam esse siccitatem.

In forti dolore ventris extremarum partium frigiditas, malum. 27.

Fortis dolor ventris prouenit, vel ex inflammatione, vel ex herpete, vel ex tumore erysipelatis. Si igitur in eiusmodi dolore fiat extremarum partium frigiditas, letale est. Ostendit enim imbecillitatem caloris innati, vel iustam inflammationem, quæ more cucurbitula (ut dictum est) trahens sanguinem extremas partes frigidas relinquit.

abstrinatur Quodcunque os vel cartilago præcisa
 sit in corpore, non augetur. *et coalescit* 28.

et sicca Vel quoniam hæ partes frigida sint & sicca,
 vel quoniam (ut dictum est) ex semine ortum
 habent.

Qui alba pituita detinetur, si fortis uen-
 tris fluxus superuenerit, a morbo libera-
 tur. 29.

De aqua inter cutem, quæ est ab alba pituita
 sermo est Hip. in qua forte ventris profluvium,
 hoc est quod in longum tempus protrahatur sol-
 uit morbum ea ratione, quoniã euacuetur cau-
 sa faciens morbum. Albam autem dixit pitui-
 tam, vel ad alterius differentiam. Est enim e-
 tiam liuida pituita, vel quoniam sit alba, ut
 lac.

Quibus in alui profluuijs excrementa
 spumosa fiunt, ijs capite pituita defluit. 30

Spuma componitur ex spiritu & ex humido.
 Si igitur in ventris profluuijs excrementa spu-
 mosa fiant & appareant merito à capite defluit.
 Etenim cerebrum his duobus abundat: hoc qui-
 dem per substantiam, illo autem per temperatu-
 ram: per substantiã quidem, quoniã humidum
 est, per temperaturã autem, quoniã frigidum.
 Frigidum autem tēperatura spiritus generat.

Qui-

Quibus febricitantibus fiunt sedimina veluti farina crassior, longam ægritudinem fore significant. 31.

Si inuenta inquit sint quædam partes in vrinis habentes consistentiam more crassioris farina, vel ob colliquationem corporis fiunt, vel ob crassam materiam existentem in corpore & obsidentem ipsam caliditatem. De hac igitur significatione sermo est. Quibuscunque igitur fiunt vrinae in modum farinae crassioris subiacete febre, & crassa materia, diuturnus est morbus, indiget enim tempore natura, vt attenuet crassam materiam.

Quibus autem biliosa sedimina supra tenuia, morbum acutum significant. 32.

Hæc est Aphor. sententia. Quibuscunque biliosa sedimina, hoc est à bile colorata, superius autem, hoc est, à principio morbi tenuia & in modum aquæ, breuem morbum significant. Nam cæpit & concoctio fieri, & extrudi materia.

Quibuscunque vrinae distantes sunt, ijs turbatio vehemens in corpore fit. 33.

Distantem urinam vocat inaequalem, quæ partim concocta est, & partim cruda. Quibuscunque igitur eiusmodi fiunt vrinae difficles sunt. Ostendunt enim partim dominium natu-

ra, partim affectionis, quæ est præter naturam, ideo dixit Hip. ex his merito turbationem significari.

Quibus in vrinis bullæ insident, morbum renalem & longum significant. 34.

Bulla est spiritus flatuosus ab humiditate, vel crassa, vel tenui proueniens. Consistunt autem in superiori parte urine, quoniam attolluntur à spiritu. Quibuscumq; igitur effluerit urina in modum bullæ, & non statim soluitur, ostendit morbum longum. Crassitudo enim materiæ solet in diuturnum tempus morbos protrahere: præterea etiam morbum renalem. Fertur enim ex locis qui sunt propinqui renibus. Si enim ex meatibus deferretur, verbi causa, vel ad ventrem, vel ad thoracem cito utiq; solueretur, quoniam motu attenuaretur.

Quibus insidens pingue, ac simul totum ijs renum vitium acutum significatur. 35.

Pingue sedimen vocat adiposum, hoc est, oleum quod subsidet, hæc igitur hypostasis renum vitia significat, si simul tota est, hoc est, cita, ut semel aut bis excreta sit. Cum enim in renibus adeps colliquetur, cito excernitur. Si autem in toto corpore tarde, illa etiam acutum vitium significat, uehementem caliditatem in renibus: osten-

ostendens, ut quæ adipem ipsum colliquet.

Quibus autem morbo renali laborantibus prædicta accidunt signa, doloresq; circa spinæ musculos fiunt, siquidem circa loca exteriora fiant, abscessus quoq; exterius futuros expecta. Si vero dolores magis circa loca interiora, etiam abscessus expecta futuros interius. 36

Nephriticos vocat habentes inflammationem vel obstructionem in renibus. Si igitur est renalis dispositio, & prius dicta signa sæpenumero apparuerint, hoc est urina tenuis, & aqua similis, hoc est, hypostas bulla similis. Fiunt autem dolores circa spinales musculos interiores, cum materia quæ erat in renibus, translata sit ad ipsos, fiet abscessus interior. Si autem circa musculos spinales exteriores fiunt dolores, etiã abscessum exteriorem oportet expectare.

Quicumque euomunt sanguinem, si sine febre quidem, salutare, si autem cum febre malum, curare verò acerbis & refrigerantibus. 37.

Nunc Hip. supponit sanguinis enacuationē à partibus ad nutritionem attinentibus. Si hac igitur sine febre fiat, bonum est. Verum si sit moderata, ostendit enim non inflammationem à

APHORISMORVM

qua defertur sanguis, sed solam osculi apertionem. Si autem cum febre, valdè periculosum est & perniciosum. Ostendit enim inflammationem esse, ex qua sanguis defertur ob corrosionem. Præterea etiam curationem tradit. Curatio autem fit acerbis & refrigerantibus, verùm non omnis profluvij sanguinis, sed eius quod provenit ex apertione osculi. Id enim acerbis & refrigerantia curant, ut compressionem facientia.

Distillationes in ventrem superiorem suppurantur intra viginti dies. 38.

Distillationem vocat confluxum materiae, & eum qui fit ad asperam arteriam, vel ad cavitates thoracis, vel ad ipsum pulmonem. Ventrem autem superiorem vocat thoracem, comparans ventriculo. Si igitur fiat distillatio in ipso superiori ventre infra viginti dies, quam longissimè suppuratur, ob abundantiam calidi innati. Contingit enim aliquādo breviori tempore suppurari. Hoc autem fit & ex facultate subiecti corporis, & ex subiecta materia.

Si lingua repente incontinens fiat, aut aliqua pars corporis stupore elanguit, tale est melancholicum. 39.

Sæpe numero fit obstructio circa apophyses nervorum quæ feruntur ad musculos linguae, &

cum non amplius suppetitur facultas musculis, amittit sensum & motum lingua, quam incontinentem vacat Hip. Ex obstructione autem fieri patet, cum dicat (statim) non enim inflammatio neq; siccitas statim immobilem potest facere linguam. Reliquum est igitur, (ut dictum est) ut obstructio fiat ex crassissima materia. Si igitur lingua incontinens sit, uel alia quolibet corporis pars attonita fiat, hoc est, sine sensu & sine motu, tale melancholicum est, hoc est, provenit ab humore melancholico obstruente.

Si febris non ex bile habeat, multa aqua calida capiti super infusa solutio fit febris.

40.

Cum bilis meminisset, exempli gratia ut breuitatis studiosus, indicauit etiam intelligi posse, hoc est in reliquis humoribus, hoc est pituita, sanguine, & atra bile. Igitur effusio aquae calidae & multa non prodest in febribus a quolibet humore provenienti, sed in illis, quae sunt vel in spiritibus vel in solidis. Non enim est materia, quae ex hac effusione possit inferre dolorem. Si quis autem quaerat cur Hip. capiti iubeat superinfundi aquam calidam, dicamus hoc, idcirco fieri, ut ex capite per totum corpus descendat.

APHORISMORVM

Mulier ambidextera non fit.

41

Ambidexteros, appellāt eos homines, qui ambas manus facile mobiles habēt. Hoc autem facit consuetudo. Nam si quis à puero consueverit sinistram manum mouere, ipsa fiet aptior ad motum. Si autem ambas, ambidexter, vt enim dictum est, motus confirmat: otium autem dissoluit. Oritur hoc etiam à robore facultatum & natura, ideò potius mares sunt ambidexteri quam fœmina, cū sint imbecilliores. Alij autem hoc modo intelligunt Aphor. quoniam mulier in dextro sinu matricis non generatur.

Quicumque suppurati vruntur vel secuantur, si pus purum fluxerit, & album, euadunt, si verò subcruentum, & feculentum, ac foetidum percunt.

42.

Suppurati proprie sunt, qui inter pulmonem & thoracem pus habent. Si igitur his, cū vruntur, pus album & lene & aequale contingat fluere, bona est spes. Ostenditur enim naturam esse robustam, & superatam esse dispositionem præter naturam. Si autem fœtidum & fœculentum, moriuntur. Ostenditur enim morbum dominari. Prostratas autem esse facultates. Verum sciendum est Hip. tempore suppuratos vri inter duas costas, & vsq; adeo in profundum,

vt

ut & per ipsam succingentē pertransiret vstio,
ut ex eo aditu defferetur pus.

Quorum Hepar suppuratum aduritur
si pus purum fluxerit & album, euadunt,
in tunica enim his pus cōtinetur, si verò
qualis amurca fluat pereunt. 43.

Hoc loco inquit. Considerandum est pus, q̄
excernitur: si enim album & purum fiat, indica-
tur robur alteratricis facultatis, & exteriorē
inflammationem esse circa membranā hepatis:
si autem ut amurca, hoc est, fex olei fluat,
pereunt.

Dolores oculorum post meri potionē,
& aquæ calidæ balneum, venæ sectione
curato. 44.

Hæc est eius sententia si fiant dolores oculo-
rum, oportet merum bibere, & post aquæ calidæ
balneum secare venam: verum hoc facere, si est
matèria in solo oculo: & primum quidem merū
potare, postea uti balneo. ut fiat fusio matèria,
& sic venam secare ut matèria consistat, quæ
prius cepit effundi.

Aqua inter cutem laborans si à tussi
habeatur desperatus est. 45.

Hic Aphor. superius interpretatus est. Ve-
rū sciendum est quicumque Aphorismi inter

APHORISMORVM

se similes sunt, & eiusdem sententia ab alijs, & non ab Hip. interpositos esse.

Vrinæ stillicidium & mingendi difficultatē vini potio & venæ sectio soluit. 46

Vrinæ stillicidium appellat inflammationem existentem in vesica, quæ ob copiosam humiditatem, exoluit facultatem ipsius, hanc venæ sectio soluit, quoniam euacuat materiam facientem morbum. Verum oportet interiores secare, hoc est eas, quæ sunt in interioribus talis, mingendi autem difficultatem ex obstructione proueniente flatuosorum spirituum, & ex lētis humoribus vini potio soluit. Vinum enim merum ut calidum, diffilat, & resoluit ipsos.

Ab angina habito tumor, vel rubor in pectore superueniens bonum: extra enim vertitur morbus. 47.

Causa superius dicta est: nam ad ignobilem partem à nobili translata est materia.

Quibus cerebrum sphacelatum, id est corruptum est, in tribus diebus pereunt, si vero hos euaserint, sani fiunt. 48.

Sphacelismus hoc loco intelligendus est pro corruptione, & putrefactione incipiente, quibus igitur cerebrum corruptum est, hoc est cœperit tendere ad corruptionē, & putrefactionem,
in

in tribus diebus pereunt, quoniam affectus sit difficilis, & pars sit nobilissima: si autē hos tres dies effugerint, sani sunt: ostenditur enim robur facultatis.

Sternutamentum fit à capite, vel calefacto cerebro vel humectato eo, quod in capite est, inani, aër enim intus contentus extra erumpit, sonat autem, quoniam per angustum ipsi est exitus. 49.

Sternutamentum est sonus aëris expirati violentia factus, fit autem duplici ratione, ut dictum est, vel enim trahit ad seipsum superfluitates, & replet cerebrum, reliqua desiderantur.

Restāt vigintisex Aphorismis. quorum interpretationem prætermisit Philotheus, vel quoniam faciles sint, vel quoniam ex superiorum interpretatione facile intelligi possint, vel certe quia sicut dicit Galenus nothi sint &

Hippocrati ascripti, cum aut sint ex supradictis Aphorismis consarcinati, aut illorum partes, vel ydē ipsi mutatis tantum verbis sup-

positi



APHORISMORVM

Si senioribus supra modū purgatis singultus supervenerit non bonum. 50

Si febris nō ex bile habeat multa aqua calida capiti superinfusa solutio febris, 51. & 52

Ubique hæpar circundolent, his febris superveniens solvit dolorem. 53

Quibus venis sanguinem mittere confert, his vere venam oportet secare. 54

Quibus inter ventriculum, & septum pituita reposita est, & dolorem affert non habens exitum, neq; ad alterum vētrem, his per venas ad vesicam pituita versa soluitur morbus. 55

Quibus hæpar aqua plenum in omentum eruperit, his venter aqua repletur, & moriuntur. 56

Halyce, id est anxietudo, oscitatio, horror, vinum æquale æquali potum, solvit ægritudinem. 57

Quibus in vrinario meatu tubercula fiunt, his suppuratione facta, & eruptione, soluitur dolor. 58

Quibus cerebrum aliqua ex causa concussum fuerit, necesse est statim mutos fieri. 59

Corporibus carnes habentibus humiditas, famem adhibere conuenit, fames enim corpora siccat. 60

Vbi in toto corpore mutationes, & corpus refrigeratur, & rursus calefit, aut colorem alium ex alio commutat: longitudo morbi significatur. 61

Sudor multus, calidus, vel frigidus, semper fluens humorem abduci, robusto quidem supra, debili verò infra significat. 62

Si quis cibum febricitanti dederit vt sano robur sic laboranti morbus. 63

Quæ per vesicam excernuntur inspicere oportet, si talia qualia sanis excernuntur. Quæ igitur minime similia sunt, hæc morbosiora. Quæ verò sunt similia, hæc minimè morbosa. 64

Et quibus deiectiones, si stare permiseris, & nō moueris, veluti strigmenta subsistūt, & si pauca, paucus est morbus, & si multa, multus: his confert alui purgatio, quod si aluo non purgata dederis sorbitiones, quanto plures dederis, tanto magis nocebis. 65

Excretiones in febribus non intermit-

APHORISMORVM

tentibus, liuidæ sanguineæ, biliosæ & foetidæ, omnes malæ. Cùm verò benè excernuntur, bonum est, & per ventrem, & per vesicam, & vbi aliquid secedēs steterit nō purgatum, malum. 66

Corpora oportet vbi quis purgarè voluerit, fluida facere, & si supra sistere aluū, si verò infra, humectare. 67

Somnus, vigiliæ, vtraq; modum excedentia, morbus. 68

In febribus nō intermittentibus, si exteriora frigent, interiora vrūtur, & febris habeat, lætale. 69

In febre non intermittente, si labium, aut nasus, aut oculus, aut supercilium peruertitur, si non videat, si nō audiat & iam debilis sit: quicquid horum fuerit, mors propè est. 70

A pituita alba, aqua intercus superuenit. 71

Ab alui profluuio, difficultas intestinorum. 72

A difficultate intestinorum leuitas intestinorum superuenit. 73

A corruptione abscessus ossis. 74

A san-

A sanguinis vomitu, tabes, & puris
purgatio supra. 75

Qualia fuerint vesicæ, aut alui excre-
menta, & excarnibus, & excubiti alibi à
natura corpore exierit, si parum, paucus est
morbus: si multum, multus, si valde mul-
tum, lætale est.

FINIS.

Spiræ apud Bernardum Albinum.

M. D. LXXXI.